

यूहन्नाका ज्याक्तुम जोपा-सेला

सिजेम मुचु दुम्मीडिम

१ सुम्दीमोलो सिजेम बाम्डी। सिजेम माम्चुनीनुड बाम्डी, मा मे सिजेम माम्चुनी बाम्डी। २ सुम्दीमोलो गुमी माम्चुनीनुड बाम्डी। ३ माम्चुनीका गुमीलामका खोत्ले प्रडिमडी, मा गुमी मान्थि कोले वो मेप्रडिसप्पीवा। ४ गुमीडा त्वारोम बाईडा, मा मेराम त्वारोम मुचुमिमकु ओल बाईडा। ५ मेराम ओल तुकुम्चिमडला भवा, मा तुकुम्चिमका मेरामलाई छ्ल्वामु मेचाप्सु। ६ यूहन्ना ज्वाक्मा कोले मुचु बाईडा, गुलाई माम्चुनीका थुर्मीडिम बाईडा। ७ खोत्लेका मेराम ल्वा थोसाका थोरलुमीनु ज्वाक्साका ओलकु दुथाम मुचुमिमनुड सोपडा गु रोक्ता। ८ यूहन्ना उ त्वाप ने ओल मेबायावा, लावो ओलकु दुथाम सोपडा गु रोक्ताम बाईडा। ९ खोत्ले मुचुलाई ओल ग्वाक्पा आच्छाडाकाम ओल सुम्दीसेरडा योक्तोडा बेम्डी। १० गुमी सुम्दीसेरडा बाम्डी, मा माम्चुनीका गुमीलामकाडा सुम्दीसेर प्रडिमडी, लावो सुम्दीसेरका गुमीलाई मेछेडुवा। ११ गुमी उनी त्वाकु मुचुमिमकाडा योम्डी, लावो उनी मुचुमिमका गुमीलाई हुनाखाना मेबेमीवा। १२ लावो गुमीलाई हुनाखाना बेपा, मा गुमीडला थोर लुपामिम खोत्लेलाई गुमीका माम्चुनीकु चोमिम दुम्पा साखाम ग्वाम्डीमी। १३ पाइमाखालामका वो मेएँ, मुचुकु म्लु लोवो मुचुकु नका वो मेमिम चोमिम गम्डिम मेएँ। लावो माम्चुनीकु नका मेमिम माम्चुनीकु चो दुम्मीडिम बाईडा। १४ सिजेम मुचु दुम्मिडी, मा गुकु गोडा बाम्डी। गुकु उनीमा युम-भवाक्सी ल्वात्तोको। मेराम

युम-भवाक्सी पापकामलाम योक्पा कोलेडा तारापाचोकाम होप्पाम छोम दिदामनुडमा नुड आच्छाडाकाम बाईडा। १५ कु-रुदुम ग्वाक्पा यूहन्नाका उनीमा दुथाम सोत्तो डोक्पु लोलामका ज्वाक्ता, “गोडाम चडडा रोक्तोडा बेपा मुचु गोडाम डोक्पु बुमी, हेडालोने गुमी गोडाम डादो आथामडा बाम्डी’ ज्वाडडोम मेराम गुमीडा सो।” १६ छोम उनी दिदामडला दिदाम गुई ल्वास्तिम बु। १७ हेडालोने माम्चुनीका मोशालामका डुम्ला ग्वाक्साड्डामी, लावो दिदाम नुड आच्छाडाकाम ल्वा ने येशु ख्रीष्टलाम रम्बेम्डी। १८ सुका वो माम्चुनीलाई हेल्लो वो ल्वास्तुम मिबु। पापनुड बाट्पा माम्चुनी होप्पामडा तारापाचोका माम्चुनीलाई रम्बेसाड्डामिम बु।

कु-रुदुम ग्वाक्पा यूहन्नाका येशुकु दुथाम सोयुडुम

१९ यरूशलेमडाम डोक्पु यूहदीमिमका कु-रुदुम ग्वाक्पा यूहन्नलाई “सु गाना?” ज्वाक्साका हिलाबेपडा डुम्लाचोमिम नुड लेवीमिमलाई थुर्मीडी। ममलो यूहन्नाका ओराम सोयुडुम बाईडा। २० यूहन्नाका लिमा मेथसाका जोहोमका ज्वाक्ता, “ख्रीष्ट गो मेएँ।” २१ मेमिमका गुलाई हिलाबेम्डी, “मेएँ माला सु गाना? गाना माम्चुनीलाम-जेपा एलिया?” यूहन्नाका मेएँ ज्वाक्ता। मेमिमका हिलाबेम्डी, “हाम गाना गुकु लथान्कुमिम माम्चुनीलाम-जेपा मुचु?” गुका मेएँ ज्वाक्ता। २२ मेमिमका गुलाई ज्वाम्डी, “सु गाना?” गुकुनुड ज्वाका, मा गुकुलाई थुर्पामिमनुड सोकु। ईमा दुथाम गाना हाम ज्वाना?” २३ यूहन्नाका ज्वाक्ता, “माम्चुनीलाम-

जेपा यशैयाका 'मिप्रडमाकु लाम्दी बनेबे' ज्वाक्ताम होडडा गो ज्याडगो-ज्याडगोडा येपाकु लोलाम सो।" २४ मेकोतिमा फरिसीमिमका थुर्मीडिम सेलाचोमिमका २५ यूहन्नालाई हिलाबेम्डी, "गाना खीष्ट वो मेएँ, एलिया वो मेएँ, माम्चुनीलाम-जेपा मुचु वो मेएँ माला हेडा मुचुमिमलाई कु-रुदुम ग्वानामीमिम?" २६ यूहन्नाका मीमिमलाई ज्वाक्ता, "गो ने कु-रुदुम ग्वाक्पुमी, लावो गानी गोडा कोले मुचु बुमी गुमीलाई गानी मेछेनी। २७ गोडाम चडडा रोकपा मुचु गुमीडा सो। उनीमा सोलोपकु साले फ्रोमु वो गो ने घेटपा मेबुडु।" २८ बेथानिया देलडाम पूर्वथोम मे यर्दन ब्लकुडा यूहन्नाका कु-रुदुम ग्वाक्तोडा बुडुमीलौ ओराम ल्वा सोयुडुम बाईडा।

मुचुमिमकु छुल हेपा भेन्दाकु चो होप्पाम माम्चुनीकु चो येशू

२९ उ दिकाम उ त्वापथो येशू बिक्तोडा लेटिमडिम यूहन्नाका ल्वास्तुमा ज्वाक्ता, "रेप्नी, सुम्दीसेरडाम मुचुमिमकु छुल हेपा भेन्दाकु चो होप्पाम माम्चुनीकु चो। ३० 'गोडाम चडडा कोले मुचु रोमी, गोडाम गुमी डोकपु बुमी, हेडालोने गोडाम गुमी डादो आथामडा बाम्डी' ज्वाडडोम गुमीडा सो। ३१ गो आ त्वाकाडा वो गुमीलाई छेतोमिम मेबायावा, लावो गुमी इस्राएलडाम मुचुमिम गोडा रेम्बोम्समीनु ज्वाक्साका कु-रुदुम ग्वाक्तो रोडडो।" ३२ यूहन्नाका आरे ज्वाक्तो सोयुडु, "माम्चुनी-पेल पाहीलामका तुकतुकुर होडडा बेपा योम्डीमा गुमीडला गन्मीडिम गो ल्वाउतो। ३३ गुमीलाई आथावो गो छेतोमिम मेबायावा, लावो कु-रुदुम ग्वाका ज्वाक्साका थुर्पा माम्चुनीका

गोलाई आरे ज्वाम्डी, 'पेल उहेम मुचुडला योमीमा गन्मीमिम ल्वाना, गुमीकाडा माम्चुनी-पेल-रुदुम ग्वाकुमी।' ३४ गो ल्वाउतोम बु, मा सोतोडा लेटपु माम्चुनीकु तारापाचो गुमीडा सो।"

येशूकु डादोम सीसिपामिम

३५ उ दिकाम यूहन्ना नले सीसिपाचिपनुड आथावो मेराम खोमडाडा येन्तासिडडाम बाईडा। ३६ गुका येशू मेमभाल लक्तोडा बेडिम ल्वास्तुमा ज्वाक्ता, "रेप्नी, मुचुमिमकु छुल हेपा भेन्दाकु चो होप्पाम माम्चुनीकु चो।" ३७ गुका आरे ज्वाक्ताम ल्वा मे सीसिपाचिपका थोच्चीमा येशूकु चडचड लक्ची। ३८ येशूका चडथो रेप्मीडीलो मेर्चिप उनी चडचड बिक्तोडा लेटपा ल्वाम्डीमा मेर्चिपलाई हिलाबेम्डी, "हाम माल्चीमिम गाची?" मेर्चिपका गुमीनुड ज्वाक्ची, "रब्बी, गानी बान्ते बुन्थाल्नी?" (रब्बी- ज्वाक्ता "सीपा मुचु।") ३९ गुमीका मेर्चिपलाई ज्वाम्डी, "बिक्ची, मा गाची ल्वाची।" मेर्चिप लक्ची, मा गुमी बाटपा खोम ल्वाच्ची। मेनेम मेर्चिप गुमीनुडडा मेसिन्डा बाच्ची। मेकोतिलो ने-नेमथाम ब्ल(४) को-को जेस्ताम बाईडा। ४० यूहन्नाका ज्वाक्ताम थोपा, मा येशूकु चडचड लाम्दीपाचिप गोडाम कोले ने सिमोन पत्रुसकु ल्वाक अन्द्रियास बाईडा। ४१ डादो गुका उ वा सिमोन पत्रुसलाई क्रोम्डु, मा गुनुड ज्वाक्ता, "गुचुकु मसीहलाई(मसीह- ज्वाक्ता "गुचुकु मसीहलाई(मसीह- ज्वाक्ता खीष्ट) डार्चोकोम बु।" ४२ मेकोतिमा अन्द्रियासका सिमोनलाई येशू क्रोम्बेडडा रेडडु। येशूका सिमोनलाई किकिर्यो रेप्मीडोमा ज्वाम्डी, "यूहन्नाकु तारापाचो, ईमा नड सिमोन, लावो

ईमा नड केफास(केफास- ज्वाक्मा पत्रुस*)दुम।" †

येशूका फिलिप नुड नथानेललाई येट्मडिचीम

४३ उ दिकाम येशूका गालील क्षेत्रथो लक्पा मुलु बेम्डी। गुमीका फिलिपलाई डार्मीडीमा ज्वाम्डी, "आमा चडचड लाम्दीया।" ४४ फिलिप वो अन्द्रियास नुड पत्रुसकु देल बेथसेदाडामडा बाईडा। ४५ फिलिपका नथानेललाई डार्डुमा ज्वाक्ता, "मोशाकु डुम्लाडा नुड माम्चुनीलाम-जेपामिमका कोले मुचुकु दुथाम ज्वाम्डिम मेराम मुचुलाई गुकु डार्तोको। गुमी नासरतडाम योसेफकु तारापाचो येशू।" ४६ नथानेलका गुनुड ज्वाक्ता, "हाम नासरतलाम कोर्डनिम जोपा ल्वा रोमु चाप्सु मा?" फिलिपका ज्वाक्ता, "बिकामा रेण्डा।" ४७ नथानेल उनी त्वापथो बिकतोडा लेट्पा ल्वाम्डीमा नथानेलकु दुथाम येशूका ज्वाम्डी, "लु-फेले मेबेपा आच्छाडाकाम कोले इस्राएलीलाई रेप्नी।" ४८ नथानेलका येशूनुड हिलाबुडु, "गानी गोलाई हेसाका छेट्टिडरीनी?" येशूका मेरामलाई ज्वाम्डी, "फिलिपका गानालाई येन्मु डादो बैशसीकु धक्सा फारगोयु बान्नाम ल्वान्नी।" ४९ नथानेलका ज्वाक्ता, "सीपा, गानी माम्चुनीकु तारापाचो, गानी इस्राएलडाम हप।" ५० येशूका गुलाई ज्वाम्डी, "गो गानालाई बैशसीकु धक्सा फारगोयु ल्वान्नी ज्वाडडोम ल्वाडाडा थोर लुना? गाना ओरामडाम वो हापा डोकपुतो ल्वामिम ल्वाना।" ५१ गुमीका मेरामलाई ज्वाम्डी, "आच्छाडा गो गानालाई ज्वाडु, पाह्नी हवासीमिम, मा माम्चुनीकु पाह्नीचोमिम मिनीचोडला योक्तो लक्तो बोमीमिम गाना ल्वाना।"

येशूका कु अडगुरकु कु बनेम्डिम

२ उ नहाद्दामनेम गालील क्षेत्रडाम काना देलडा लालीकुन्दा दुस्ताम बाईडा। येशूकु माम मेसिन्डा बाईडा। २ येशू नुड उनी सीसिपामिम वो मेराम लालीकुन्दाडा येट्मडिम बाईडा। ३ अडगुरकु कु हुक्ता, मा येशूकु मामका गुमीलाई ज्वाक्ता, "ओर्मिमनुड अडगुरकु कु मिबु।" ४ येशूका गुलाई ज्वाम्डी, "वा छापा,* गो हाम बोमुबासी गोलाई मेज्वाक्नी। आमा थारी आथावो रोकफाड्डाम मिबु।" †५ उनी मामका ख्लोपा मुचुमिमलाई ज्वाक्ता, "गुमीका गानीलाई ज्वामीमिम होडडा बेनी।" ६ यहदीमिमकाम सेपा दुम्मु लागि सोल्सिक्पा डुम्ला बाईडा। मेरामकाम लागि लुडकाम रुले(६) कु जुल्खोप मेसिन्डा बाईडा। मेर्मिम खोत्लेडा ८०डाम १२०लिटरसम्म हिसिक्पा बाईडा। ७ येशूका ख्लोपा मुचुमिमलाई ज्वाम्डी, "कु जुल्खोपमिम कुका देम्बेट्नी।" मेर्मिमका कु जुल्खोपमिम कुका देम्बेट्मडी। ८ गुमीका मेर्मिमलाई ज्वाम्डी, "कतिकलड वाप्नीमा गुलाकु डाउलाई कोर्नी।" मेर्मिमका कोर्मिडी। ९ गुलाकु डाउका मे कु दोण्डु। मेराम अडगुरकु कु दुस्ल्याड्डाम बाईडा। मेराम बालामका रोकताम ज्वाक्पा गुका चडुम मेबायावा। मेमडा लोवो कु वापा ख्लोपा मुचुमिमका ने चम्डिम बाईडा। मेकोतिमा गुलाकु डाऊका लारेपालाई कोर्थो येडुडु, १० मा ज्वाक्ता, "खोत्ले मुचुमिमका डादो ब्रपा अडगुरकु कु थोमी, मा बोच्चोमिमका अडगुरकु कु हापा डुमीमिम चडडा मेब्रपा अडगुरकु कु थोमी। लावो गाना ने ओम्लोसम्म ब्रपाडा अडगुरकु कु जुल्थाट्नाम रेछा।" ११ हेल्लो वो मेल्वाम्मा ओराम उनी खारी

†१:४२ *नड (अरामेइक ल्वाडा) केफास (ग्रीक ल्वाडा) पत्रुस, ओर्चिप निफीका ज्वामिम 'साम्लफे'।

†२:४ *डोकपु बेसाका डाडुमीडिम ल्वा।

खोत्लेडाम डादो येशूका गालीलडाम काना देलडा रेम्बेन्डी। अरिसाका गुमीका उनी युम-भवाक्सी रेम्बेन्डी, मा उनीमा सीसिपामिमका गुमीडला थोर लुम्डी।

येशूका सोरनेम सेपा बनेबेन्डिम

१२ मेकोतिमा गुमी उनी माम, ल्वाकमिम मा उनी सीसिपामिमनुड कफर्नहुम शहरयु लम्डी। मेम्मा कोलेम नलेम मेसिन्डा बाम्डी। १३ यहूदीमिमकाम सेल्सिक्पानेमकु चाड रोम्फामु खाप्स्तुम बाईडा। मेम्मिमका येशू यरूशलेमला लम्डी। १४ सोरनेम गोडा बेनोमिम, भेन्दामिम नुड तुक्तुकुरमिम ब्रेट्पा मुचुमिम नुड टेबलडला खउलुड फात्तोडा लेट्पा मुचुमिमलाई गुमीका डार्मीडी। १५ मेम्मा येशूका रिबाकाम याल्खोप बनेबेन्डीमा मेर्मिम खोत्लेलाई सोरनेमलामका खान्सोम्डी। गुमीका बेनोमिम, भेन्दामिमलाई कोल्मिडी। मेम्मा खउलुड फाट्पामिमकु खउलुड फोन्साम्डी, मा मेर्मिमकु टेबल चासोम्डी। १६ तुक्तुकुरमिम ब्रेट्पा मुचुमिमलाई गुमीका ज्वाम्डी, “ओमिम पाखानो लक्नी। आमा पापकु नेमलाई गानी बजार बनेमेबेनी।” १७ मेकोतिमा माम्चुनीकु सिजेमडा ज्याक्मा ओराम ल्वा उनी सीसिपामिमका मिम्मीडी, * “ईनीमा बाखोपडलाम आमा सो हन्सीका गोलाई चाडी।” १८ यहूदीमिमकु डोक्पुमिमका ओराम ल्वा गुमीनुड बिम्डी, “गाना हाम बोनामिम? ओराम खारी बोमु माम्चुनीका साखाम ग्वानामिम बु माला हेल्लो वो मेल्वाम्मा छेखोपका मेराम आच्छाडा ज्वाक्पा रेम्बेट्की।” १९ येशूका मेर्मिमलाई ज्वाम्डी, “ओराम सोरनेमलाई फाल्नी, मा गो ओरामलाई सुलेमका आथावो बनेबेउसोक्पु।” २० मेकोतिमा यहूदीमिमकु डोक्पुमिमका ज्वाम्डी, “ब्ल-रु(४६) थका ओराम

सोरनेम बनेबोम्सोमु दुस्ता, मा हाम गाना सुलेमका आथावो बनेबोम्सोमु चाम्ना?” २१ लावो येशूका “सोरनेम” ज्वाम्डिम ने उनी त्वाक्कु मिरोमकु दुथाम ज्वाम्डिम बाईडा। २२ सिमुलामका येशू बम्पोम्डिम चडडा गुमीका ज्वाम्डिम ल्वा उनी सीसिपामिमका मिम्मीडी। मेम्मा माम्चुनीकु सिजेमडा नुड येशूका ज्वाम्डिम ल्वाडा मेर्मिमका थोर लुम्डी। २३ सेल्सिक्पानेमकु चाडकाम थारीका गुमी यरूशलेमडा बाम्डी। मेकोतिलो गुमीका बेम्डिम हेल्लो वो मेल्वाम्मा खारीमिम ल्वाम्डिमका हापा मुचुमिमका गुमीडला थोर लुम्डी। २४ लावो येशूका उनी त्वापलाई ने मुचुमिमकु थेर्मा-थेर्सीडा मेजुल्मीवा। मुचुमिमकु दुथाम गुमीका चम्डिम बाईडा। २५ मुचु आच्छाडा हेप्पाम दुम्मी ज्वाक्साका सुका वो गुमीनुड सोमुमबुमु बासिक्पा मेबायावा। हेडालोने मुचुमिमकु न हेप्पाम बु ज्वाक्साका गुमीका चम्डिम बाईडा।

निकोदेमसलाई येशूकु सीसि

३ फरिसीमिम गोडाम निकोदेमस नडकाम कोले मुचु बाईडा। गु यहूदीमिमकु डोक्पु ग्रीम्डीडाम कोले डाउ बाईडा। २ सिन्था गु येशूकाडा रोक्तामा ज्वाक्ता, “सीपा, गानी माम्चुनीलाम योक्पा सीपा मुचु ज्वाक्साका गुकु चकु। हेडालोने माम्चुनी मेर्मिमनुड मेदुम्मीवा माला गानी बेन्निम हेल्लो वो मेल्वाम्मा छेखोपमिम सुका वो बोमु मेचाप्पी।” ३ येशूका मेरामलाई ज्वाम्डी, “आच्छाडा गो गानालाई ज्वाडु, लाले दुम्साका मेगक्थुमसम्म सुका वो माम्चुनीकु-किब्दी ल्वामु मेचाप्सु।” ४ निकोदेमसका गुमीनुड ज्वाक्ता, “मुचुकाम उ दु लमिम चडडा हेसाका आथावो गु गमु चाप्सु मा? हाम गु आथावो मामकु डेलगानी हुसाका गमु चाप्सु?” ५ येशूका

मेरामलाई ज्वाम्डी, “आच्छाडा गो गानालाई ज्वाडु, कु नुड पेललामका मेगक्पा सु वो माम्चुनीकु-किब्दीडा हुमु मेचाप्सु।^६ मुचुलामका मुचुडा ग, लावो पेललामका त्वारोम रो।^७ गो गानालाई लाले दुम्साका गमुबासी ज्वाडडोमका डाडया मेदुप्सा।^८ जु बान्ते उ फुन्फुनद्वा मेनोडा फुडु। जु गाना थोमु कोडडा चाम्ना, लावो बालामका रोक्ता, बान्ते ल, मेराम गाना सोमु मेचाम्ना। मेप्पामडा पेललाम गक्पा मुचु हेप्पाम दुम्मी ज्वाक्साका गाना ज्वामु मेचाम्ना।”^९ निकोदेमसका हिलाबुडु, “आरेप्पाम हेसाका दुम्मु चाप्सु?”^{१०} येशूका गुलाई ज्वाम्डी, “गाना ने यहदीमिमकु डोकपु सीपा मुचु, मा ओराम ल्वा आथावो थेसिमेथेनामिम? ^{११} आच्छाडा गो गानालाई ज्वाडु, गुकु हाम थेन्कु मेराम जेकु, मा गुकु हाम ल्वाकु मेरामकु दुथाम सोकु। लावो गुकु सोकुमिम ल्वाडा गानी थोरमेलुनी। ^{१२} गो गानीलाई सुबुडाम ल्वा ज्वाडडो माला थोर मेलुनी, मा पाहीलाम ल्वाकु दुथाम ज्वाडुलो हेसाका गानी थोरलुनी मा? ^{१३} पाहीलामका योक्पा मिनीचोडाम वाडमिम सु वो पाहीला लस्ताम मिबु। ^{१४} ज्याडगो-ज्याडगोडा मोशाका थामडला ब्लो कोस्तुम होम्साकाडा मिनीचो वो कोम्सीमु बासी, ^{१५} मा सु-सुका गुमीडला थोर बोमी, मेर्मिमका मेसिपा त्वारोम ल्वामी। ^{१६} “हेडालोने माम्चुनीका सुम्दीसेरडाम मुचुमिमलाई छोम रिखाम बेम्डी, मा गुमीका कोलेडा उनी तारापाचो ग्वाम्डी। मेम्साका सुका गुमीडला थोर बु, गु पुयु मेलु, लावो मेसिपा त्वारोम ल्वासु। ^{१७} सुम्दीसेरडाम मुचुमिमलाई मुमा बेन्मु ज्वाक्साका माम्चुनीका उनीमा तारापाचोलाई थुर्मीडिम मेएँ, लावो सुम्दीसेरडाम मुचुमिम गुमीलामका सेल्सीमीनु ज्वाक्साका थुर्मीडी। ^{१८} उहेम मुचुका गुमीडला थोर बु, मेराम मुचु

मुमा बेन्ला मेसोसी। लावो उहेम मुचुका थोर मेबु, मेराम मुचु ने डादोडा मुमा बेन्लासोसिडडाम बु, हेडालोने मेरामका माम्चुनीकु कोलेडा तारापाचोको नडडा थोर मेबुवाम बु। ^{१९} मुलुदुडकु ओरामडा सो: माम्चुनीकु ओल सुम्दीसेरडा योक्ताम बाईडा। लावो मुचुमिमका ओलडाम ने तुकुम्चिमडा हापा द्वाम्डी, हेडालोने मेर्मिमकु खारीमिम मेजोपा बाईडा। ^{२०} मेजोपा खारी बेपा खोत्ले मुचुका ओल मेद्वामी, मा मेर्मिमकु छुलमिम रेम्बेम्सिप्पी ज्वाक्पा डिमका ओलकु फार्डा मेलमी। ^{२१} लावो उहेमका माम्चुनीका ज्वामीमिम होडडा बु, मेराम ओलडा रो, मा माम्चुनीलाम गुका मेराम खारी बुडुम ज्वाक्साका जोहोमका दो।”

कु-रुदुम ग्वाक्पा यूहन्नाका येशूकु दुथाम सोयुडुम चक्थोम ल्वा

^{२२} मेराम चडडा, येशु नुड उनी सीसिपामिम यहदिया क्षेत्रथो लम्डी। मेम्मा कोलेम-नलेम उनी सीसिपामिमनुड गुमी मेसिन्डा बाम्डी, मा मुचुमिमलाई कु-रुदुम ग्वाम्डी। ^{२३} यूहन्नाका वो सालीमिकु फार्डा एनोन ज्वाक्पा खोमडा कु-रुदुम ग्वाक्तोडा लेडुडु, हेडालोने मेसिन्डा हापा कु बाईडा। मेसिन्डा मुचुमिम रोम्थाल्मिडीमा कु-रुदुम रोम्थाल्मिडी। ^{२४} (मेकोतिलोसम्म यूहन्नालाई भयालखानडा मेचक्थेडा बोम्डी।) ^{२५} मेकोतिलोडा सेपा दुम्मु सोल्सिक्पा डुम्लाकु दुथाम यूहन्नाकु सीसिपामिम नुड कोडनिम यहदीमिम खाल्बेम्डी। ^{२६} यूहन्नाकु सीसिपामिम यूहन्नाकाडा रोम्डीमा ज्वाम्डी, “सीपा, यदन ब्लोको होम्बुनो गानीनुड बाट्पा, मा उनीमा दुथाम गानी सोन्निम मुचुका मुचुमिमलाई कु-रुदुम ग्वाक्तोडा लेन्मी। खोत्ले मुचुमिम उनीमाडा लक्तोडा लेन्मीमिम बु।” ^{२७} यूहन्नाका ज्वाक्ता, “माम्चुनीका पाहीलामका

मेगवाक्थुमसम्म सुका हाम वो मेल्वासु।
 २८ ‘गो ख्रीष्ट मेएँ, लावो गो ने उनीमा
 डादो-डादो थुडिडीमिम सो’ ज्वाडडोम
 ल्वा गानी ईनी त्वाकाडा ज्वानीमिम बु।
 २९ लारेमा लारेपाकामडा सो। लारेपाकु
 फार्डा उ डोप्सो येम्सी, मा उमा ल्वा
 थोसाका छोम ब्रसिद्वा। मेप्माडा गो
 छोम ब्रसिक्पा बुडु। ३० गुमी ने डोक्पु
 दुम्तो लमुबासी, मा गो ने याक्के दुम्तो
 लमुबासी।” ३१ “गेले पाह्नीलामका
 योक्पा गुमी खोत्लेडाम डोक्पु बुमी।
 सुबुलाम रोकपा ने सुबुडामडा सो,
 मा सुबुडामडा ल्वा बु। पाह्नीलाम
 योक्पा गुमी ने खोत्लेडाम डोक्पु बुमी।
 ३२ गुमीका हाम ल्वाम्डी मा हाम थोम्डी,
 मेराम सोमी, लावो गुमीका सोमीमिम
 ल्वा सुका वो थोरेमेलुमी। ३३ गुमीका
 सोमीमिम ल्वा उहेम मुचुका थोर बु,
 मेरामका माम्चुनी आच्छाडाकाम बुमी
 ज्वाक्पा रेम्बु। ३४ उहेमलाई माम्चुनीका
 थुर्माडी गुमीका माम्चुनीकु सिजेम
 जेमी। हेडालोने माम्चुनीका थोम्मुडा
 मेभापा पेल गुमीलाई ग्वामी। ३५ पापका
 तारापाचोलाई रिखाम बोमी, मा
 खोत्ले उनीमा ल्वाडाडा ग्वाम्डिम बु।
 ३६ उहेमका माम्चुनीकु तारापाचोडला
 थोर बु, मेरामनुड मेसिपा त्वारोम दुम।
 उहेमका तारापाचोका ज्वामीमिम मेथोसु,
 मेरामका मेसिपा त्वारोम मेल्वासु। लावो
 माम्चुनीकु देन्दे मेरामडला दुमहोम बु।”

सामरी मेसेमनुड येशूका ल्वा बेम्डिम

४ यूहन्नाडाम वो येशूका हापा
 सीसिपामिम बनेबेम्डी, मा कु-
 रुदुम ग्वाक्तोडा लेन्मी ज्वाक्पा ल्वा
 फारेसीमिमका थोम्डी। २ (मेमडा
 लोवो येशू उनी त्वाका ने मेएँ, उनी
 सीसिपामिमका कु-रुदुम ग्वाम्थालिमडी।)
 ३ येशूका ओराम ल्वा चम्डीमा गुमी
 यहूदीया क्षेत्रलामका गालील क्षेत्रथो
 ख्लोम्सिम्डी। ४ सामरिया क्षेत्र दुम्तो

येशू लमु बासिक्पा बाईडा। ५ मेम्मा
 येशू सामरियाडाम सुखार ज्वाक्मा
 देलडा रोम्फाम्डी। मेराम देल याक्बका
 उ तारापाचो योसेफलाई ग्वाक्तुम ये
 फार्डा बाईडा। ६ मेसिन्डा याक्बकु
 इनार बाईडा। लाम्दीप्डा-लाम्दीप्डा
 येशू घुम्मिडीमका मे इनार फार्डा
 गन्तासिटिमडिम बाईडा। मेकोतिलो
 नेम्फुम को-न(१२) जेस्ताम बाईडा।
 ७ कोले सामरी मेसेम कु हड्डा
 मेसिन्डा रोकता। येशूका मे मेसेमलाई
 ज्वाम्डी, “गोलाई कु डुमु ग्वाडनीका।”
 ८ मेकोतिलो उनी सीसिपामिम ने पोमु-डुमु
 ब्रेप्डा शहरथो लम्डिम बाईडा। ९ मे
 सामरी मेसेमका ज्वाक्ता, “गानी यहूदी
 मा गो सामरी मेसेम, हेसाका रे कु डुमु
 आमाडा बिनिमिम?” (सामरीमिमडाम
 यहूदीमिम वाड बुम्थाल्मी।) १० येशूका
 मेराम मेसेमलाई ज्वाम्डी, “गाना
 माम्चुनीकु राप्लावा नुड गानानुड कु
 डुमु बिपा मुचु सु ज्वाक्साका छेनावाम
 माला ने गाना गुनुड बिनाव। मेम्मा
 गुका गानालाई त्वारोम ग्वाक्पा कु
 ग्वाक्नाव।” ११ मेराम मेसेमका गुमीनुड
 ज्वाक्ता, “डाचो, गानीनुड कु वाम्खोप
 सोजाम वो मिबु, मा इनार वो हापा
 छलुम्पा बु। बालामका गानी त्वारोम
 ग्वाक्पा कु रेट्नीवा? १२ हाम गानी
 ईकीमा बेब-पाप याक्बडाम वो डोक्पु?
 गुका इनार धासाक्तिकी। मेम्मा गु उ
 चो-चुसुमिमका नुड उ हादी-बारामिमका
 ओराम इनारडामडा कु डुम्डिम बाईडा।”
 १३ येशूका मे मेसेमलाई ज्वाम्डी, “ओराम
 कु डुपा खोत्ले मुचुमिम आथावो कोरा
 सिमी, १४ लावो गो ग्वाक्पुमिम कु
 सुका डुडु, मेराम हेल्लो वो कोरा मेसी।
 गो मेरामलाई ग्वाक्पुमिम कु मेसिपा
 त्वारोम ग्वामु लागि गु गोडा हेल्लो
 लोवो पुट्पाम बाट्पा कु पुन्खोप खोम
 दुम।” १५ मे मेसेमका गुमीनुड ज्वाक्ता,
 “डाचो, गोलाई मेराम कु ग्वाडनी, मा

गो हेल्लो वो कोरा मेसिडुनु। मेम्मा आसिन्डा कु हड्डा रोमुमबुमु मेबासी।”
 १६ येशूका मेराम मेसेमलाई ज्वाम्डी,
 “लक्सामा ईमा वोचुलाई येडामा रेडा।”
 १७ मे मेसेमका ज्वाक्ता, “आमा वोचु
 मिबु।” येशूका गुलाई ज्वाम्डी, “ईमा
 वोचु मिबु ज्वाक्साका गाना जोपाडा
 ज्वाक्ना। १८ हेडालोने गाना डोले मुचुनुड
 लालीकुन्दा बोमु दुम्नाम बु, मा ओम्लो
 गानानुड बाट्पा वा ईमा वोचु मेएँ।
 गाना आच्छाडा ज्वाक्नाम बु।” १९ मे
 सामरी मेसेमका ज्वाक्ता, “डाचो, गानी
 ने माम्चुनीलाम-जेपा कोले मुचु ज्वाक्पा
 गो लुडु। २० आकी बेब-पापामिमका
 ओराम पोप्चडडला माम्चुनीकु सोरलोले
 बेम्थाल्मिडी। लावो गानी यहूदीका
 माम्चुनीकु सोरलोले बेखोप खोम ने
 यरूशलेम ज्वानी।” २१ येशूका मेराम
 मेसेमलाई ज्वाम्डी, “ए छापा, गोडला
 थोर बे। थारी रोक्तोडा लेडु, पापकु
 सोरलोले गानी ओराम पोप्चडडला
 वो मेबोनी, यरूशलेमडा वो मेबोनी।
 २२ गानी सामरीमिमका सुकु सोरलोले
 बोनी, मेराम आच्छाडा मेचनी। लावो
 गुकु यहूदीमिमका सुकु सोरलोले बोकु
 मेराम चकु। हेडालोने यहूदीमिमलामका
 सेल्सी रो। २३ लावो थारी रोक्तोडा लेडु,
 मा मेराम थारी ओम्लोडा, हाडकोलो
 आच्छाडाकाम सोरलोले बेपामिमका
 पापलाई पेलडा नुड आच्छाडाका
 सोरलोले बोमी। २४ माम्चुनी पेल बुमी,
 मा उनीमा सोरलोले बेपामिमका पेलडा
 नुड आच्छाडाका सोरलोले बोमुबासी।”
 २५ मे मेसेमका ज्वाक्ता, “मसिह(मसिह
 ज्वाक्मा स्त्रीष्ट) योमी। मेम्मा गुमी
 योमीमा खोत्ले ल्वा गुकुनुड सोमी
 ज्वाक्पा गो चक्पु।” २६ मेकोतिमा येशूका
 मे मेसेमलाई ज्वाम्डी, “गानानुड जेतोडा
 बेपा गो गुडा सो।” २७ मेकोतिलोडा उनी
 सीसिपामिम र्लोम्सिम्डीमा रोम्डी, मा
 गुमी कोले मेसेमनुड जेतोडा बेम्डिम

ल्वासाका डाडाया दुम्मिडी। लावो
 “गानी हाम माल्नीमिम?” डे “गानी मे
 मेसेमनुड हेडा ल्वा बोनिमबुनीमिम?”
 ज्वाक्साका सुका वो हिला मेबेमिवा।
 २८ मे मेसेमका उ गात्री मेसिन्डाडा
 पार्जोल्लुमा देलथो र्लोसिड्डा। मेम्मा
 मुचुमिमनुड ज्वाक्ता, २९ “बिक्नी, कोले
 मुचुलाई रेप्नी, गो बेउतोम खोत्ले खारीकु
 दुथाम गुमीका गोलाई सोम्डी। स्त्रीष्ट
 गुमीडा ने मेएँ?” ३० मेम्मा देललाम
 मुचुमिम गुमीलाई रेण्डा उनीमाडा रोम्डी।
 ३१ मेराम थारीकाडा उनी सीसिपामिमका
 गुमीलाई आरे ज्वाम्डिम-ज्वाम्डिमडा
 बेम्डी, “सीपा, हाम-हम पेनीका।”
 ३२ लावो येशूका मेर्मिमनुड ज्वाम्डी,
 “गोनुड पोमु बु, मेरामकु दुथाम गानी
 मेचनी।” ३३ उनी सीसिपामिमका आरे
 ज्वाबेम्डी, “गुई लस्तीलो कोडनिमका
 गुमीलाई पोमु-डुमु कोर्मिडी डे हाम
 ने?” ३४ येशूका मेर्मिमलाई ज्वाम्डी,
 “गोलाई थुर्पाकु न होडडा बोमु नुड उनी
 खारी बोम्सोमुडा आमा पोमु-डुमु सो।
 ३५ आरे ज्वाक्मा गानी चनी ‘र्लिईमिमकु
 ब्ल मुनामका मा-के हक्पा थारी रो।’
 लावो गो ज्वाडु, बनीमा रेप्नी। ये-दडा
 मा-के थोक्ल्याड्डा, मा मा-के हमु थारी
 दुस्ता। ३६ मा-के हक्पाका ऊ ज्याला
 ल्वासु, मा मेसिपा त्वारोमकाम लागि
 मा-के खोण्डु। मेम्मा मा-के र्लिपा नुड
 रुपा कोयोडा गेर्सिन्ची। ३७ ‘कोलेका
 मा-के र्लियु, मा कोडमीका मा-के
 खोण्डु’ ज्वाक्मा आच्छाडा सो। ३८ मा-के
 मेर्लिनीवाम खोमडा मा-के हण्डा गो
 थुर्नीनिम बु। वाडमिमकाडा डादो खारी
 बेम्डिम बु, ओम्लो गानी मा-के हमु
 ल्वानी।” ३९ मे मेसेमका “गो बेउतोम
 खोत्ले खारीकु दुथाम गुमीका गोनुड
 सोम्डी” ज्वाक्पा ल्वा सोयुडुमका
 मेराम देलडाम हापा सामरीका येशुडा
 थोर बेम्डी। ४० मेमिमका सामरीमिम
 येशूकाडा रोम्डीलो येशूलाई मेर्मिमनुडडा

बुमु ज्वाम्डिम-ज्वाम्डिमडा बेम्डी। मेम्मा गुमी मेसिन्डा नलेम बाम्डी। ४१ मेम्मा उनी सिजेम थोम्डीमका हापा मुचुका गुमीडला थोर बेम्डी। ४२ मेर्मिमका मे मेसेमलाई ज्वाम्डी, “गाना ज्वाक्नामका कोडडा गुकु थोर बेतोकोम मेएँ, गुकु आकी त्वाकाडा थोत्तोकोमका, मा गुमी आच्छाडा सुम्दीसेरलाई सेल्पा मुचु रेछा ज्वाक्पा ल्वा चक्तोकोमका।”

येशूका डोकपु मुचुकु तारापाचो सबेट्मडिम

४३ नलेम चडडा येशू मेलामका गालीलथो लम्डी। ४४ (येशू उनी त्वाकाडा ज्वाम्डी, माम्चुनीलाम-जेपा मुचुलाई उ त्वाकु देलडा हुनाखाना मेबामी।) ४५ गालीलडाम मुचुमिमका गुमीलाई आथावो हुनाखाना बेम्डी, हेडालोने सेल्सिक्पानेमकु चाडकाम थारीका मेर्मिम यरूशलैमडा बाम्डिम बाईडा। मेम्मा येशूका बेम्डिम खोत्ले मेर्मिमका मेसिन्डा ल्वाम्डिम बाईडा। ४६ गुमी गालीलथो खिर्सिम्डीलो काना देलडा रोम्डी। मेसिन्डा गुमीका कु अडगुरकु कु बनेम्डिम बाईडा। मेसिन्डाडा कफनेहुम देलडा कोले डोकपु मुचु बाईडा। मेरामकु तारापाचो छोम नोपा बाईडा। ४७ यहूदिया क्षेत्रलामका येशू गालील क्षेत्रडा रोम्डिम बु ज्वाक्पा मे डोकपु मुचुका थोस्तु, मा मेराम उनीमाडा लस्ता। मेम्मा येशू रोक्साका सिमु खापा उ तारापाचोलाई सबेट्नी ज्वाक्ताम-ज्वाक्तामडा बुडु। ४८ येशूका मेरामलाई ज्वाम्डी, “हेल्लो वो मेल्वानीवाम छेखोपमिम नुड युमखारीमिम मेल्वथुमसम्म गानी हेल्लो वो थोर मेबोनी।” ४९ मे डोकपु मुचुका ज्वाक्ता, “डाचो, आमा तारापाचो मेसिथुम ओम्लोडा रोकनीका।” ५० येशू मेरामलाई ज्वाम्डी, “लक्सा, ईमा तारापाचो नु।” येशूका ज्वाम्डिम ल्वाडा मे डोकपु मुचुका थोरबुडुमा

उ नेम लाम्दीडा। ५१ गु लाम्दीडा लक्तोडा बुडुलो उ डुल्चोमिमका गुलाई लाम्दीडा क्रोम्मिडीमा उ चो नुडाम ल्वा थोबेट्मडी। ५२ हाडकोलो आथाम मे उ चो समु चोम्डु ज्वाक्साका गुका मेर्मिमलाई हिलाबुडु। मेम्लो मेर्मिमका ज्वाम्डी, “बास्ता नेम्फु कोले जेस्तालो आथाम गुलाई डार्चुमोका डिड्डु।” ५३ येशूका गुलाई “ईमा तारापाचो नु” ज्वाम्डिम थारीकाडा रेछा ज्वाक्पा मे डोकपु मुचुका चडु। मेम्मा गु नुड उमा नेप्डामिमिम खोत्लेका येशूडा थोर बेम्डी। ५४ यहूदिया क्षेत्रलामका गालील क्षेत्रडा रोम्डीमा येशूका बेम्डिम ओराम नक्नोम उनी छेखोप बाईडा।

उ ल्वा-खेल सोक्पा मुचुलाई दिनकु फार्डा येशूका सबेट्मडिम

५ ओराम चडडा यहूदीमिमकु कोड चाड बाईडा, मा मेरामकाम लागि येशू यरूशलैमथो लम्डी। २ यरूशलैम शहरगोनो भेन्दाकु लाम्चोको फार्डा दिनकु बाईडा। मेरामकु होनोलाम-आथोलाम डोले पिन्धी बाईडा, मेरामलाई हिब्रू ल्वाडा बेथस्दा ज्वामी। ३ मे पिन्दीडा नोपा, मिक्सीका मेल्वपा, खेल ब्लेट्पा, ल्वा-खेल सोक्पा सेर्पा मुचु भाल्योक्पा बाम्डी। [हाडकोलोका कु दो ज्वाक्साका लन्थाल्मिडी। ४ मिप्रडमाकु कोले पाहीचो थारी-थारीका योक्थाल्लामा मे दिनडाम कु थोट्थाल्लु। मेम्मा मे कु दोमिम चडडा डादो मेगोनो हुपा मुचु हेप्पाम सोमोरीनुडमा लोवो सस्थाल्ला।] ५ सुक-लैत(३८) थ आथाम नोपामा भाल्योक्पा कोले मुचु मेसिन्डा बाईडा। ६ येशूका गुलाई मेसिन्डा भाल्योक्पा ल्वाम्डी। गु हापा थ आथाम नोपा रेछा ज्वाक्पा चम्डीमा मेरामलाई ज्वाम्डी, “हाम समु ईमा न बु?” ७ नोपा मे मुचुका ज्वाक्ता, “डाचो, कु दोमिम

थारीका गोलाई मेगोयु हुमु र्ल्लोपा सु वो मेबुमी। गो लक्ती-लक्तीडा गोडाम डादो कोडमीडा मुचु मेगोयु हुल्या।” ८ मेकोतिमा येशूका मेरामलाई ज्वाम्डी, “बका, ईमा प्लान फकामा लाम्दीया।” ९ मे मुचु सस्त्याड्डा, मा उ प्लान फकसाका लाम्दीम चोम्डु। मेनेम डेम्सिमुनेम बाईडा। १० मेम्मिमका यहूदी डाउमिम कोर्थोलाम बम्डी। मेर्मिमका सपा मे मुचुलाई ज्वाम्डी, “डेम्सिमुनेम गाना खारी बेसिमेनु। मे प्लान कुम् डुम्लाका मेगवाना।” ११ गुका मेर्मिमलाई ज्वाक्ता, “उहेमका गोलाई सबेट्टिडडीमी गुमीकाडा गोलाई ज्वाम्डी, ‘ईमा प्लान कुरामा लाम्दीया।’” १२ मेर्मिमका गुनुड हिलाबेम्डी, “ईमा प्लान कुरामा लाम्दीया गानालाई ज्वाक्पा मुचु सु?” १३ लावो मेराम मुचुका गुमी सु ज्वाक्साका छेड्डुम मेबायावा। हेडालोने मेसिन्डा हापा मुचु बाम्डिमका येशू मेलामका लम्ल्याम्डिम बाईडा। १४ चड्डा येशूका मेरामलाई सोरनेमगोडा डार्मिडीमा ज्वाम्डी, “रेप्डा, गाना सन्नाम बु। आथाडा आनो गाना छुल मेबे, मा गानाडला मेजोपा मेरोनु।” १५ गुलाई सबेट्पा ने येशू रेछा ज्वाक्पा ल्वा लस्तामा यहूदी डाउमिमनुड सोयुडु।

येशूका उनी त्वाप माम्चुनीकु तारापाचो ज्वाम्डिम

१६ येशूका डेम्सिमुनेम ओराम खारी बेम्डिमका यहूदी डाउमिमका गुमीलाई दुखा ग्वाम् चोम्मिडी। १७ येशूका मेर्मिमलाई आरे ज्वाम्डी, “आमा पापका ओम्लोसम्म खारी बोमिम बुमी, मा गो वो खारी बेत्तोडा लेट्पु।” १८ मेम्मिमका यहूदी डाउमिमका येशूलाई सेन्नु छोम माल्मिडी। हेडालोने गुमीका डेम्सिमुनेम बेसीमेनुपा खारी बेम्डिम कोडडा मेएँ, लावो त्वापडा माम्चुनीनुड कोहोप्पाम बेसिसाका माम्चुनीलाई उनी त्वाकु पाप वो ज्वाम्डिम बाईडा। १९ येशूका

मेर्मिमलाई ज्वाम्डी, “आच्छाडा गो गानीलाई ज्वाडु, तारापाचो ऊ त्वाकाडा हाम वो बोमु मेचाप्सु। पापका हाम बोमीमिम ल्वासु मेराम कोडडा बु। पापका हाम बु तारापाचोका मेमडा बु। २० हेडालोने पापका तारापाचोलाई रिखाम बोमी, मा गुमीका बोमीमिम खोत्ले खारी उनी तारापाचोलाई रेम्बेन्मी। ओर्मिमडाम वो डोकपुतो खारीमिम गुमीका उनी तारापाचोलाई रेम्बेन्मी, मा गानी डाडायया दुम्नी। २१ पापका सिपा मुचुमिमलाई फमीमा मेर्मिमलाई मेसिपा त्वारोम ग्वामी। मेम्साकाडा तारापाचोका उहेमलाई उ ग्वाग्वाद्वा मेरामलाई मेसिपा त्वारोम ग्वाकु। २२ मेरामडाम वो कोडमी ल्वा, पापका सुकाम वो निया मेबोमी, लावो निया खोत्ले निया बेपा साखाम तारापाचोलाई ग्वाम्डिम बु। २३ मेम्साका पापलाई डोकपु मिम्मीमिम होडडा तारापाचोलाई वो डोकपु मिम्मीनु। तारापाचोलाई डोकपु मेमिम्पाका गुलाई थुर्पा पापलाई वो डोकपु मेमिम्मी। २४ “आच्छाडा गो गानीलाई ज्वाडु, उहेमका आमा सिजेम थोसु, मा गोलाई थुर्पा पापडला थोर बु, मेरामनुड मेसिपा त्वारोम दुम। मेम्मा मेराम मुमा बेन्लामेसोसी। गु सिमुलामका त्वारोमडा हमुदुम्स्तुम बु। २५ आच्छाडा गो गानीलाई ज्वाडु, मेराम थारी रोकतोडा लेडु, मा मेराम थारी ओम्लोडा सो। सिपा मुचुमिमका माम्चुनीकु तारापाचोकाम लोलाम थोमी, मा सुका थोमी मेर्मिम नुमी। २६ त्वारोम ग्वाक्पा युम पापकाडा बुमिम होम्साका त्वारोम ग्वाक्पा युम पापका उनीमा तारापाचोलाई ग्वाम्डिम बु। २७ मेम्मा मुचुमिमकु निया बेपा साखाम गुलाई ग्वाम्डिम बु, हेडालोने गु मिनीचो सो। २८ “ओराम ल्वाडा डाडायया मेदुम्नी, हेडालोने थारी रोकतोडा लेडु। मेकोतिलो सुलुमगोयु बाट्पा खोत्लेका माम्चुनीकु लोलाम थोमी, २९ मा जोपा

खारी बेपामिम ने नुमु लागि, मा मेजोपा खारी बेपामिम ने देन्दे ल्वामु लागि सुलुमलामका बम्मोमी। ३० “गो आ त्वाकाडा ने हाम वो बोमु मेचापु। हेप्पाम गो थोउ, मेम्साकाडा निया बेउ। गो बेउमिम निया जोपा दुम, हेडालोने गो आ त्वाकु न होडडा मेएँ, गोलाई थुर्पा पापकु न होडडा खारी बोमु न बेउ।

येशूकु दुथाममिम ल्वा

३१ “आमा दुथाम गो त्वाका कोडडा सोउतो माला मेराम ल्वा आच्छाडा मेदुम। ३२ आमा दुथाम सोपा पाप बुमी, गुमीका सोमीमिम आमा दुथाममिम खोत्ले ल्वा आच्छाडा दुम ज्वाक्पा गो चक्पु। ३३ कु-रुदुम ग्वाक्पा यूहन्नाकाडा मुचुमिमलाई गानी थुर्नी, मा गुका गानीलाई आच्छाडा सोयुडुम बु। ३४ “आमा दुथाम सोमु गोलाई मुचु मेबासी। लावो गानी सेल्सिट्नी ज्वाक्साका गो ओर्मिम ल्वा सोउमिम। ३५ यूहन्नाका सोयुडुम ल्वा वाक्पा नुड भवाक्पा धिर्पी होप्पाम बाईडा। मेम्मा गानी घरिकोड उमा ल्वाडा गेर्सिमु न बेन्नी। ३६ “लावो यूहन्नाका सोयुडुमडाम वो डोक्पु ल्वामिम गोनुड बु। खारी बोम्सोमु आमा पापका गोलाई ग्वाडिडिमिम बु। मेराम गो बेत्तोडा लेट्पु। पापका गोलाई थुर्डीडिमिम ज्वाक्पा मेरामकाडा सोयु। ३७ गोलाई थुर्पा पाप उनी त्वाकाडा आमा दुथाम सोम्डी। उनीमा लोलाम गानी हेल्लो वो थोन्निम मिबु, मा उनीमा डाली हेल्लो वो ल्वान्निम मिबु। ३८ मेम्मा उनी सिजेम ईनीमा न-गोडा मिबु, हेडालोने गुमीका ईनीमाडा थुर्डीडीमिम गोडला गानी थोर मेलुनी। ३९ “माम्चुनीकु सिजेम गानी डानी, हेडालोने मेरामका मेसिपा त्वारोम ग्वाक्सा ज्वाक्पा गानी लुनी। मेरामका आमा दुथामडा सोयु। ४० मेम्मा वो ओराम त्वारोम ल्वामु लागि आमाडा

रोमु मेद्वानी। ४१ “गानी आमा नड कोनीमिम गोलाई मेबासी। ४२ हेडालोने माम्चुनीकु रिखाम गानी गोडा मिबु ज्वाक्पा गो चक्पु। ४३ गो आमा पापकु साखामडा योडडोम बु, गानी गोलाई मेरडीनी। लावो कोडोनिम मुचु ऊ साखामडा रोक्ता माला गुलाई गानी रनी। ४४ गानी ईनी त्वाप-त्वापगोडा डोक्पु बेलासोम्सिमु माल्नी। लावो कोलेडा माम्चुनीलाम रोक्पा डोक्पु बेलासोसिसी ने मेमाल्नी, माला हेसाका गानी थोरलुनी मा? ४५ “पापकु डादोडा गानीलाई गो मुमा बेनिनी ज्वाक्पा मेमिम्नी। गानीलाई मुमा बेट्पा ने मोशा सो, गुलामका र्ल्लोलासोम्सिमु लन्थाटिनम बाईडा। ४६ मोशालाई गानी थोरलुनीवा माला गोडला वो थोरलुनिवा। हेडालोने गुका आमा दुथाम ज्याक्तुम बाईडा। ४७ लावो गुका ज्याक्तुम ल्वाडा गानी थोर मेलुनी माला गो जेडुमिम ल्वाडा हेसाका थोरलुनी मा?”

येशूका डो-धुम सड(५,०००) मुचुमिमलाई पोमु ग्वाम्डिम

६ मेरामकु किचो चडडा, येशू गालील दिरिदिनकु होम्बु(मेरामलाई तिबेरियास दिरिदिन वो ज्वामी) नो लम्डी। २ मेम्मा छोम सेर्पा मुचु येशूकु चडचड लम्डी, हेडालोने गुमीका नापा मुचुलाई सबेटिमडिम हेल्लो वो मेल्वाम्मा खारी मेर्मिमका ल्वाम्डिम बाईडा। ३ मेम्मा येशू पोचडडला लम्डी, मा उनी सीसिपोमिमनुड मेसिन्डा गन्मिडी। ४ यहूदीमिमकु सेल्सिमुनेमकु चाड रोम्फामु खाप्स्तुम बाईडा। ५ येशूका खोत्लेथो रेप्मिडीलो छोम सेर्पा मुचु गुमीथो बिकतोडा बेपा ल्वाम्डी। मेम्मा फिलिपलाई ज्वाम्डी, “ओर्मिमकाम लागि पोमु सोबेम बालामका गुई ब्रेडिमिम?” ६ गुमीका मेरामकु न छाम्मु लागि आरे ज्वाम्डिम बाईडा, हेडालोने

गुमीका हाम बोमु खाप्मीडिम मेराम चम्डिम बाईडा।^७ फिलिपका गुमीनुड ज्वाक्ता, “खोत्लेका किकि खेन्मु कोडडा लोवो लेत्ले(८) मुनामकु खउलुडका वो मे सोबेम ब्रेमु मेभाम।”^८ उनी सीसिपामिम गोडाम कोले सिमोन पत्रुसकु ल्वाक अन्द्रियासका ज्वाक्ता, ९ “आसिन्डा कोले स्वाला बु, गुनुड जेउकाम डोले सोबेम नुड नले डो बु। लावो आकोम सेर्पा मुचुमिमलाई हामका लिडुमी मा?”^{१०} येशूका ज्वाम्डी, “मुचुमिमलाई गन्बेटनी।” मे बायडा हापा जेम बाईडा, मा डो-धुम सड(५,०००) को-को वोस्चोमिम मेसिन्डा गन्मिडी।^{११} मेम्मा येशूका मे सोबेम जेटिमडीमा माम्चुनीलाई आलासो ग्वाम्डी, मा गन्पा मुचुमिमलाई दोम्साम्डी। मेम्साकाडा डो वो दोम्साम्डी, मा मुचुमिमका खोहोम पेम्डी।^{१२} मेर्मिम खोत्लेका ख्वाचेब कोदो पेम्डिम चडडा येशूका उनी सीसिपामिमलाई ज्वाम्डी, “छलेट्पा फ्वाक्चोलमिम डोनी। कोले वो ब्लाम-ब्लाम मेदुम्मु।”^{१३} डोले जेउकु सोबेम पेपा मुचुमिमका क्लेटिमडिम फ्वाक्चोलमिम मेर्मिमका खोप्मीडीमा को-न(१२) खचा दुस्ता।^{१४} येशूका बेम्डिम युमखारी ल्वाम्डीमा मे मुचुमिमका ज्वाम्डी, “सुम्दीसेरडा रोकपा माम्चुनीलाम-जेपा मुचु आच्छाडा गुमीडा रेछा।”^{१५} मेर्मिमका गुमीलाई उनी हप दुम्मु क्स्वामु माल्तोडा बोमी ज्वाक्पा चम्डीमा येशू त्वापडा आथावो पोपचडडला लम्डी।

येशू कुकु थेमथेम लाम्डीम्डिम

^{१६} ने-नेम्थाका येशूकु सीसिपामिम दिरिदिनयु लम्डी।^{१७} मेम्मा कुबी-बोक्साडला हुम्डीमा दिरिदिन होम्बुनोम कफर्नहुम शहरथो लाम्डीम्डी। मेकोतिलो तुकुम्चिम दुम्मु दुम्स्तुम बाईडा, मा येशू आथावो मेर्मिमकाडा मेरोक्थेडा बाम्डी।

^{१८} छोम डोकपु ब्लोजु फुड्डु, मा कुकु बाबारिम छोम बक्ता,^{१९} सीसिपामिम डो-रु(५, ६) किलोमीटर भाल लम्डिम चडडा मेर्मिमका येशूलाई दिरिदिनडभाल लाम्डीतो कुबी-बोक्साथो बिक्तोडा बेपा ल्वाम्डी। मेम्मा मेर्मिम छोम डिम्डी।^{२०} लावो गुमीका मेर्मिमलाई ज्वाम्डी, “मेडिनी, गो सो।”^{२१} मेम्मा मेर्मिमका गुमीलाई कुबी-बोक्साडला हुबेन्मु न बेम्डी। मेकोतिलोडा मेर्मिम लक्तोडा बेम्डिम बायडा मेर्मिम हुम्डिम कुबी-बोक्सा रोक्थिल्याड्डा।^{२२} उ दिकाम दिरिदिनकु कोर्थोम होम्बुनो बाट्पा सेर्पा मुचुका कोले कोडडा कुबी-बोक्सा ल्वाम्डी। सीसिपामिमनुड येशू कुबी-बोक्साडला मेहुमीवाम ल्वा मेर्मिमका चम्डिम बाईडा। लावो सीसिपामिम कोडडा लम्डिम बाईडा।^{२३} मेम्मा डाचो येशूका आलासो ग्वाक्साका मुचुमिमका सोबेम पेम्डिम बाय फार्डा तिबोरियस शहरलामका वाडमिम कुबी-बोक्सा वो रोम्डी।^{२४} मे सेर्पा मुचुका मेसिन्डा येशू वो मेल्वामीवा मा उनी सीसिपामिम वो मेल्वामीवामा कुबी-बोक्साडला हुसाका येशूलाई माल्तो कफर्नहुम शहरथो लम्डी।

त्वारोम ग्वाक्पा सोबेम

^{२५} मे मुचुमिमका येशूलाई दिरिदिनकु कोर्थोम होम्बुनो डार्मीडीमा ज्वाम्डी, “सीपा, गानी आसिन्डा हेल्लो रोक्निम?”^{२६} येशूका मेर्मिमनुड ज्वाम्डी, “आच्छाडा गो गानीलाई ज्वाडु, युमखारीमिम ल्वान्निमका मेएँ खोहोम सोबेम पेन्निमका गोलाई माल्तोडा लेन्डिनी।^{२७} फिपामा ब्लाम-ब्लाम दुम्पा पोमुडुमुकाम लागि ब्राम्दुल्वा मबेनी, लावो हेल्लो वो मेफिपा, मा त्वारोम ग्वाक्पा पोमुडुमुकाम लागि ब्राम्दुल्वा बेनी, उहम त्वारोम मिनीचोका गानीलाई ग्वानी। हेडालोने माम्चुनी पापका उनी साखामकु छाप

गुडला ओप्मिडिम बु।” २८ मेर्मिमका गुमीनुड हिलाबेम्डी, “माम्चुनीकु न होप्माम खारी बोमु लागि गुकु हाम बोमुबासी?” २९ येशूका मेर्मिमलाई ज्वाम्डी, “माम्चुनीका न बोमीमिम गानी बोमु बासिक्पा खारी ओरामडा सो: ‘उहेमलाई गुमीका थर्मिडिम बु मेरामडला थोरबेनी।’” ३० मेर्मिमका गुमीनुड ज्वाम्डी, “गानी गुकुलाई हेप्माम युमखारी रेम्बोनी मा मेराम रेप्साका गुकु थोरबोमु? गानी हाम बोमु चाम्नी? ३१ ईकी बेब-पापमिमका ज्याङगो-ज्याङगोडा मन्ना पेम्डी। माम्चुनीकु सिजेमडा मेराम आरेसाका ज्याक्मा बु, ‘गुमीका मेर्मिमलाई पाहिलामका सोबेम पोमु ग्वाम्डी।’” ३२ येशूका मेर्मिमलाई ज्वाम्डी, “आच्छाडा गो गानीलाई ज्वाडु, पाहिलामका गानीलाई सोबेम ग्वाक्पा मोशा मेएँ, लावो पाहिलाम आच्छाडाम सोबेम गानीलाई ग्वाक्पा आमा पाप सो। ३३ हेडालोने माम्चुनीकु सोबेम गुडा सो, मेराम पाहिलाम यो, मा सुम्दीसेरडाम मुचुमिमलाई त्वारोम ग्वाकुमी।” ३४ मेर्मिमका गुमीनुड ज्वाम्डी, “डाचो, मेराम सोबेम हेल्लो लोवो गुकुलाई ग्वाक्किनीका।” ३५ येशूका मेर्मिमनुड ज्वाम्डी, “मेसिपा त्वारोम ग्वाक्पा सोबेम गोडा सो। उहेम मुचु आमाडा रो मेराम मुचु हेल्लो वो क्रुम मेसी, मा गोडला थोरलुपा मुचु हेल्लो वो कोरा मेसी। ३६ लावो गो गानीलाई ज्वाडडोमडा बु, मा गोलाई ल्वाडिडनिम बु, मा आथावो गोडला थोरमेबोनी। ३७ पापका ग्वाडिडमिम खोत्ले मुचु आमाडा रोमी, मा आमाडा रोकपािमिमलाई गो हेल्लो वो मेकोलुमी। ३८ गो आमा न होडडा बेण्डा मेएँ, माम्चुनीका न बोमीमिम होम्साका खारी बेण्डा पाहिलामका योडडोम। ३९ गोलाई थुर्पा माम्चुनीकु न आरेप्माम बु, गुमीका गोलाई ग्वाडिडमिम मुचुमिम

गोडाम कोलेलाई वो मेदाम्पुनु, लावो हुक्पा थारीनेम नुबेट्पुमीनु। ४० हेडालोने आमा पापकु न ओराम बु, उहेम-उहेमका तारापाचोलाई रेम्मी, मा गुडला थोरलुमी मेर्मिमका मेसिपा त्वारोम ल्वामीनु। मेम्मा हुक्पा थारीनेम गो मेर्मिमलाई नुबेट्पुमी। ४१ यहूदीमिमका उनी कोर्थोलांम सुम्बुर्मा किन्मु चोम्मिडी, हेडालोने गुमीका आरे ज्वाम्डिम बाईडा, “पाहिलामका योक्पा सोबेम गोडा सो।” ४२ मेर्मिमका ज्वाम्डी, “हाम ओराम योसेफकु तारापाचो येशू मेएँ? ओरामकु माम नुड पाप गुई मेछेडी? हेसाका ओरामका ‘गो पाहिलाम योडडोम’ ज्वामु चाप्सु?” ४३ येशूका मेर्मिमलाई ज्वाम्डी, “गानी ईनी त्वाप-त्वाप गोडा सुम्बुर्मा किन्मु डिडनी। ४४ गोलाई थुर्पा पापका आमाथो मेक्त्रिथुमसम्म सु वो आमाडा रोमु मेचाप्सु, मा गो मेरामलाई हुक्पा थारीनेम नुबेट्पु। ४५ माम्चुनीकु सिजेमडा आरेसाका ज्याक्मा बु: ‘माम्चुनीका मेर्मिम खोत्लेलाई सीमी’* उहेमका पापलामका थोमी मा सीम्सिप्मी मेर्मिम आमाडा रोमी। ४६ माम्चुनीलाम योक्पाडाम सुका वो पापलाई ल्वास्तुम मिबु, गुका कोडडा पापलाई ल्वास्तुम बु। ४७ आच्छाडा गो गानीलाई ज्वाडु, उहेमका गोडला थोर बु, गुनुड मेसिपा त्वारोम दुम। ४८ त्वारोम ग्वाक्पा सोबेम गो सो। ४९ ईनीमा बेब-पापमिमका ज्याङगो-ज्याङगोडा मन्ना पेम्डी, मावो मेर्मिम सिम्डी। ५० पाहिलामका योक्पा सोबेम ओराम सो, उहेमका ओराम पु मेराम मेसी। ५१ त्वारोम ग्वाक्पा पाहिलामका योक्पा सोबेम गोडा सो। कोडनिमका ओराम सोबेम पु माला मेराम हेल्लो लोवो नुहोम बु। ओराम सोबेम ने आमा मिरोम सो, सुम्दीसेरडाम मुचुमिमका त्वारोम ल्वामु लागि मेराम ग्वाक्पुमी।” ५२ मेकोतिमा यहूदीमिम उनी

त्वाप-त्वापडा फमु चोम्मिडी, “ओराम मुचुका गुईलाई हेसाका ऊ मिरोम पोमु ग्वामु चाप्सु?” ५३ येशूका मेर्मिमलाई ज्वाम्डी, “आच्छाडा गो गानीलाई ज्वाडु, मिनीचोकु मिरोम गानी मेपेथुम नुड उमा सिसि मेडुथुमसम्म गानीनुड त्वारोम मेदुम। ५४ सुका आमा मिरोम पु, मा आमा सिसि डुडु, मेरामनुड मेसिपा त्वारोम दुम, मा हुक्पा थारीनेम गो मेरामलाई नुबेट्पु। ५५ हेडालोने आमा मिरोम नुड आमा सिसि आच्छाडाकाम पोमुडुमु सो। ५६ उहेमका आमा मिरोम पु, मा आमा सिसि डुडु, मेराम मुचु गानुड दुम, मा गो गुनुड दुम्डु। ५७ त्वारोम ग्वाक्पा पापका गोलाई थुडिडीमीमा नुबेट्डीडिमिम होम्साकाडा आमा मिरोम पेपा मुचुलाई वो गो नुबेट्पु। ५८ ईनीमा बेब-पापमिमका पेम्डिम हाप्पाम सोबेम गो मेएँ। मेर्मिमका सोबेम पेम्डी मावो सिम्डी। गो ने पाह्नीलामका योक्पा सोबेम सो, मा उहेमका ओराम सोबेम पु, मेराम मुचु हेल्लो लोवो नुहोम बु।” ५९ येशूका ओर्मिम ल्वा कफर्नहुम शहरडाम घाँम्दीनेमडा सीसिट्मडीलाँ ज्वाम्डिम बाईडा।

सीसिपामिम हापाका येशूलाई डेट्मडिम

६० येशूकु सीसिपामिम हापाका ज्वाम्डी, “ओराम सीसि थेसिथेन्मु हापा मेभापा बु। सुका ओराम थामु चाप्सु?” ६१ उनी सीसिपामिमका ओराम ल्वाकु दुथाम सुम्बुर्मा कित्तोडा लेन्नी ज्वाक्पा चम्डीमा येशूका मेर्मिमलाई ज्वाम्डी, “हाम ओराम ल्वाका ईनीमा न भ्रस्ताम बु? ६२ मेम माला गानी आथावो मिनीचोलाई पाह्नीथो कोसिट्पा ल्वान्नी माला हाम मिम्नी? ६३ पेलका कोडडा त्वारोम ग्वाक्सा। मुचुकु सोका हाम वो मेबु। गानीनुड जेडडोम सिजेम ने त्वारोम ग्वाक्पा पेल सो। ६४ लावो थोरमेलुपा कोडनिम गानी गोडा बुमी।”

हेडालोने मेर्मिम गोडा सुका थोरमेलुमी मा सुका गुमीलाई ब्रेडु ज्वाक्पा ल्वा डादो आथामडा येशूका चम्डिम बाईडा। ६५ मेकोतिमा येशूका ज्वाम्डी, “मेममाडा गो गानीलाई ज्वाडडोम, पापका कोडनिमलाई आमाडा मेरेथुमसम्म सुवो आमाडा रोमु मेचाप्सु।” ६६ मेमलो आथाम उनीमा सीसिपामिम हापाका गुमीलाई डेट्मडी, मा गुमीनुड लाम्दीमु डिडिमडी। ६७ मेकोतिमा येशूका को-न(१२) सीसिपामिमलाई हिला बेम्डी, “गानी वो गोलाई डेन्डिनीमिम?” ६८ सिमोन पत्रुसका गुमीलाई ज्वाक्ता, “ए डाचो, गुकु सुकाडा लमु मा? गानीनुड मेसिपा त्वारोमकु सिजेम बु। ६९ गानी माम्चुनीकु नडका साट्पा मुचु ज्वाक्साका गुकु चकु मा थोर बाकु। ७० मेकोतिमा येशूका मेर्मिमलाई ज्वाम्डी, “गानी को-नलाई हाम गो छेट्तिननिम मेएँ? मेममावो गानी गोडाम कोले ने शैतान बु।” ७१ येशूका सिमोन इस्करियोतकु तारापाचो यहूदाकु दुथाम ओराम ल्वा सोम्डिम बाईडा। हेडालोने यहूदा को-न(१२) सीसिपामिम गोडामडा कोले बाईडा लोवो गुका येशूलाई ब्रेडुडु।

येशूडला थोर मेलुपा उनीमा ल्वाकमिम

७ ओराम चडडा, येशू गालील क्षेत्रबाडे खोत्लेथो खिसिम्डी। गुमीका यहूदिया क्षेत्रडाम वाडथोडा बाटपा न बैम्डी। हेडालोने मेसिन्डा यहूदीमिमका गुमीलाई सेन्मु माल्तोडा लेट्मडी। २ लावो गोठाडा बाखोप यहूदीमिमकु चाड रोक्फाड्डाम बाईडा, ३ येशूकु ल्वाकमिमका गुमीलाई ज्वाम्डी, “ओलामका लुक्नीमा यहूदिया क्षेत्रथो लक्नी, मेम्मा गानी बोनीमिम युम-खारीमिम ईनी सीसिपामिमका ल्वामीनु। ४ जोपा नड फोन्सिम द्वाक्पा सुका वाँ मेल्वाखोपडा खारी मेबु। गानी ओर्मिम खारी बोनी माला सुम्दीसरडाम मुचुकाडा

ईनी त्वापडा रेम्बेन्सटनी।” ५ हेडालोने येशूकु ल्वाकमिमका वो गुमीडला थोर मेलुम्थाल्मीवा। ६ येशूका मेर्मिमलाई ज्वाम्डी, “आमा लागि जोपा थारी आथावो रोक्ताम मिबु, ईनीमा लागि ने उहेम थारी लोवो जोपाडा बु। ७ गानीलाई मेद्वाक्पा मुचु सुम्दीसेरडा सुवो मेबुमी। लावो सुम्दीसेरडाम मुचुमिमका गोलाई ने मेद्वाडिमी, हेडालोने मेर्मिमकु खारी बेसी मेजोपा बु ज्वाक्साका गो सोड। ८ गानी ओराम चाड मानेबेण्डा लक्नी। गो ने ओराम चाडडा मेलडु, हेडालोने आमा थारी आथावो रोक्ताम मिबु।” ९ मेर्मिमलाई आरे ज्वाम्डीमा गुमी गालीलथोडा बाम्ल्याम्डी। १० लावो येशूकु ल्वाकमिम चाड मानेबेण्डा लम्डिम चडडा सुका वो मेल्वापा बेसाका गुमी वो लम्डी। ११ मे चाडडा यहूदीमिमका गुमीलाई माल्तो “मेराम मुचु बान्थो बु?” ज्वाक्तो हिलाबेबेम्डी। १२ सेर्पा मुचुका सुपील्वाका उनी दुथाम छोम जेतोडा लट्टिमडी। कोडनिमका ज्वाम्डी, “मेराम मुचु जोपा बु।” वाडमिमका ज्वाम्डी, “मेएँ, गुका ने मुचुमिमलाई लु-फेले बुमिम बु।” १३ लावो यहूदीमिमकु डिमका सुका वो उनीमा दुथाम खोत्लेकु डादोडा हाम वो मेज्वाम्वा।

चाडकाम थारीका येशूका सोरनेम गोडा सीट्टिमडिम

१४ चाडकु थेते बानो येशु सोरनेम गोडा लम्डीमा सीमु चोम्मिडी। १५ यहूदीमिमका डाडया दुम्मिडीमा आरे ज्वाम्डी, “हाम वो मेसीसिसाका हेसाका ओराम आकोम छोम थेट्टपा दुस्ता?” १६ मेम्मा येशूका मेर्मिमलाई ज्वाम्डी, “आमा सीसि आ त्वाकाम मेएँ, गोलाई थुर्पा माम्चुनीलाम रोक्पा सो। १७ कोडनिम मुचुका माम्चुनीकु न होंडडा बोमु न बु माला आमा सीसि माम्चुनीलाम रोक्पा डे आ त्वाकाडा जेडुमिम डे मेराम

गुका च। १८ उ त्वापडा जेपा मुचुका उ त्वापलाई डोक्पु बेलासोम्मिसु न बु, लावो उहेमका गुलाई थुर्पालाई डोक्पु बोमु खारी बु, मेराम ने आच्छाडाकाम ल्वा जेपा सो, मा मेरामनुड हाम वो लिमा ल्वा मेदुम। १९ हाम मोशाका गानीलाई डुम्ला ग्वाक्निम मेएँ मा? मावो गानी सुवो मेराम डुम्ला होम्साका मेदोनी। हेडा गानी गोलाई सेन्मु माल्डिनी? २० सेर्पा मुचुका ज्वाम्डी, “गानालाई मुनाडका हुप्नाम बु। गानालाई सुका सेन्मु माल्तोडा बु?” २१ येशूका मेर्मिमनुड ज्वाम्डी, “हेल्लो वो मेल्वाम्मा कोले खारी गो बेउतोमा गानी खोत्ले डाडया दुम्मीम बु। २२ मोशाका गानीलाई कोक्ते खिरिरी-क्रिपा डुम्ला ग्वाक्निम बाईडा। (लावो मोशालामका ओराम रोक्ताम मेएँ, ईकीमा बेब-पापलामका ओराम रोक्ताम।) मेम्मा वो डेम्सिमुनेम गानी चोचोको कु कोक्ते खिरिरी क्रिम्सानि। २३ कोड चोचोको खिरिरी-क्रिप्सी डेम्सिमुनेम बोनीमिम ने मोशाकु डुम्लाकु कोर्थोलाम मेदुम माला डेम्सिमुनेम कोले मुचुलाई खोत्ले उ मिराम सबेट्टुमिमडा हेडा गोनुड छोक्चो बोनी? २४ रेप्साका मेएँ, जोहोमका निया बेनी।”

हाम येशूका स्त्रीष्ट?

२५ यरूशलेमडाम कोडनिम मुचुका आरे ज्वाबोमु चोम्मिडी, “डोक्पु मुचुमिमका सेन्मु माल्मीमिम ओराम मुचुडा मेरे? २६ रेप्नी, गुका ने खोत्लेकु डादोडा जेतोडा लेडु, डाउमिमका गुलाई हाम वो मेज्वामी। गुमीडा स्त्रीष्ट ज्वाक्पा हाम मेर्मिमका मुलुदुडकु बेम्डी? २७ लावो ओराम मुचु बालामका रोक्ताम मेराम गुई च। स्त्रीष्ट रोमीलो ने गुमी बालामका रोम्डिम मेराम सुकावो मेच।” २८ येशूका सोरनेम गोनी सीट्टिमडीलो डोक्पु लोलामका ज्वाम्डी, “गानी गोलाई छेडिनी, मा गो बालामका रोडडोम

मेराम वो चनी। लावो गो आ त्वाकु नका योडडोम मेएँ, उहेमका गोलाई थुडिंडीमी गुमी आच्छाडाकाम बुमी मा गानी गुमीलाई मेछेनी। २६ लावो गो ने गुमीलाई छेपु, हेडालोने गो गुमीलामकाडा योडडोम सो। मेम्मा गुमीका गोलाई ईनीमाडा थुडिंडीमिम सो। ३० मेम्मा डाउमिमका गुमीलाई चुम्मु माल्मिडी, लावो सुका वो गुमीडला ल्वा मेफिम्वा, हेडालोने उनीमा थारी आथावो रोक्ताम मेबायावा। ३१ आथावो सेर्पा मुचुमिम गोडाम हापा मुचुमिमका गुमीडला थोरलुम्डी। मेम्मा मेर्मिमका ज्वाम्डी, “ख्रीष्ट योमीलो ओराम मुचुका बुडुमडाम वो हाम हापा डोकपु युमखारीमिम बोमी मा?” ३२ सेर्पा मुचुका सुपील्वाका ओराम ल्वा जेम्डिम बांम्डिम फरिसीमिमका थोम्डी। मेम्मा फरिसी नुड डाउ डुम्लाचोमिमका येशलाई चुम्मु लागि सोरनेम लपा मुचुमिमलाई थुमिडी। ३३ येशका मेर्मिमलाई ज्वाम्डी, “गानीनुड गो किचो कोडडा बुडु, मेम्मा गोलाई थुर्पाकाडा लडु। ३४ गानी गोलाई माल्मिडी, लावो मेल्वाडिनी, मा गो बान्ते दुम्डु मेसिन्डा गानी रोमु मेचाम्नी।” ३५ यहदीमिम उनी त्वाप-त्वापडा ज्वाबेम्डी, “ओराम मुचु बान्ते लमु खाण्डु, मा गुई ओरामलाई ल्वामु मेचाप्सी? हाम ओराम मुचु ग्रीक मुचुमिम गोडा फोन्सिक्पा यहदीमिमकाडा लमा ग्रीक मुचुमिमलाई सीडुमीमिम? ३६ गुका आरे ज्वाक्ताम हाम ज्वाक्ताम, ‘गानी गोलाई माल्मिडी लावो मेल्वाडिनी, मा गो बान्ते दुम्डु, गानी रोमु मेचाम्नी?’”

येशूका माम्चुनी-पेलकु दुथाम ज्वाम्डिम

३७ चाड हुक्पानेम, मेराम ने चाडकु डोकपु थारीनेम येशू येम्सिम्डीमा डोकपु लोलामका ज्वाम्डी, “कोडनिम मुचु कोरा सिपा बु माला आमाडा रोनु, मा डुडनु। ३८ उहेम मुचुका गोडला

थोर बु, माम्चुनीकु सिजेमका ज्वामिम होडडा ‘मेसिपा त्वारोम ग्वाक्पा कोर्कु मेरामकु गोलाकामका पुडु।” ३९ गुमीका ओराम ल्वा माम्चुनी-पेलकु दुथाम सोम्डिम बाईडा। मे माम्चुनी-पेल गुमीडा थोर लुपा मुचुमिमका ल्वामु खाप्पीमिम बाईडा। ओम्लोसम्म वो माम्चुनीका मेर्मिमडला पेल थुर्मिडीम मेबायावा, हेडालोने आथावो येशकु युम मेभ्वासिक्थेडा बाईडा। ४० येशूक सिजेम थोपा कोडनिम मुचुका ज्वाम्डी, “ओराम मुचु ने आच्छाडा माम्चुनीलाम-जेपाडा सो।” ४१ याडका ज्वाम्डी, “गु ख्रीष्ट।” आथावो कोडकोडका ज्वाम्डी, “हाम ख्रीष्ट गालीललामका रोमी मा? ४२ माम्चुनीकु सिजेमका जोहोमका ज्वाक्ताम बु, दाऊद हप गस्ताम देल बेथलेहेमडा, दाऊद हपकु चो-चुसुमिमलामका ख्रीष्ट गमी।” ४३ मेर्मिमका येशूक दुथाम मुचुमिम गो-फ दुम्मिडी। ४४ कोडनिमका ने गुमीलाई चुम्मु वो माल्मिडी, लावो सुकावो गुमीडला ल्वा मेफिम्वा।

यहूदी डाउमिमका येशूडा थोर मेलुमिवाम

४५ सोरनेम लपा मुचुमिम येशूलाई मेचुम्साकाडा र्लोम्सिम्डीमा फरिसी नुड डाउ डुम्लाचोमिमका हिलाबेम्डी, “मेरामलाई गानी हेडा मेरेटिनवाम?” ४६ सोरनेम लपा मुचुमिमका ज्वाम्डी, “मेराम मुचुका जेस्ताम होडडा सुकावो जेम्डिम थोत्तोकोम मिबु।” ४७ फरिसीमिमका मेर्मिमलाई नालेडात्तो ज्वाम्डी, “गानी वो ताडताहेरथो लक्नी डे हाम ने? ४८ हाम डाउमिमका डे फरिसीमिम गोडाम कोडनिमका डे गुडला थोर लुम्डिम बु? ४९ लावो डुम्ला मथेट्पा ओर्मिम सेर्पा मुचु, मेर्मिमका वाईतो ल्वामी।” ५० मेकोत्तिमा मेर्मिम गोडाम कोले डाउ, डादो येशूलाई क्रोम्पा निकोदेमसका ज्वाक्ता, ५१ “मुचुका

हाम बुडुम, मेराम डार्मु लागि गुका ज्वामिम ल्वा डादो मेथोसाकाडा हाम ईकी डुम्लाका कोडनिमलाई मुमा बेडु?" ५२ मेर्मिमका गुलाई ज्वाम्डी, "हाम गाना वो गालील क्षेत्रडामडा? माम्चुनीकु सिजेमडा रेण्डा, मा माम्चुनीलाम-जपा मुचु गालीलामका मेरो ज्वाक्पा गाना डार्ना।" ५३ मेकोतिमा खोत्ले मुचुमिम उनी नेम-नेम लम्डी।

नाम्सुरकु दुथाम चुम्सिक्पा मेसेम

लावो येशू ने जैतून पोच्चडडला लम्डी। २ उ दिकाम नेम सोसोका गुमी सोरनेमडा लम्डी, खोत्ले मुचु उनीमाडा खोम्सिम्डी। मेम्मा गुमी गन्मिडीमा मेर्मिमलाई सीमु चोम्मिडी। ३ डुम्ला सीपा पातुम्री नुड फरिसीमिमका नाम्सुरकु दुथाम चुम्ला सोसिक्पा कोले मेसेमलाई रेडिमडी। मेम्मा मुचुमिमकु डादोडा येम्सीबेटिमडी। ४ मेर्मिमका येशूलाई ज्वाम्डी, "सीपा, ओराम मेसेमका नाम्सुर बुडुमका चुम्लासोसिड्डा। ५ मोशाकु डुम्लाका आरेप्पाम मेसेमलाई लुडका ओप्साका सेन्नु ज्वाक्ताम बु। गानी हाम ज्वानी?" ६ येशूकु बुडला मेजोपा ल्वा उन्मु लागि हिलाहिसीलाम आम्मु मेर्मिमका आरे बेम्डिम बाईडा। लावो येशू कुम्सिम्डी, मा उनी ब्रेप्चोका क्वायु फुकुंदा ज्यामु चोम्मिडी। ७ मेर्मिमका गुमीलाई कुदुमार हिला बेम्डिम बाम्डी, मा येशू येम्सिम्डीमा मेर्मिमलाई ज्वाम्डी, "गानीगोडा छुल मेबेपा कोडनिम बु माला मेरामका डादो मेराम मेसेमलाई लुडका ओप्नु।" ८ येशू आथावो कुम्सिम्डीमा क्वायु ब्रेप्चोका ज्याम्डी। ९ मेसेमलाई मुमा बेट्पा मुचुमिमका ओराम ल्वा थोम्डीमा डादो डावालामका कोले-कोले बेत्तो वाडमिमवो मेलामका लम्डी। मेम्मा येशू नुड मे मेसेम कोडडा मेसिन्डा दुम्ची। मे मेसेम येशूकु डादोडा येम्तासिड्डा।

१० येशू येम्सिम्डीमा मेराम मेसेमलाई ज्वाम्डी, "ए छापा, मेर्मिम बान्ते लम्डी? गानालाई सुका वो देन्दे मेग्वाक्नामिवा?" ११ मेराम मेसेमका ज्वाक्ता, "सुका वो मेग्वाडिमवा डाचो।" येशूका ज्वाम्डी, "गो वो गानालाड् देन्दे मेग्वानी। लक्सा, आथाडा आनो छुल मेबे।"

येशू सुम्डीसेरकु ओल होप्पाम

१२ आथावो येशूका मुचुमिमनुड ल्वाबेम्डी, मा ज्वाम्डी, "सुम्डीसेरडाम मुचुमिमकु ओल गोडा सो। आमा चडचड लाम्डीपा मुचु हेल्लो वो तुकुम्चिमडा मेलाम्डी, लावो मेरामका त्वारोम ग्वाक्पा ओल ल्वासु।" १३ फरिसीमिम येशूकु कोर्थोलाम बम्डीमा ज्वाम्डी, "ईमा त्वाकु दुथाम त्वाकाडा सोत्तो लेना, गाना सोनामिम ल्वा आच्छाडाकाम मेएँ।" १४ येशूका ज्वाम्डी, "आमा दुथाम गो त्वाकाडा सोउतो लोवो गो सोउतोम ल्वा आच्छाडा सो। गो बालामका रोड्डोम, मा गो बान्ते लक्तोडा बेउ, मेराम गो चक्पु। लावो गो बालामका रोड्डोम डे बान्ते लडुमिम डे मेराम गानी मेचनी। १५ मुचुका बोमीमिम होड्डा गानी निया बोनी। गो ने सुकाम वो निया मेबेउ। १६ गो निया बेउतो माला जोहोमका निया बेउ, हेडालोने गो आमा त्वाका कोड्डा मेराम मेबेउ। गोलाई थुर्पा पाप गोनुड बुमी। १७ नले मुचुका सोचीमिम ल्वा डुम्लानुड घ्रोम ज्वाक्साका ईनी डुम्लाडा ज्याक्मा बु। १८ आमा दुथाम सोपा कोले गो, मा आमा दुथाम सोपा कोडमी गोलाई थुर्पा पाप।" १९ मेम्मा मेर्मिमका गुमीलाई हिलाबेम्डी, "ईमा पाप बान्ते बुमी?" येशूका मेर्मिमलाई ज्वाम्डी, "गानी गोलाई छेडिनी ना आमा पापलाई छेनी। गानी गोलाई छेडिन्वा माला आमा पापलाई वो छेनिवा।" २० सोरनेम गोडा ग्वा-ग्वा ग्वाखोप फार्डा सीटिमडीलो येशूका ओराम ल्वा ज्वाडिम बाईडा।

मेम्मा वो सुका वो गुमीलाई मेचुम्मीवा, हेडालोने आथावो उनीमा थारी रोक्ताम मेबायावा। २१ आथावो येशूका मेर्मिमलाई ज्वाम्डी, “गो ओलामका लडु मा गानी गोलाई माल्डिनी, लावो गानी ईनीमा छुलडा सिनी। गो बान्ते लडु मेसिन्डा गानी रोमु मेचाम्नी।” २२ यहूदीमिमका ज्वाबेम्डी, “ओरामका हाम उ त्वापडा सेन्सीमिम? गो बान्ते लडु, मेसिन्डा गानी रोमु मेचाम्नी ज्वाक्ताम मेम मेएँ?” २३ येशूका ज्वाम्डी, “गानी धालुम मुचु, गो गेलेम। गानी ओराम सुम्दीसेरडाम, गो ओराम सुम्दीसेरडाम मेएँ। २४ गानी ईनीमा त्वाकु छुलडा सिनी ज्वाक्साका गो गानीलाई ज्वाङ्गो। गो गुमीडा ज्वाक्साका गानी थोर मेलुनीवा माला गानी ईनीमा छुलडा सिनी।” २५ मेर्मिमका गुमीलाई हिलाबेम्डी, “गाना सु?” येशूका मेर्मिमलाई ज्वाम्डी, “डादो आथाम गो गानीलाई ज्वाङ्गोम गो गुमीडा सो। २६ ईनीमा दुथाम सोमु नुङ्ग निया बोमु बासिकपा हापा ल्वामिम गोनुङ्ग बु। लावो गोलाई थुर्पा ने आच्छाडाकाम बुमी, मा गुमीलाम गो हाम थोउ, मेराम ल्वा सुम्दीसेरडाम मुचुमिमलाई थोबेट्पुमी।” २७ गुमीका उनीमा पापकु दुथाम ज्वाम्डिम ज्वाक्साका मेर्मिमका थिसिमेथेटिमवा। २८ मेम्मिमका येशूका ज्वाम्डी, “मिनीचोलाई गानी क्रूसडला कोनी, मेम्मा गो गुमीडा ज्वाङ्गोम गानी चनी। गो आमा त्वाकु साखामडा हाम वो मेबेउ, लावो पापका हाम सीट्टिङ्गडीमी मेराम कोङ्ग जेडु। २९ गोलाई थुर्पा गुमी गोनुङ्ग बुमी। गुमीका गोलाई त्वापडा पाजोल्डिडीमिम मिबु, गुमीलाई गेर्सिबेट्पा खारी गो हेल्लो लोवो बेउ।” ३० गुमी जेतोडा बेम्डीलो हापा मुचुका गुमीडला थोर बेम्डी।

छुललामका फ्वासिसी

३१ येशूका गुमीडा थोर लुपा यहूदीमिमलाई ज्वाम्डी, “आमा सिजेम होम्साका गानी दोन्नी माला गानी आमा आच्छाडा सीसिपामिम सो। ३२ मेम्मा गानी माम्चुनीकु दुथाममिम आच्छाडाकाम ल्वा थिसिथेनी, मा मे आच्छाडाकाम ल्वाका गानीलाई फ्वानी।” ३३ मेर्मिमका गुमीलाई ज्वाम्डी, “गुकु ने अब्राहामकु चो-चुसु, सुकाम हेल्लो वो डुल्चो दुम्तोकोम मिबु। गानी फ्वानिसिनी ज्वाक्साका हाम ज्वानीमिम?” ३४ येशूका मेर्मिमलाई ज्वाम्डी, “आच्छाडा गो गानीलाई ज्वाङ्गु, छुल बेपा खोल्ले मुचु ने छुलका ज्वामिम होङ्गु बेपा डुल्चो होप्पाम सो। ३५ डुल्चो ने हेल्लो लोवो नेमडाममिमनुङ्ग मेदुम, लावो तारापाचो ने हेल्लो लोवो नेमडाममिमनुङ्ग बु। ३६ मेम्मिमका तारापाचोका गानीलाई फ्वाक्नी माला आच्छाडा गानी फ्वानिसिनी। ३७ गानी अब्राहामकु चो-चुसु ज्वाक्साका गो चक्पु। लावो गानी गोलाई सेन्मु माल्तोडा लेन्डिनी, हेडालोने ईनीमा न-गोडा आमा सिजेमकु बाखोप मिबु। ३८ आमा पापनुङ्ग बाङ्गोलो गो हाम ल्वाउतो मेराम गो गानीलाई ज्वाक्तोडा बेउ। लावो गानी ईनीमा पापकु मुलु होम्साका बोनी।” ३९ मेर्मिमका गुमीलाई ज्वाम्डी, “आकीमा बेब-पाप अब्राहाम।” येशूका मेर्मिमलाई ज्वाम्डी, “गानी अब्राहामकु चो-चुसु माला ने अब्राहामका बुडुम होप्पाम खारी गानी वो बेनीवा। ४० मेम मेबेसाका, गानी गोलाई सेन्मु माल्तोडा बोडिनी, हेडालोने माम्चुनीलाम थोउतोम आच्छाडाकाम ल्वा गो गानीनुङ्ग सोउतो। अब्राहामका ने हेल्लो वो आरे मेबुवा। ४१ ईनीमा त्वाकु पापका बुडुम खारी गानी वो बोनिम बुनी।” मेर्मिमका गुमीनुङ्ग

ज्वाम्डी, “माम-पापका नाम्सुर बेसाका गुकु गक्तोकोम मेएँ। आकीमा कोलेडा पाप माम्चुनीडा सो।”

शैतानकु चो-चुसु

४२ येशका मेर्मिमलाई ज्वाम्डी, “माम्चुनी ईनीमा पाप बामीवाम माला ने गानी गोलार्द रिखाम बेडिनीवा, हेडालोने माम्चुनीलामका गो ईनीमाडा रोड्डो। गो आमा त्वाकु नका रोड्डोम मेएँ, लावो गुमीका गोलार्द थुडिडीमिम। ४३ गो ज्वाडुमिम हेडा गानी थैसिमेथेनी? हेडालोने गो जेडुमिम ल्वा वो गानी थोमु मेचाम्नी। ४४ ईनीमा पाप शैतान। गानी उमा चोमिम। ईनीमा पापकु न होडडा बोमु गानी न बोनी। मेराम ने सुम्दीमोलो आथामडा मुचु सेट्पा बाईडा। मेरामका आच्छाडाकाम ल्वा हेल्लो लोवो मेद्वाकुवा, हेडालोने गुनुड आच्छाडाकाम ल्वा वो मिबु। मेरामका लिमा थेडुलो उ बेसी-दोसी होम्साकाडा जे, हेडालोने मेराम लिमाचो, मा मुचुमिमलाई लिमा थेन्बेट्पा। ४५ लावो गो आच्छाडाकाम ल्वा जेडुमिमका गानी गोडला थोर मेलुनी। ४६ गो छुल बेउतोम बु ज्वाक्पा गानी गोडाम सुका रेम्बोमु चाप्सु? गो आच्छाडाकाम ल्वा जेडुमिम बुडु, हेडा गानी गोलार्द थोर मेलुनीमिम? ४७ उहेम माम्चुनीकु चो, माम्चुनीका जेमीमिम ल्वा मेरामका थोसु। गानी माम्चुनीकु चो मेएँ, मेम्मिमका गानी मेथोनीमिम।”

येशू अब्राहामडाम डादो आथाम बुमी

४८ यहूदीमिमका येशूलाई ज्वाम्डी, “गाना सामरी मुचु, मा गानालार्द मुनाडका हुप्नाम बु ज्वाक्तोकोम हाम मेजोपा ज्वाक्तोको?” ४९ येशूका ज्वाम्डी, “गोलार्द मुनाडका हुप्डीडिम मिबु। लावो गो आमा पापलाई डोकपु मिम्पु, मा गानी

ने गोलार्द याक्के मिम्डीनी। ५० गो आमा त्वाकाम युम-भ्वाक्सी मेमालु, लावो युम-भ्वाक्सी माल्पा कोले बुमी, मा गुमी निया बेपा बुमी। ५१ आच्छाडा गो गानीलार्द ज्वाडु, कोडनिम मुचु आमा सिजेम होम्साका दोस्ता माला मेराम मुचु हेल्लो वो मेसि।” ५२ यहूदीमिमका गुमीलार्द ज्वाम्डी, “गानालार्द मुनाडका हुप्नामडा बु ज्वाक्साका गुकु चक्तोको। अब्राहाम सिडा, मा माम्चुनीलाम-जेपामिम वो सिम्डी, लावो गाना ज्वाना, कोडनिम मुचु आमा सिजेम होम्साका दोस्ता माला मेराम हेल्लो वो मेसि।” ५३ हाम गाना आकीमा बेब-पाप अब्राहामडाम वो डोकपु? गु सिडा, मा माम्चुनीलाम-जेपामिम वो सिम्डी। गाना ई त्वापलाई सु ज्वाक्पा मिम्सीना?” ५४ येशूका ज्वाम्डी, “गो आ त्वाकाडा युम-भ्वाबेट्पुवा माला ने मेराम हाम ना हामकाम दुप्सावा। आमा युम-भ्वाबेट्पा ने आमा पाप बुमी, उहेमलार्द गानी ‘आकीमा माम्चुनी’ ज्वानी। ५५ गुमीलार्द गानी मेछेनी लावो गो छेपु। गो गुमीलार्द मेछेपु ज्वाडुडो माला गानी होप्नामडा गो वो लिमाचो दुम्डु। लावो गो गुमीलार्द छेपु, मा उनी सिजेम होम्साका दोडु। ५६ ईनीमा बेब-पाप अब्राहामका गो योक्पा थारी रेम्मु छोम गेर्सिक्पा बाईडा। गुका मेराम ल्वास्तु, मा गेर्सिद्वाक्ता।” ५७ यहूदीमिमका येशूलाई ज्वाम्डी, “गाना डो-धुम(५०) थडा लिट्नाम मिबु हेसाका गाना अब्राहामलार्द ल्वाउतोम बु ज्वाना?” ५८ येशूका मेर्मिमलाई ज्वाम्डी, “आच्छाडा गो गानीलार्द ज्वाडु, अब्राहाम गमु डादो आथामडा गो बुडु।” ५९ मेम्मिमका मेर्मिमका येशूलाई लुडका ओम्मु लागि लुड डोम्डी, लावो गुमी थसिक्साका सोरनेमलामका पाखा लुम्डी।

गस्तालोमडा मिक्सीका मेल्लापा मुचुलाई येशूका सबेटिमडिम

६ कोलेम येशू मेलामका लक्तोडा बेम्डिलो गस्तालो आथामडा मिक्सीका मेल्लापा कोले मुचुलाई ल्वाम्डी। २ येशूकु सीसिपामिमका गुमीनुड हिलाबेम्डी, “सीपा, ओराम मुचुका डे ऊ माम-पापका, सुका छुल बुडुमा मिक्सीका मेल्लापा ओराम गस्ता?” ३ येशूका ज्वाम्डी, “ओराम मुचुकु छुलका वो मेएँ, मा ऊ माम-पापकु छुलका वो मेएँ, लावो माम्चुनीकु खारी ओराम मुचुकाडा रेम्बोमु लागि आरेप्पाम दुस्ताम सो। ४ गोलार्थ थुर्पाकु खारीमिम नेप्सुड बुलोडा गुई बोमु बासी। सिन्था दुम्मा सुकावो खारी बोमु मेचाप्सु। ५ गो सुम्दीसेरडा बुडुमिमसम्म सुम्दीसेरडाम मुचुमिमकु ओल सो।” ६ आकोति ज्वामु दुम्मीडीमा गुमीका क्वायु थक्सी बेम्डी। मेम्मा थाडकीका क्वा डोल्मिडीमा मे मिक्सीका मेल्लापा मुचुकु मिक्सीडा क्लम्साम्डी। ७ मेकोतिमा गुमीका मेराम मुचुलाई ज्वाम्डी, “लक्सा, मा सिलोआमकु(सिलोआम ज्वाक्मा थुर्मा) कुदिनडा सोला।” मेरामका लस्तामा सोल्लु, मा मिक्सीका ल्वापा दुस्तामा र्लोस्ता। ८ मेरामकु ऊ साउखोरमिम नुड गुका बियुडुम डादो ल्वापा मुचुमिमका ज्वाम्डी, “गन्पामा बिपा मुचु हाम ओरामडा मेएँ?” ९ कोड-कोडका ज्वाम्डी, “ओरामडा।” वाडमिमका ज्वाम्डी, “मेएँ, मेराम होड्डा बोमिम कोड्डा।” मेरामका ज्वाक्ता, “गो मेराम मुचुडा सो।” १० मेर्मिमका गुनुड हिलाबेम्डी, “हेसाका ईमा मिक्सी ह्वासिड्डा?” ११ मेरामका ज्वाक्ता, “येशू ज्वाक्मा कोले मुचुका क्वा डोल्मिडीमा आमा मिक्सीडा क्लम्साडिडमी। मेम्मा सिलोआमडा लक्सामा सोला बेडिडमी। गो लडडोमा

सोल्साका मिक्सीका ल्वापा दुम्डोडो।” १२ मेर्मिमका मेरामनुड हिलाबेम्डी, “मेराम मुचु बान्थो बु?” गुका ज्वाक्ता, “गो मेचक्पु।”

मिक्सीका मेल्लापा सस्तामकु दुथाम फरिसीमिमकु हिलाहिसी

१३ डादो मिक्सीका मेल्लापा बाईडाम मुचुलाई मुचुमिमका फरिसीमिमकाडा रोट्टमडी। १४ हेडालोने येशूका क्वा डोल्मिडीमा मेराम मुचुकु मिक्सीडा क्लम्साम्डीमा सबेटिमडिम नेम डेम्सिमुनेम बाईडा। १५ मेराम मुचु हेसाका ल्वापा दुस्ता ज्वाक्साका फरिसीमिमका मेरामनुड हिलाबेम्डी। मेरामका ज्वाक्ता, “गुमीका डोल्मा क्वा आमा मिक्सीडा क्लम्साडिडमी, मा गो सोल्लोमा मिक्सीका ल्वापा दुम्डोडो।” १६ फरिसीमिमगोडाम कोड-कोडका ज्वाम्डी, “मेराम मुचु माम्चुनीलाम योक्ताम मेएँ, हेडालोने मेरामका डेम्सिमुनेम खारी बु।” लावो वाडमिमका ज्वाम्डी, “कोड छुलचोका हेसाका आरेप्पाम हेल्लो वो मेल्लाम्मा खारीमिम बोमु चाप्सु?” मा मेर्मिमगोडा गो-फ दुस्ता। १७ मेर्मिमका मे मिक्सीका मेल्लापा बाईडाम मुचुलाई आथावो हिलाबेम्बी, “गुका ईमा मिक्सी होसाट्ना। गाना उमा दुथाम हाम ज्वाना?” मेरामका ज्वाक्ता, “गुमी माम्चुनीलाम-जेपा कोड मुचु।” १८ मिक्सीका ल्वापाकु माम-पापलाई येसाका हिला मेबेथुमसम्म मेराम मुचु मिक्सीका मेल्लापा बाईडा, मा ल्वापा दुस्ता ज्वाक्साका यहदीमिमका थोर मेलुमीवा। १९ मेम्मा मेर्मिमका उमा माम नुड पापलाई हिलाबेम्डी, “हाम ईचीमा तारापाचो ओराम? ओराम मिक्सीका मेल्लापा गस्ताम बाईडा? मा हेसाका मिक्सीका ल्वापा चापा दुस्ता?” २० मेरामकु माम-पापका ज्वाक्ची, “ओराम आचीमा तारापाचो, मा

गस्तालोमडा ओराम मिक्सीका मेल्वपा बाईडा ज्वाक्पा चचुकु। २१ लावो हेसाका गु मिक्सीका ल्वामु चापा दुस्ता डे सुका सबेडु मेराम गुचुकु मेचचुकु। गुलाई डा हिलाबेनी। गु उमा त्वाकु दुथाम जेमु सोट्पा दुस्ताम बु। २२ मेरामकु माम-पाप यहूदीमिमडाम डिच्चिमका आरे ज्वाक्चिम बाईडा। हेडालोने कोडनिमका येशूलाई ख्रीष्ट ज्वाक्ता माला मेरामलाई घोम्दीनेमलामका र्लुम्सोमुबासी ज्वाक्साका यहूदीमिमका डादोडा मुलु बेम्डिम बाईडा। २३ मेमिमका मेरामकु माम-पापका “सोट्पा दुस्ताम बु, गुलाईडा हिलाबेनी” ज्वाक्चिम। २४ यहूदीमिमका मेरामलाई नकखेमिमडा येट्मडीमा हिलाबेम्डी, “गाना आच्छाडा ल्वा सोसाका माम्चुनीलाई डोक्पु बे। मेराम मुचु छुलचो ज्वाक्पा गुकु चकु।” २५ गुका ज्वाक्ता, “गुमी छुलचो डे मेएँ, मेराम गो मेचक्पु। गो कोलेडा ल्वा चक्पु, गो मिक्सीका मेल्वपा बाडडो, लावो ओम्लो ल्वापा दुम्डोडोम बु।” २६ मेकोतिमा मेमिमका गुलाई हिलाबेम्डी, “मेरामका गानालाई हाम बेन्ना? हेसाका ईमा मिक्सी होसार्त्ना?” २७ गुका मेर्मिमलाई ज्वाक्ता, “बासीडा गो गानीलाई ज्वामु दुम्तो। लावो गानी मेथोनिवा। हेडा आथावो मेराम ल्वा थोमु माल्नीमिम? गानी वो उनीमा सीसिपा दुम्मु डे न बोनी हे डे?” २८ मेर्मिमका मेरामलाई सेम्लाबेत्तो ज्वाम्डी, “गाना डे मेरामकु सीसिपा, लावो गुकु ने मोशाकु सीसिपा। २९ मोशानुड माम्चुनी जेम्डिम बाईडा, मेराम गुकु चकु, लावो मेराम मुचु ने बान्थोलामका रोक्ताम मेराम वो मेचकु।” ३० मेराम मुचुका ज्वाक्ता, “हेप्पाम हेल्लो वो मेथोम्मा ल्वा, गुमी बालामका रोम्डिम मेराम मेचनी, लावो गुमीका आमा मिक्सी होसार्डिडमी।

३१ माम्चुनीका छुलचोमिमकु ल्वा मेथोमी ज्वाक्साका गुई च। माम्चुनीकु न होम्साका उनीमा लाम्दीडा लाम्दीपा मुचुकु ल्वा गुमीका थोमी। ३२ मिक्सीका मेल्वपाडा गक्पा मुचुलाई सुम्दीमोलो आथाम सुका वो उमा मिक्सी होसार्मु चाप्स्तुम मिबु। ३३ गुमी माम्चुनीलाम मेयोक्मीवाम माला ने गुमीका हाम वो बोमु मेचाप्पीवा।” ३४ मेर्मिमका मेराम मुचुलाई ज्वाम्डी, “गाना ने गक्नालोडा छुलका देम्पा बान्ना! हाम गुकुलाई सोमु माल्की?” मेम्मा मेर्मिमका गुलाई घोम्दीनेमलामका पाखा कोल्सोम्डी।

गो गोनो मिक्सीका मेल्वपा

३५ यहूदीमिमका मेराम मुचुलाई पाखा कोल्सोम्डी ज्वाक्पा येशूका थोसाका मेरामलाई क्रोम्मिडीमा ज्वाम्डी, “हाम गाना मिनीचोडला थोर बोना?” ३६ मेरामका ज्वाक्ता, “डाचो, सु गुमी? गोलाई ज्वाक्नी, मा थोर बेउ।” ३७ येशूका ज्वाम्डी, “गाना गुलाई ल्वान्नाम बु, मा गानानुड जेत्तोडा लेडुमिम गुडा सो।” ३८ मेम्मा मेराम मुचुका ज्वाक्ता, “डाचो, गो थोर बेउ” मा गुका येशूकु खेल चुम्डुमा सेव साड्डु। ३९ येशूका ज्वाम्डी, “मिक्सीका मेल्वपा मुचुमिमका मिक्सीका ल्वामीनू, मा मिक्सीका ल्वापामिम मेल्वपा दुम्मीनू ज्वाक्साका निया बोमु लागि गो सुम्दीसैरडा योडडोम सो।” ४० ओराम ल्वा थोम्डीमा येशूकु फारबाडे येम्तासिक्पा फरिसीमिमगोडाम कोड-कोडका ज्वाम्डी, “हाम गुकु वो मिक्सीका मेल्वपा ज्वानामिम?” ४१ येशूका मेर्मिमनुड ज्वाम्डी, “गानी मिक्सीका मेल्वपा बानीवाम माला ने छुलकु दुथाम मुमा बेन्ला मेसोन्सिदनीवा। लावो ‘गुकु मिक्सीका ल्वामु चाम्कु ज्वानी’ मा मुमा बेन्लासोन्सिनीम बुनी।”

जोपा गोठाला येशू

१० “आच्छाडा गो गानीलाई ज्वाडु, उहेम मुचु भेन्दाकु गोठागोनो लाम्चोकोलाम मेहु, लावो कोडमीलामडा हु मेराम मुचु ने खुचुवा नुड मुचुलाई रोट्पा मुचु सो। २ लावो लाम्चोकोलामका गोनो हुपा मुचु ने भेन्दामिमकु गोठाला सो। ३ लाम्चोको लपा मुचुका गोठालाकाम लागि लाम्चोको होल्साडु, मा भेन्दामिमका उमा लोलाम थोमी। गुका उमा भेन्दामिमलाई नडलामका येडुमी, मा पाखाथो क्रियुमी। ४ गुका खोत्ले उमा भेन्दामिम पाखानो ख्लुमु दुम्सुमा गु भेन्दामिमकु डादो-डादो लाम्दी। मेम्मा भेन्दामिम उमा चडचड लाम्दीमी, हेडालोने मेर्मिमका उमा लोलाम छेमी। ५ लावो मेछेट्मा मुचुकु चडचड मे भेन्दामिम मेलाम्दीमी, मेराम मुचुडाम स्वामी। हेडालोने मेछेट्मा मुचुकु लोलाम मेर्मिमका मेछेमी।” ६ येशूका मेर्मिमनुड ओराम सीसि-सोम्दी ज्वाम्डी, लावो गुमीका ज्वाम्डिम ल्वा मेर्मिमका थिसिमेथेटिमवा। ७ मेर्मिमका येशूका आथावो मेर्मिमलाई ज्वाम्डी, “आच्छाडा गो गानीलाई ज्वाडु, भेन्दामिमकु हुखोप लाम्चोको गोडा सो। ८ गोडाम डादो रोकपा खोत्ले मुचु खुचुवा नुड मुचुलाई रोट्पा मुचु बाम्डी। लावो भेन्दामिमका मेर्मिमकु ल्वा मेथोमीवा। ९ हुखोप लाम्चोको गोडा सो, उहेम मुचु गोलामका गोनो हु मेराम सेल्सी। नेमगो-पाखा हुपा लुक्पा बु मा जाखोप ल्वासु। १० खुचुवा ने खुण्डा, सेड्डा नुड पुय लुबेड्डा कोडडा रो। लावो गो ने मेर्मिमका त्वारोम ल्वामीन, मा मे त्वारोम हापा ल्वामीन ज्वाक्साका योडडो। ११ जोपा गोठाला गो। जोपा गोठालाका

उमा भेन्दामिमकाम लागि ऊ त्वापलाई सासेट्टु। १२ लावो खउलुड ग्वाक्साका जुल्मा मुचु ने त्वाकु भेन्दामिम बाट्पा गोठाला होप्पाम मेएँ। मेरामका फारा रोकपा ल्वासुलो भेन्दामिमलाई पार्जोलुमा स्वा। मेम्मा फाराका भेन्दामिमलाई डाघ्रकुमी, मा फोरमी। १३ मेराम मुचु स्वा, हेडालोने मेराम मुचु ने खउलुड ग्वाक्साका जुल्मा, मेरामका भेन्दामिमलाई जोहोमका मेरेण्डुमी। १४ “गो जोपा गोठाला। भेन्दामिमलाई गो छेपुमी। आमा भेन्दामिमका गोलाई छेडिमी। १५ आमा पापका गोलाई छेडिमी, मा पापलाई गो छेपुमिम होड्डा भेन्दामिमकाम लागि आ त्वापलाई सासेट्टु। १६ “आमा वाडमिम भेन्दामिम वो बुमी, मेर्मिम ओराम गोठाडाम मेएँ। मेर्मिमलाई वो गो रेन्मु बासिक्पा बु। मेर्मिमका आमा लोलाम थोमी, मा मेर्मिम कोलेडा बगाल दुम्मी। मेम्मा कोलेडा गोठाला दुम। १७ आमा पापका गोलाड् रिखाम बाडिमी हेडालोने गो त्वापलाई सासेट्टु, मा चडडा आथावो नुमु चापुनु। १८ सुका वो गोलाम आमा साम रमु मेचाप्सु। गो आमा त्वाकु नका ओरामलाई सासेट्टु। हेडालोने आ त्वापलाई सासेट्टु आमा मुलुगोडा बु, मा आथावो बग्गोमु आमा मुलुगोडा बु। आरे बोमु गोलाई आमा पापका बेबेट्टिडरीमिम बु।” १९ येशूका आरे ज्वाम्डिमका यहदीमिमगोडा आथावो गो-फ दुस्ता। २० मेर्मिमगोडाम हापाका आरे ज्वाम्डी, “ओरामलाई मुनाडका हुण्डुम बु, मा ऊ न मान्थिम दुस्ताम बु। हेडा मेरामकु ल्वा थोनी?” २१ लावो वाडमिमका ज्वाम्डी, “मुनाडका हुपा मुचुका आरेप्पाम ल्वा मेजे। मिक्सीका मल्वापा मुचुकु मिक्सी हाम मुनाडका होर्मु चाप्सु?”

येशूका उनी त्वापलाई माम्चुनीकु तारापाचो ज्वाम्डिम

२२ यरूशलेमडा माम्चुनीकु नडका सोरनेम सान्बेट्पा चाड रोक्ताम बाईडा। ओराम जुनेम थारीका बाईडा। २३ सोरनेमगोनो सोलोमनकु पिन्दीडा येशू लाम्दीम्बाल्मिडिम बाईडा। २४ यहूदीमिम उनी होनो-आथोलाम खोम्सिम्डीमा हिलाबेम्डी, “हाम्सीसम्म गुकुलाई ईनीमा दुथाम सोमुडाम थनीमिम? गानी ख्रीष्टडा माला गुकुनुड जोहोमका सोनी।” २५ येशूका मेर्मिमलाई ज्वाम्डी, “गो गानीनुड ज्वाड्डोम बु, लावो गानी थोर मेलुनी। आमा पापकु नडडा बेउमिम हेल्लो वो मेल्वाम्मा खारीकाडा आमा दुथाम सोयु। २६ लावो गानी थोर मेलुनी, हेडालोने गानी आमा भेन्दामिम मेएँ। २७ “आमा भेन्दामिमका आमा लोलाम थोमी, मेर्मिमलाई गो छेपुमी। मेम्मा मेर्मिम आमा चडचड लाम्दीमी। २८ मेर्मिमलाई मेसिपा त्वारोम ग्वाक्पुमी, मा मेर्मिम हेल्लो वो पुयु मेलुमी, मा सुका वो मेर्मिमलाई आमा ल्वालामका रोसाकङ्क लमु मेचाप्सु। २९ आमा पापका गोलाई ग्वाड्डीमिम भेन्दामिम खोत्लेडाम छल्वापा बुमी। सुका वो मेर्मिमलाई आमा पापकु ल्वाडाम रोसाका लमु मेचाप्सु। ३० गो नुड पाप कोलेडा।” ३१ यहूदीमिमका येशूलाई आथावो लुडका ओमु लुड डोम्डी। ३२ लावो येशूका मेर्मिमनुड ज्वाम्डी, “हापा युमखारीमिम आमा पापलाम गो गानीलाई रेम्बेट्तिनी। मेर्मिमगोडाम उहेम खारीकाम लागि गानी गोलाई लुडका ओम्डिनीमिम?” ३३ यहूदीमिमका ज्वाम्डी, “जोपा खारीकाम लागि गुकु गानालाई लुडका मेओम्कु, लावो माम्चुनीलाई डक्साका जेन्नामका, हेडालोने गाना मुचु दुम्साका वो ई त्वापलाई माम्चुनी ज्वाक्ना।”

३४ येशूका मेर्मिमलाई ज्वाम्डी, “हाम ईनीमा दुम्लाडा अरिसाका ज्वाक्मा मिबु गो ज्वाड्डो ‘गानी देवतामिम?’” ३५ माम्चुनीकु सिजेमका ज्वाक्ताम ल्वा हेल्लो लोवो आच्छाडा बु ज्वाक्पा गुई च। उनी सिजेम ग्वाक्मा मुचुमिमलाई माम्चुनीका देवतामिम ज्वामी। ३६ ‘गो माम्चुनीकु तारापाचो’ ज्वाड्डोमका माम्चुनीलाई डक्साका जेन्ना ज्वाक्साका हेडा गानी ज्वानी? गोलाई माम्चुनीका थुट्टिडडीमीमा सुम्दीसेरडा थुडिडीमी। ३७ आमा पापका बोमीमिम हाप्पाम खारी गो मेबेउ माला गोलाई थोर मेबेडिनी। ३८ लावो मेराम खारी गो बेउ माला गोलाई थोर मेबेडिनी लोवो हेल्लो वो मेल्वाम्मा खारीडा थोरबेनी। मेम्मा पाप आमागोडा बुमी, मा गो पापगोडा बुडु ज्वाक्साका गानी चनी, मा थेसिथेनी।” ३९ मेर्मिमका आथावो गुमीलाई चुम्मु माल्मिडी, लावो गुमी मेर्मिमलामका स्वाम्डी। ४० मेकोतिमा येशू यर्दन ब्लोकु होम्बु, डादो यूहन्नाका कु-रुदुम ग्वाक्थाल्लुम बायडा लम्डी। मेम्मा गुमी मेसिन्डा बाम्डी। ४१ मेसिन्डा हापा मुचुमिम उनीमाडा रोम्डीमा ज्वाम्डी, “यूहन्नाका ने हेल्लो वो मेल्वाम्मा छेखोपमिम रेम्मेबुवा, लावो ओराम येशूकु दुथाम गुका सोयुडुम खोत्ले ल्वा आच्छाडा रेछा।” ४२ मेम्मा मेसिन्डा हापा मुचुका येशूडा थोरबेम्डी।

येशूका लाजरसलाई सिमुलामका फम्डिम

११ लाजरस नडकाम कोले मुचु नोपा बाईडा। गु मरियम नुड मार्था उमा रिचोचिपनुड बेथानिया दैलडा बाईथाल्ला। २ ओराम मरियमकाडा चडडा येशूकु खेलडा हापा थिकाम भ्रपा मुर्नेम्पा तेलका क्लक्तुमा उमा सेमका बक्साड्डुम बाईडा। उमा रिपाप लाजरस नोपा बाईडा। ३ मेम्मा मे रिचोचिपका येशूकाडा अरे ज्वाक्पा सेला थुर्ची,

“डाचो, ईनीमा द्वादिबुड मुचु नोपा बु।”
 ४ ओराम ल्वा थोम्डीमा येशूका ज्वाम्डी,
 “ओराम नोसी सिमुलामडा रथिक्पा मेएँ।
 ओराम ने माम्चुनीकु युम भवाम्सिमुकाम
 लागि सो, मेम्साका ओरामलामका
 माम्चुनीकु तारापाचोकाम युम भवासी।”
 ५ येशूका मार्था, उमा ल्वाक मरियम
 नुड लाजरसलाई रिखाम बेम्थाल्मिडी।
 ६ लाजरस नोपा बु ज्वाक्पा थोम्डी
 मावो गुमी बान्थो बाम्डी मेसिन्डाडा
 आथावो नलेम बाम्डी। ७ मेकोतिमा
 गुमीका उनी सीसिपामिमनुड ज्वाम्डी,
 “दो, गुई यहूदिया क्षेत्रथो र्लोसिडी।”
 ८ सीसिपामिमका गुमीलाई ज्वाम्डी,
 “सीपा, बास्ता-नेहोनेमडा यहूदीमिमका
 गानीलाई लुडका ओमु माल्नीमिम
 बाईडा। मा वो गानी मेसिन्डाडा लमु
 माल्तो बोनी?” ९ येशूका ज्वाम्डी, “हाम
 कोलेमका को-न(१२) घण्टा मेदुम मा?
 नेप्सुड बुलो लाम्दीपा मुचुका उमा
 खेल मेतुकु, हेडालोने गुका ओराम
 सुम्दीसेरकु ओल ल्वासु। १० लावो
 सिन्था लाम्दीपा मुचुका ने खेल तुकु,
 हेडालोने मेराम मुचुनुड ओल मेदुम।”
 ११ मेकोतिमा येशूका ज्वाम्डी, “ईकीमा
 डोप्सो लाजरस अम्चेड्डाम बु, लावो
 गुलाई डोसिबेड्डा गो मेसिन्डा लडु।”
 १२ उनी सीसिपामिमका ज्वाम्डी, “डाचो,
 अम्स्ताम माला नुल्या।” १३ येशूका
 लाजरस अम्चेड्डाम कोडडा ज्वाम्डिम
 ज्वाक्पा मेर्मिमका मिम्मीडी, लावो
 येशूका लाजरस सिडा ज्वाम्डिम
 बाईडा। १४ मेम्मिमका येशूका मेर्मिमलाई
 जोहोमका ज्वाम्डी, “लाजरस सिडा।
 १५ गानी थोरबेनी ज्वाक्साका ईनीमा
 लागि गो मेसिन्डा मेबाडुवामडा गो
 गेर्सिक्पा बुडु। लावो लक्सी उमाडा।”
 १६ मेम्मा येशूकु सीसिपामिम गोडाम
 दिदुमास ज्वाक्पा थोमाका ज्वाक्ता,
 “दो, गुई वो येशूनुडडा लक्सीमा सिमु
 बासी लोवो सिई।”

सिमुलाम बगोसी नुड त्वारोम येशू

१७ येशू बेथानियाडा रोम्फाम्डीलो
 लाजरस सिडामा सुलुमगोनो जुल्मिडिम
 ब्ललेम दुस्ताम गुमीका चम्डी।
 १८ यरूशलेम शहरलामका बेथानिया
 देल सुक किलोमीटर कोकोडा बाईडा।
 १९ मार्था नुड मरियमकु रिपाप सिडामका
 हापा यहूदीमिम उचीमा न बसाड्डा
 रोम्डिम बाईडा। २० येशू रोकतोडा लेन्मी
 ज्वाक्पा थोस्तुमा गुमीलाई क्रोम्डा
 मार्था लस्ता। लावो मरियम ने नेमडाडा
 बाईडा। २१ मार्थाका येशूलाडर ज्वाक्ता,
 “डाचो, गानी आसिडा बानीवाम माला
 ने आमा रिपाप मेसियावा। २२ लावो
 ओम्लो वो गो चक्पु गानी माम्चुनीनुड
 हाम बिनी गुमीका ग्वानीमी।” २३ येशूका
 मार्थालाई ज्वाम्डी, “ईमा रिपाप आथावो
 बगे।” २४ मार्थाका ज्वाक्ता, “हुक्पा
 थारीका सिमुलाम मुचुमिम बग्मीमिम
 नेम गु बगे ज्वाक्पा गो चक्पु।” २५ येशूका
 गुलाई ज्वाम्डी, “सिमुलाम बगोसी
 नुड त्वारोम गोडा। गोडला थोरबेपा
 मुचु सिडा माला वो सिमुलामका
 बगे। २६ उहेम मुचु नु मा गोडला थोर
 बु, मेराम हेल्लो वो मेसि। हाम गाना
 ओराम ल्वा थोरलुना?” २७ मार्थाका
 ज्वाक्ता, “अँ डाचो, गो थोरलुडु, ओराम
 सुम्दीसेरडा योक्पा माम्चुनीकु तारापाचो
 गानी ख्रीष्ट।” २८ आकोति ज्वाक्तामा
 मार्था लस्ल्याड्डा, मा उमा ल्वाक
 मरियमलाई येड्डुमा लिबावा ज्वाक्ता,
 “सीपा रोम्फाम्डी, मा गानालाई येनामिम
 बुमी।” २९ ओराम ल्वा थोस्तुमा मरियम
 हुचु बक्तामा उनीमाडा लस्ल्याड्डा।
 ३० मेकोतिलोसम्म येशू मेराम देलडा
 रोम्फाम्डिम मेबायावा। मार्थाका
 क्रोम्स्तुम बायडाडा गुमी बाम्डी।
 ३१ यहूदीमिमका मरियमलाई उमा नेमडा
 न बसाक्तोडा बेम्डी। गु बक्तामा पाखा
 लुक्ल्याड्डाम ल्वाम्डीमा मेर्मिम उमा

चडचड लम्डी। गु सुलुमडा खाण्डा लमिम ज्वाक्पा मेर्मिमका मिम्सिम्डिम बाईडा। ३२ मरियम येशू बाट्पा फार्डा रोक्थिड्डामा गुमीलाई ल्वास्तु। मेम्मा उनीमा खेल चुम्डुमा ज्वाक्ता, “डाचो, गानी आसिडा बानीवाम माला आमा रिपाप मेसियावा।” ३३ येशूका मरियम खापा मा गुनुड रोक्पा यहूदीमिम वो खाप्पीडिम ल्वाम्डी। मेम्मा गुमी उनीमा न-गोडा छोम मेभ्रम्सिप्पीवा, मा डाली डम्डी। ३४ गुमीका मेर्मिमलाई हिलाबेम्डी, “गानी लाजरसलाई बान्ते जुल्नीम बु?” मेर्मिमका ज्वाम्डी, “डाचो, बिकनीमा रेप्नीका।” ३५ येशू खाप्पीडी। ३६ मेम्मा यहूदीमिमका ज्वाम्डी, “रेप्नी, गुमीका गुलाई हाडको रिखाम बेम्थाल्मिडी।” ३७ लावो मेर्मिमगोडाम कोड-कोडका ज्वाम्डी, “मिक्सीका मेल्लावा मुचुकु मिक्सी होसाक्पाका ओराम मुचुलाई सिमु मेग्वामु चाप्पीवा?” ३८ येशू आथावो मेभ्रम्सिप्पीवा, मा सुलुमथो लम्डी। मेराम सुलुम बुडखुमगोडा बाईडा। मेराम सुलुम कोले लुडका ड्याक्मा बाईडा। ३९ येशूका ज्वाम्डी, “मे खेमलुड रिल्नी।” सिपा लाजरसकु रिचो मारथाका गुमीलाई ज्वाक्ता, “डाचो, ओम्लोसम्म ने मेराम मुर्नेम्पा दुस्ता डे, हेडालोने मेराम सिडाम ब्ललेम दुम्मु दुम्स्तु।” ४० मेम्मा येशूका गुलाई ज्वाम्डी, “गाना थोरलुन्ना माला माम्चुनीकु युम-भवाक्सी ल्वाना ज्वाक्साका हाम गो गानालाई ज्वाड्डोम मेएँ?” ४१ मेर्मिमका सुलुमकु खेमलुड रिल्मीडी। मेकोतिमा येशूका पाहीथो रेप्पीडीमा ज्वाम्डी, “पाआ, गो ज्वाड्डोम ल्वा गानी थोडसाडडिनीमकाम लागि आलासो। ४२ गो ज्वाड्डुमिम ल्वा गानी हेल्लो लोवो थोनी ज्वाक्पा गो चक्पु। लावो आसिन्डा येम्तासिक्पा मुचुमिमकाम लागि गो ज्वाड्डोम। मेम्साका गानी गोलाई थुर्डीडीनिम ज्वाक्पा ओर्मिमका

थोरबोमीनू।” ४३ गुमीका आरे ज्वामु दुम्मिडीमा डोक्पु लोलामका येम्डी, “लाजरस, पाखा लुका।” ४४ मे सिडाम मुचु उमा ल्वा-खेल नुड डाली साडखिमका बन्थाट्टामाडा पाखा लुक्ता। येशूका मेर्मिमलाई ज्वाम्डी, “मेरामकु साडखिम फ्रोन्साट्टनी, मा गुलाई लमु ग्वाक्नी।”

येशूलाई सेट्पा मुलु

४५ मरियमलाई क्रोम्डा रोक्पा यहूदीमिम हापाका येशूका बेम्डिम औराम खारी ल्वाम्डीमा गुमीडला थोरबेम्डी। ४६ लावो मेर्मिमगोडाम कोडनिम ने फरिसीमिमकाडा लम्डी, मा येशूका बेम्डिम खारीकु दुथाम सोम्डी। ४७ मेकोतिमा डाउ डुम्लाचोमिम नुड फरिसीमिमका डोक्पु-घ्रोम्डीडाम मुचुमिमलाई येट्टिमडीमा ज्वाम्डी, “गुई हाम बिईमिम? हेडालोने औराम मुचुका हेल्लो वो मेल्लाम्मा युमखारीमिम हापा रेम्बेतोडा लेडु। ४८ औरामलाई आरे बोमुडा ग्वाक्ती माला खोत्लेका गुडला थोरबोमी। मेम्मा रोमीमिमका रोमीमा ईकीमा सोरनेम नुड नेब्दी निफीडा छोरप बोमी।” ४९ मेर्मिमगोडाम कैयाफा ज्वाक्मा मेथचेम डोक्पु डाउ डुम्लाचो बाईडा। गुका ज्वाक्ता, “गानी हाम वो मेचनी। ५० खोत्ले नेब्दीडा छोरप दुम्मुडाम ने कोले मुचु सिमु मुचुमिमकाम लागि जोपा दुम ज्वाक्पा ल्वा गानी थेसिमेथेनी?” ५१ औराम ल्वा गुका उमा त्वाकु नका ज्वाक्ताम मेएँ, गु मेथचेम डोक्पु डाउ डुम्लाचो दुस्तामका यहूदीमिमकाम लागि येशू सिमु बासी ज्वाक्साका माम्चुनीलाम-जेस्ताम बाईडा। ५२ नेब्दीकाम लागि कोड्डा मेएँ, खोत्लेथो फोन्सिक्साका बाट्पा माम्चुनीकु चोमिमलाई कोदेप बोमु लागि ज्वाक्मा बाईडा। ५३ मेम्मा मेनेम आथाम मेर्मिमका येशूलाई सेट्पा मुलु बोमु

चोम्मिडी। ५४ मेम्मिमका यहूदीमिमकु डादोडा ल्वाहोमका येशू मेबामीवा। मेम्मेबेसाका, गुमी ज्याङ्गो-ज्याङ्गो फार्डाम एफ्राइम ज्वाक्मा देलडा लम्डी। मेम्मा उनी सीसिपामिमनुड मेसिन्डा बाम्डी। ५५ यहूदीमिमकाम सेल्सिक्पा नेमकु चाड रोकफाड्डाम बाईडा। मुचुमिम सेपा दुम्मु लागि सेल्सिक्पा नेमकु चाड डादो डुम्ला होम्साका सेपा दुम्मु लागि देल-देललाम यरूशलेम लम्डी। ५६ मेर्मिमका येशूलाई माल्तोडा लेटिमडी, मा सोरेनेमगोडा मेर्मिम येम्सिम्डीलो आरे ज्वाबेम्डी, “गानी हे लुनी? हाम गु चाडका मेरो?” ५७ लावो कोडनिमका डार्मिडी माला सोमीनू। मेम्मा गुकु गुलाई चुम्कु ज्वाक्साका डाउ डुम्लाचोमिम नुड फरिसीमिमका ज्वाम्डिम बाईडा।

मरियमका येशूलाई तेल क्लक्तुम

१२ सेल्सिक्पा नेममिम चाडकु रुलेम डादो येशू बेथानिया देलडा रोम्डी। येशूका सिमुलामका फम्डिम लाजरस मेसिन्डा बाईथाल्ला। २ मेर्मिमका येशूलाई नेम्थाका बड बेटिमडी। मार्थोका चापे-डुपे बुदु, मा गुमीनुड पेण्डा गन्पामिमगोडाम लाजरस वो बाईडा। ३ मेकोतिमा मरियमका हापा थिकाम भ्रपा मुर्नेम्पा मोरोचीकु तेल मानाकोड कोति रेडुडुमा अयुडु। मेम्मा उमा सेमका येशूकु खेल बक्तु, मा मे भ्रपा मुर्नेम्पा तेल नेमगोडा खोत्लेथो मुर्नेम्स्ता। ४ उनी सीसिपामिम गोडाम कोले यहूदा इस्करियोत उहेमका चड्डा गुमीलाई भ्रेडुडु मेरामका ज्वाक्ता, ५ “ओराम भ्रपा मुर्नेम्पा तेल हापा थिकाम ज्याला कोतिम थिकाम बाईडा। ओरामलाई भ्रेन्मुमा मेराम खउलुड उनी हाम वो

मेबाटपामिमलाई ग्वामु बासावा।” ६ गुका आरे ज्वाक्ताम ने उनी हाम वो मेबाटपा मुचुमिमलाई ख्लोपा नका ज्वाक्ताम मेरे गु खुचुवा बाईडामका ज्वाक्ताम। खउलुडकु फाजी गुका कुथाल्लुमा मेलामका खुयुथाल्लु। ७ येशूका ज्वाम्डी, “गुलाई हाम वो मेज्वाक्नी, आमा मिराम क्लुम्मुकाम लागि गुका आरे बुडुम। ८ उनी हाम वो मेबाटपामिम ने गानीनुड हेल्लो लोवो दुम्मी, लावो गो ने गानीनुड हेल्लो लोवो मेदुम्डु।” ९ मेकोतिलोडा येशू मेसिन्डा बुमी ज्वाक्पा सेर्पा यहूदीका थोम्डीमा रोम्डी। येशू बाम्डिमका कोड्डा रोम्डिम मेरे, लावो गुमीका सिमुलाम फम्डिम लाजरसलाई वो रेण्डा रोम्डिम बाईडा। १० मेम्मा डाउ डुम्लाचोमिमका लाजरसलाई वो सेन्नु मुलु बेम्डी। ११ हेडालोने लाजरस सिमुलामका बगेड्डामका यहूदीमिमगोडाम हापा मुचुमिम फ्वाम्सिम्डीमा येशूडा थोर बेम्डिम बाईडा।

येशू छल्वापा दुम्साका यरूशलेम गोनी हुम्डिम

१२ उ दिकाम ख्वाम्ल्यामु नेमकु चाडडा रोकपा सेर्पा मुचुमिमका येशू यरूशलेमडा रोकतोडा लेन्मी ज्वाक्पा थोम्डी। १३ मेम्मा मुचुमिमका खजरकु ग्रेम भेटिमडीमा येत्तो गुमीलाई क्रोम्डा लम्डी, “होसन्ना*! मिप्रडमाकु नडडा योक्पा आलाकाम इस्राएलडाम हप।” १४ येशूका कोले गधाकुचो डार्मिडीमा मेडला हुम्डी। माम्चुनीकु सिजेमडा आरेसाका ज्वाक्मा होड्डा दुस्ता: १५ “ए सियोनकु जाउमोचो, मेडिसा। रेण्डा, ईमा हप गधाकुचोडला हुसाका बिकतोडा बोमी*।” १६ येशूकु सीसिपामिमका

†१२:१३ *हिब्रू ल्वाडा ‘सेल्किनी’ आसिन्डा ने येशूलाई हुनाखाना बेम्डिम नुड उनीमा नड कोम्डिम रेम्बु।

†१२:१५ *जक. ६:६

ओर्मिम ल्वा डादो थेसिमेथेटिमवा।
लावो येशूकु युम-भ्वाक्सीडाम चड्डा
मेर्मिमका ओर्मिम खोत्ले ल्वामिम
उनीमा दुथाम ज्याक्मा बाईडा। मेम्मा
मे मुचुमिमका उनीमा लागि ओर्मिम
खोत्ले बेम्डिम रेछा ज्वाक्साका
थेसिथेटिमडी। १७ गुमीका लाजरसलाई
सुलुमलामका येटिमडीमा सिमुलाम
फक्मिडीलो गुमीनुड बाट्पा मुचुमिमका
ओराम ल्वाकु दुथाम सोम्डिम बाम्डी।
१८ गुमीका ओराम युमखारीमिम
बेम्डिम ज्वाक्साका थोम्डिमका वो
गुमीलाई क्रोम्डा सेर्पा मुचु लम्डिम
बाईडा। १९ मेकोतिमा फरिसीमिमका
उनी त्वाप-त्वापगोडा आरे ज्वाबोमु
चोम्मिडी, “गुई हाम वो बोमु मेचाप्सी।
रेप्नी, खोत्ले मुचुमिम मेरामकु चडचड
लाम्दीम्ल्याम्डी।”

येशूका उनी सिमुकु दुथाम सोम्डिम

२० मेराम चडडा सोरलोले बेण्डा
लक्पामिमगोडाम कोडनिम ग्रीकमिम
वो बाम्डी। २१ गालीलडाम बेथसेदाडा
बाट्पा फिलिपकाडा मेर्मिम रोम्डीमा
आरे ज्वाम्डिम-ज्वाम्डिमडा बेम्डी,
“डाचो, येशूलाई क्रोम्मु आकीमा न बु।”
२२ फिलिपका लस्तामा अन्द्रियासनुड
सोयुडु, मा अन्द्रियास नुड फिलिप
येशूलाई ज्वाण्डा लक्ची। २३ येशूका
ज्वाम्डी, “मिनीचोकु युम-भ्वासिक्पा
थारी रोक्फाड्डाम बु। २४ आच्छाडा गो
गानीलाई ज्वाडु, जेप्सेरकु मा क्वाडला
हुम्साका मेसियावा माला मेराम उ
त्वापडा दुम। लावो मेराम सिडा माला
मेरामका हापा मा सिन्बेडु। २५ उ त्वाकाम
लागि नुपा मुचुका त्वारोम मेल्वासु।
ओराम सुम्दीसेरडा उ त्वाकाम लागि नुमु
मेद्वाक्पाका त्वारोम ल्वासु। २६ उहेमका
आमा चापेडुपे बु, मेराम आमा चडचड
लाम्दीमु बासी, मा गो बान्ते बुडु, आमा
डुल्चो वो मेसिडा दुम। आमा चापेडुपे

बेपा मुचुलाई आमा पापका डोक्पु बोमी।
२७ “आमा न-गो छोम मेभ्रसिक्पा बु,
मा गो हाम ज्वामु? ‘ए पाआ, ओराम
थारीका गोलाई सेल्डिनी’ ज्वामु? मेएँ,
दुखा ल्वामुकाम लागिडा ओराम थारीडा
गो रोड्डोम। २८ ए पाआ, गानी हाडकोम
युम-भ्वासिक्पा बुनी ज्वाक्पा रेम्बेनी।”
मेकोतिमा पाहीलामका कोले लोलामका
ज्वाक्ता, “गो ओराम युम-भ्वाक्तोम
बु, मा आथावो ओराम युम-भ्वाक्पु।”
२९ मेसिन्डा येम्सिक्पा सेर्पा मुचुका
ओराम लोलाम थोम्डीमा ज्वाम्डी,
“ओराम ने बुलुलु बुडुम सो, वाडमिमका
ज्वाम्डी, “पाह्नीचो गुमीनुड जेस्ताम।”
३० येशूका मेर्मिमलाई ज्वाम्डी, “ओराम
लोलाम आमा लागि मेएँ, ईनीमा लागिडा
जेस्ताम सो। ३१ ओराम सुम्दीसेरकु
निया दुम्पा थारी रोक्फाड्डाम बु।
ओराम सुम्दीसेरकु साखामचो शैतान
पाखानो धोलासोसी। ३२ लावो गो
सुबुलामका कोडसिडुमा खोत्ले मुचुलाई
आमाडा रेट्पुमी।” ३३ गुमी हेसाका सिमु
खाप्पीडिम मेराम रेम्बोमु आरे ज्वाम्डिम
बाईडा। ३४ मे सेर्पा मुचुमिमका ज्वाम्डी,
“खीष्ट हेल्लो लोवो दुम्मी ज्वाक्साका
गुकु डुम्लालाम थोत्तोकोम बु। मिनीचो
कोम्सीमु बासी ज्वाक्साका गानी
हेसाका ज्वामु चाम्नी? ओराम मिनीचो
ज्वाक्मा सु?” ३५ येशूका मेर्मिमलाई
ज्वाम्डी, “आथावो घेरिकोडसम्म ओल
गानीनुड दुम। ओल गानीनुड बुलो
लाम्दीनी, मा तुकुम्चिमका गानीलाई
मेहुम्नीनू। तुकुम्चिमडा लाम्दीपा मुचुका
गु बान्त लक्तोडा लेडु, मेराम मेच।
३६ गानीनुड ओल बुलाडा मेरामडला
थोरलुनी। मेम्मा गानी ओलडा बाट्पा
मुचु होप्पाम दुम्नी।” येशूका ओर्मिम
ल्वा ज्वामु दूमिडीमा मेलामका
लम्डीमा मेर्मिमडाम थसिक्साका
बाम्डी। ३७ येशूका मे मुचुमिमकु डादोडा
हापा युम-खारीमिम बेम्डी, लावो

मेर्मिमका गुमीडला थोरमेबेमीवा।
 ३८ माम्चुनीलाम-जेपा यशैयाका आरे
 ज्वाक्ताम ल्वा रोक्थिड्डा: “ए मिप्रडमा,
 आकीमा ल्वाडा सुका थोर बुडु? मा
 मिप्रडमाकु युम सुडुला रेन्वेसिड्डा?”
 ३९ मेर्मिमका मेर्मिमका थोर बोमु
 मेचाप्पीवा हेडालोने यशैयाका आथावो
 ज्वाक्ताम बु, ४० “गुमीका मेर्मिमकु
 मिक्सी ड्याम्साडिम बु, मा मेर्मिमकु
 न-गो लुड होप्पाम बनेबेम्साडिम बु। मेएँ
 माला ने मेर्मिमका उनी मिक्सीका ल्वामी
 मा न-गोका थेसिथेन्मी, मा आमाडा
 र्ल्लोसिप्पीमा समी।” ४१ यशैयाका
 येशूकु युम-भवाक्सी ल्वास्तुमका
 उनीमा दुथाम ओराम सोयुडुम बाईडा।
 ४२ यहूदी डाउमिम हापाका वो मेराम
 थारीका येशूडा थोरबेम्डी। लावो
 झोम्दीनेमलामिका कोल्सामी ज्वाक्साका
 फरिसीमिमडाम डिमुका थोरबेम्डिम
 मेसोमीवा। ४३ हेडालोने माम्चुनीका
 डोकपु बोमीमिमडाम ने मुचुमिमका
 डोकपु बोमीमिम मेर्मिमका हापा
 द्वाम्थाल्मिडी। ४४ मेकोतिमा येशूका
 डोकपु लोलामका ज्वाम्डी, “गोडला
 थोरलुपा मुचुका गोडला कोडडा मेएँ
 गोलाई थुर्पाडला वो थोर बु। ४५ मेराम
 मुचुका गोलाई रेम्डीलो गोलाई थुर्पा
 वो ल्वासु। ४६ गो ओराम सुम्दीसेरडा
 ओल दुम्साका योड्डोम बु, मा गोडला
 थोरबेपा मुचु सु वो तुकुम्चिमडा
 मेदुम्नु। ४७ “कोडनिका आमा सिजेम
 थोसु लावो मेराम होड्डा मेबु माला
 गो मेरामकु निया मेबेऊ। हेडालोने
 गो सुम्दीसेरकु निया बेण्डा योड्डोम
 मेएँ, लावो सुम्दीसेर सेल्मु लागि
 योड्डोम। ४८ गोलाई मेद्वक्पा, मा
 आमा सिजेम मेथोपामिमकाम लागि
 नियाचो बुमी, मेराम गो डादो जेड्डोम
 ल्वाका हुक्पा थारीनेम मेराम मुचुलाई
 मुमा बेडु। ४९ गो आमा त्वाकु नका

जेड्डोम मेएँ। गो हाम जेमु बासिक्पा,
 मा हाम ज्वामु बासिक्पा मेराम गोलाई
 थुर्पा आमा पापका बेबेट्टिडरीमिम बु।
 ५० गुमीका बेबेसामीमिम ल्वाका मेसिपा
 त्वारोम ग्वाक्सा ज्वाक्पा गो चक्पु।
 मेम्मिमका गो हाम ज्वाडु, मेराम पापका
 ज्वाबेट्टिडरीमिम ल्वा सो।”

येशूका उनी सीसिपामिमकु खेल सोल्मिडिम

१३ सेल्सिमुनेमकु चाड डादो
 गुमीका ओराम सुम्दीसेर
 डिसाका पापकाडा लक्पा उनी थारी
 रोकफाड्डा ज्वाक्साका येशूका चम्डी।
 गुमीका सुम्दीसेरडा बाटपा उनी
 सीसिपामिम खोत्लेलाई रिस्वाम बेत्तो
 मेर्मिमलाई चड्डासम्म छोम रिस्वाम
 बेम्डी। २ येशू नुड उनी सीसिपामिमका
 नेम्थाम गूला पेतोडा बेम्डी। येशूलाई
 ब्रेन्मु लागि सिमोनकु तारापाचो यहूदा
 इस्करियोतलाई शैतानका डादोडा
 कोस्तुम बाईडा। ३ पापका खोत्ले
 ल्वामिमडला सारवाम येशूलाई ग्वाम्डिम
 मा गुमी माम्चुनीलाम योम्डिम, मा
 माम्चुनीकाडाडा र्ल्लोसिक्तो लेटपु
 ज्वाक्पा गुमीका चम्डिम बाईडा।
 ४ मेम्मिमका गुमी उनी पेखोपलामका
 बम्डी, मा उनी हुम-ये प्लुसाका
 कोर्थो जुल्मिडी, मा कम्परभाल
 तौली रिम्सिम्डी। ५ मेकोतिमा कोले
 सोजामडा कु अम्डीमा सीसिपामिमकु
 खेल सोल्मु चोम्मिडी। मेम्मा गुमीका
 रिम्सिम्डिम तौलीका मेर्मिमकु खेल
 बम्साम्डी। ६ “डाचो, हाम गानी आमा
 खेल सोल्नीमिम?” ज्वाक्पा सिमोन
 पत्रुसकाडा येशू रोम्डी। ७ येशूका
 ज्वाम्डी, “गो हाम बेत्तोडा लेटपुमिम
 गाना ओम्लो थेसिमेथेना, लावो दिफू
 थेसिथेना।” ८ पत्रुसका ज्वाक्ता, “गानी
 आमा खेल सोल्मु हेल्लो वो मेनु।”

येशूका ज्वाम्डी, “गो ईमा खेल मेसोलुवा माला गाना आमा मेदुम्ना।” ६सिमोन पत्रुसका ज्वाक्ता, “ए डाचो, मेम माला आमा खेल कोड्डा मेएँ, आमा ल्वा नुड बुई वो सोल्साडनीका।” १० येशूका ज्वाम्डी, “सोलिसमु दुम्पा खेलडाम वाडमिम हाम वो सोल्मु मेबासी, खोत्ले मिराम छेको-छेकोम बु। गानी छेको-छेकोम बुनी, लावो गानीगोडाम खोत्ले ने मेएँ।” ११ हेडालोने सुका गुमीलाई ब्रेन्मु खाण्डुमिम मेराम मुचुलाई गुमीका छेमिडिम बाईडा। मॉम्मिमका गानी खोत्ले ने छेको-छेकोम मेबुनी ज्वाम्डिम। १२ गुमीका मेर्मिमकु खेल सोल्मु दुम्मिडीमा उनी हुम-ये फम्मिसम्डीमा बासी गन्मिडीमडा गन्मिडी। मेकोतिमा गुमीका मेर्मिमलाई ज्वाम्डी, “गो ईनीमा लागि बेउतोम गानी थिसिथेनी?” १३ गानी गोलाई ‘सीपा’ नुड ‘डाचो’ ज्वानी, गानी ज्वानीमिम मेराम जोपाडा, हेडालोने गो गुडा सो। १४ गो ईनीमा ‘सीपा’ नुड ‘डाचो’ दुम्साका वो ईनीमा खेल सोल्तो माला गानी ईनीमा खेल सोल्बेबोमु बासी। १५ गो ईनीमा लागि बेउतोम होम्साकाडा गानी वो बेनी ज्वाक्साका गानीलाई रेम्बेटिननीम सो। १६ आच्छाडा गो गानीलाई ज्वाडु, दुल्चो उमा नेमहपडाम डोक्पु मेदुम। मेम्मा सेलाचो सेला थुर्पाडाम डोक्पु मेदुम। १७ गानी ओर्मिम ल्वा थेटनीमा मेराम होम्साका बेन्नी माला गानी आलाकाम सो।

येशूका उनी त्वाप भ्रेन्लासोसिक्पाकु दुथाम सोम्डिम

१८ गो गानी खोत्लेकु दुथाम ज्वाडुमिम मेएँ। गो छेतोम कोले मुचुकु दुथाम गो चक्पु। लावो माम्चुनीकु सिजेमका आरे ज्वामिम होडडा दुम: ‘गोनुडडा सोबेम पेपा मुचुडा आमा कोर्थोलाम बक्ता।*’

११६ “आरे दुम्मु डादोडा गो गानीलाई ओराम ल्वा ज्वाडु, मेम्साका आरे दुम, मा गो गुडा ज्वाक्पा गानी थोरलुनी। २० आच्छाडा गो गानीलाई ज्वाडु, गो थुर्तोमलाई रपाका गोलाई रडी, मा गोलाई रपाका गोलाई थुर्पालाई रडु।” २१ आरे ज्वामु दुम्मिडीमा येशू छोम उनी न-गोडा मेभ्रसिप्मीवा, मा जोहोमका सोम्डी, “आच्छाडा गो गानीलाई ज्वाडु, गानीगोडाम कोलेका गोलाई ब्रेन्डी।” २२ येशूका सुकु दुथाम ज्वाम्डिम मेराम मेचक्साका सोसिपामिमका उनी त्वाप-त्वापडा रेमेरेम बेम्डी। २३ येशूका रिखाम बेम्डिम कोले सीसिपा ने येशूकु होनोलाम गन्तासिट्पा बाईडा। २४ सिमोन पत्रुसका उमा ल्वा थोतो गुलाई हिलाबुडु, “गुमीका सुकु दुथाम ज्वामीमिम?” २५ येशूकु होनोलाम थेरिक्साका गुका गुमीनुड हिलाबुडु, “डाचो, मेराम मुचु सु?” २६ येशूका ज्वाम्डी, “थालयुम सोबेमकु फ्वाक्चोल डोउमा गो उहेमलाई ग्वाक्पु, मेरामडा सो मेराम मुचु।” मेम्मा सोबेमकु फ्वाक्चोल डोम्डी, मा सिमोनकु तारापाचो यहूदा इस्करियोतलाई ग्वाम्डी। २७ यहूदाका सोबेम रडडु मेरे उमा न-गोडा शैतान हुडल्याडडा। मेम्मा येशूका मेरामलाई ज्वाम्डी, “गाना हाम बोमु खाम्नामिम, मेराम दाला बे।” २८ लावो गुमीका हेडा मेरामलाई आरे ज्वाम्डिम ज्वाक्साका गुला पेण्डा गन्पामिम सुका वो थिसिमेथेट्मीवा। २९ हेडालोने कोड-कोडका अरिप्पाम मिम्मिडी, यहूदानुड खउलुडकु फाजी बु, मा चाडकोम लागि चाहदुम्पा हाम-हम भ्रेयुनु रे उनी हाम वो मेबाट्पामिमलाई किचो ग्वाक्नुमी ज्वाक्साका येशूका ज्वाम्डिम। ३० यहूदाका सोबेम पोमु दुम्स्तु मेडे पाखा लुकल्याडडा। मेकोतिलो सिन्था दुस्ताम बाईडा।

पत्रुसका येशूलाई मेछेपु ज्वा ज्वाक्साका येशूका सोम्डिम

३१ यहूदा मेलाम लस्ता, मा येशूका ज्वाम्डी, “मिनीचोकु युम भवामु खाण्डु, मा गुलामका माम्चुनीकु युम भवा। ३२ माम्चुनीकु युम मिनीचोलामका भवासी माला तारापाचोकु युम गुमीलामका भवाबेन्मी, मा दालाडा उमा युम भवाबेन्मी। ३३ “ए चोच्चोनी, गो गानीनुड घरिकोड कोड्डा दुम्डु। गानी गोलाई मालिडनी, मा यहूदीमिमलाई ज्वाड्डोम होड्डा गानीलाई वो ज्वाडु, गो बान्ते लक्तोडा लेट्पु, मेसिन्डा गानी रोमु मेचाम्नी। ३४ गानीलाई कोले लाले ल्वा बेबेनीनी: रिखाम बेबेनी। गो गानीलाई रिखाम बेन्नीनिम होम्साकाडा गानी वो रिखाम बेबोमु बासी। ३५ गानी रिखाम बेबेन्नी माला ओरामलामका गानी आमा सीसिपा रेछा ज्वाक्साका खोत्ले मुचुका चमी।” ३६ सिमोन पत्रुसका गुमीनुड हिलाबुडु, “डाचो, गानी बान्ते लनीमिम?” येशूका ज्वाम्डी, “गो बान्ते लक्तोडा बेउ, मैने ओम्लो आमा चडचड लाम्दीमु मेचाम्ना, लावो दिफु ने आमा चडचड लाम्दीना।” ३७ पत्रुसका ज्वाक्ता, “डाचो, हेडा गो ओम्लो ईनीमा चडचड लाम्दीमु मेचापु? ईनीमा लागि गो आमा साम वो फ्यामु चापु।” ३८ मेकोतिमा येशूका ज्वाम्डी, “हाम गाना आमा लागि ईमा साम फ्यानामिम? आच्छाडा गो गानालाई ज्वाडु, स्वारेपो ओमु डादो गाना गोलाई सुक खेप मेछेपु ज्वाना।”

येशूका उनी सीसिपामिमकु न बन्साम्डिम

१४ “ईनीमा न-गोडा मेभ्रसिक्पा मेदुम्नी। माम्चुनीडा थोरलुनी, मा गोडला वो थोर बेनी। २ आमा पापकु नेमडा बाखोप हापा बु। मेमका मेबाट्पा माला ईनीमा लागि, बाखोप

भोम्सीबेड्डा लक्तोडा बेउ ज्वाक्साका हाम गानीनुड ज्वाडुवा? ३ गो लडुमा ईनीमा लागि बाखोप भोम्सीबेट्जोलुमा योडु। मेम्मा गानीलाई लनीनी, मा गो बान्ते बुडु मेसिन्डा गानी वो दुम्नी। ४ गो बान्ते लक्तोडा लेट्पु मेसिन्डा लक्पा लाम्दी गानी छेनी।”

पापकाडा लक्पा लाम्दी येशू

५ थोमाका गुमीलाई ज्वाक्ता, “डाचो, गानी बान्ते लनीमिम मेराम गुकु मेचकु, मा हेसाका लाम्दी छेकुमिम?” ६ येशूका ज्वाम्डी, “लाम्दी, आच्छाडा नुड त्वारोम गोडा सो। गोडाम वाडमिम सुलामका वो पापकाडा रोमु मेचाम्नी। ७ गानी गोलाई आच्छाडा छेडिनीवाम माला आमा पापलाई वो छेनीवा। आथाडा आनो गानी गुमीलाई छेनी, गानी गुमीलाई ल्वान्निम बु। ८ फिलिपका ज्वाक्ता, “डाचो, गुकुलाई पाप रेम्बेट्किनी। मेकोति माला नु।” ९ येशूका ज्वाम्डी, “फिलिप, आकोम थारीसम्म गानीनुड बाड्डो मा वो गाना गोलाई मेछेडिमिम? उहेमका गोलाई ल्वाडिडिम बु, मेरामका पापलाई ल्वास्तुम बु। हेसाका गाना ज्वामु चाम्ना ‘गुकुलाई पाप रेम्बेट्किनी? १० गो पापगोडा बुडु मा पाप आमागोडा बुमी ज्वाक्पा हाम गाना थोरमेलुना? गो गानीलाई ज्वाडुमिम ल्वा आमा त्वाकु नका ज्वाडुमिम मेएँ, आमागोडा बाट्पा पापका ज्वाबेन्डीमिम, मा गुमीका उनी खारी बेत्तोडा लेन्मी। ११ गो पापगोडा बुडु, मा पाप आमागोडा बुमी ज्वाक्पा थोरबेनी। डे गो खारी बेउतोम गानी ल्वान्नीमका थोरबेनी। १२ “आच्छाडा गो गानीलाई ज्वाडु, उहेमका गोडला थोर बु, मेरामका गो बेउतोम होप्पाम खारी बु। मेम्मा मेरामडाम वो डोकुपु खारी बु, हेडालोने गो पापकाडा लक्तोडा बेउ। १३ गानी आमा नड्डा हाम बिनी मेराम गो रेथिक्पु, मेम्साका पापकु युम

गो भवाबेट्पु। १४ गानी आमा नडडा हाम-हुम बिन्नी माला गो मेराम रेथिक्पु।

येशूका माम्चुनी-पेल थुरु ज्वाम्डिम

१५ “गानी गोलाई रिखाम बोडिनी माला गो ज्वाडुमिम थोनी। १६ मेम्मा गो पापनुड ज्वाडुमा गानीलाई ईनीमा लागि कौड जेप्साक्पा थुर्मी। मेम्मा गुमी गानीनुड हेल्लो लोवो दुम्मी। १७ माम्चुनीकु दुथाम सोपा पेल गुमी सो। उनीमा ल्वाडा सुम्दीसेरडाम मुचुमिम बुमु मेचाम्मी, हेडालोने मेर्मिमका गुमीलाई मेल्वामी, मा मेछेमी वो। लावो गानी गुमीलाई छेनी, हेडालोने गुमी गानीगोडा दुम्मी, मा गानीनुड दुम्मी। १८ “गो गानीलाई रेचोकुपा हौड्डा मेपार्जोल्निनी। गो ईनीमाडा योडु। १९ घरिकोड्डाम्मा सुम्दीसेरडाम मुचुमिमका गोलाई मेल्वाम्डिमी, लावो गानी ने गोलाई ल्वाडिनी। गो नुडुमिमका गानी वो नुनी। २० मेनेम गो आमा पापगोडा बुडु, मा गानी आमाडा बुनी, मा गो गानीगोडा बुडु ज्वाक्पा थेसिथेनी। २१ उहेमनुड गो जेड्डोम ल्वा बु, मा मेराम होम्साका बु, मेरामका गोलाई रिखाम बोडी। गोलाई रिखाम बेपा मुचुलाई आमा पापका रिखाम बोमी। मेम्मा गो वो गुलाई रिखाम बेउ, मा उमाडा गो रेम्बेडिसडु।” २२ यहूदाका(यहूदा इस्करियोत ने मेएँ, मेरामडा नड बाट्पा कोडमी सीसिपा) ज्वाक्ता, “डाचो, हेडा गानी ईनी त्वापलाई आकीमाडा रेम्बोनी, मा सुम्दीसेरडाम मुचुमिमकाडा ने रेममेबोनीमिम?” २३ येशूका मेरामलाई सिखलोम्डीमा ज्वाम्डी, “उहेमका गोलाई रिखाम बोडी, मेरामका आमा सीसि थोसु। आमा पापका मेरामलाई रिखाम बोमी, मा आमा पाप नुड गुचुकु मेरामकाडा रोचुकुमा मेरामकाडा बुचुकु। २४ गोलाई रिखाम मेबेपाका आमा सीसि मेथोसु। गानी थोनीमिम ओर्मिम

सिजेम आमा मेएँ, मेर्मिम ने गोलाई थुर्पा पापकाम सो। २५ “गो गानीनुड बाड्डोलोडा ओर्मिम ल्वा सोउतोम बु। २६ लावो जेप्साक्पाका खोत्ले सीनी, मा गो ज्वाडुडोम खोत्ले मिम्बेनीमी। जेप्साक्पा ओराम ने माम्चुनी-पेल सो, उहेमलाई पापका आमा नडडा थुर्मी। २७ न-भ्रसी गो गानीनुड पार्जोल्, मा आमा न-भ्रसी गो गानीलाई ग्वानीनी। गानी ओराम सुम्दीसेरका ग्वाक्पा होप्पाम न-भ्रसी गो मेग्वानीनी। ईनी न-गो मेभ्रसिक्पा मेदुम्नी, मा मेडिनी। २८ “गो लडुमा ईनीमाडा ख्लोडिसडुमा रोडु ज्वाडुडोम ने गानी थोन्नी। गानी गोलाई रिखाम बेडीनीवाम माला गो पापकाडा लडुमिमडा गानी गेर्सिनीवा, हेडालोने पाप गोडाम छल्वापा बुमी। २९ ओर्मिम खोत्ले ल्वा दुम्मु डादोडा गो गानीलाई ज्वाडुडोम बु, मा ओराम ल्वा दुम्मु खाण्डुलो गानी थोरबोनी। ३० गानीनुड जेमु थारी हापा गोनड मिबु, हेडालोने ओराम सुम्दीसेरडाम साखामचो रोकतोडा लेडु। मेरामका गोलाई हाम वो बोमु ने मेचाम्डी। ३१ लावो पापलाई गो रिखाम बेउ, मा पापका हाम बेबेन्डिमी मेरामडा गो बेउ ज्वाक्पा सुम्दीसेरडाम मुचुमिमका चमीनु। दो, ओलोमका लक्सी।

अडगुरकु रोल नुड ऊ लिममिम(प्रेम)

१५ “गो आच्छाडाकाम अडगुरकु रोल सो, मा अडगुर रेपा आमा पाप बुमी। २ मा मेसिट्पा आमा खोत्ले लिममिम गुमीका फल्मी। मा सिट्पा खोत्ले लिममिमलाई आथावो हापा मा सिट्पू ज्वाक्साका स्याडमी। ३ गो गानीलाई ज्वाडुडोम सिजेमका गानी बासिडा सेपा दुम्मु दुम्निम बु। ४ आमा गो गोडा दुम्नी, मा गो गुमीडा दुम्मु। अडगुरकु लिममिम ऊ रोलडा मेटुप्सावा माला मा सिन्मु मेचाप्सु। मेम्साकाडा आमाडा मेदुम्नीवा माला

गानी वो मा सिन्बेन्नु मेचाम्नी। ५ “गो अडगुरकु रोल सो, मा गानी लिममिम। कोडनिम मुचु गो गोडा दुम माला गो गुगोडा दुम्डुमा मेरामका हापा मा सिन्बेडु। गोडाम फ्वासिक्साका गानी हाम वा बोमु मेचाम्नी। ६ गो गोडा मेदुम्पा मुचु घोलासोसिक्पामा साट्पा लिममिम हाप्पाम दुम। आरेप्पाम लिममिम मुचुमिमका खोम्मीमा मुगोडाडा घोम्सोमी, मा मेराम घु। ७ गानी गो गोडा दुम्नीमा आमा सिजेम गानीगोडा बु माला हाम न बोनी, मेराम बिनी, मा गानी ल्वानी। ८ गानी हापा मा सिन्बेसाका गानी आमा सीसिपा ज्वाक्पा रेम्बेनी, मा मेरामका आमा पापकु युम भवा। ९ “आमा पापका गोलाई रिखाम बेडिडमिम होड्डा गो वो गानीलाई रिखाम बेन्नीनिम बु। गानी आमा रिखामडा बानीहोम बानी। १० गानी गो ज्वाड्डोम थोनी माला आमा रिखामडा गानी बुनी, हेसाका गो वो आमा पापका ज्वाड्डिम थोउतो, मा उनीमा रिखामडा बुडु। ११ आमा न-भ्रसी गानीगोडा दुम्नू, मा ईनीमा न-गो भ्रम्सिमु हाम वा मेबासिक्पा दुम्नू ज्वाक्साका गो गानीलाई ओराम ल्वा ज्वाड्डोम। १२ “गो ज्वाड्डुमिम ल्वा ओरामडा: गो गानीलाई रिखाम बेन्नीनिम होम्साकाडा गानी वो रिखाम बेबेनी। १३ त्वाकु डोप्सोकाम लागि त्वाकु साम फ्यामुडाममा डोक्पु रिखाम सुकाम वो मेदुम। १४ गो गानीलाई हाम ज्वाड्डोम बु, मेराम होड्डा बोनी माला गानी आमा डोप्सोमिम। १५ आथा ने गो गानीलाई दुल्चो मेज्वाड्डु, हेडालोने उमा नेमहपका हाम बु, मेराम दुल्चोका मेच। मेम मेज्वाक्साका गो गानीलाई डोप्सोनी ज्वाड्डु, हेडालोने आमा पापलामका थोउतोम खेतले ल्वा गानीनुड सोउतोम बु। १६ गानी गोलाई छेट्टिडरीनिम मेएँ, गो गानीलाई छेट्टिनी,

मा गानी लक्नीमा मा सिन्बेटी, मा ईनी मा दुम्नू बुनू ज्वाक्साका गो गानीलाई थुटीनी। मेम्मा आमा नड्डा गानी हाम बिनी मेराम पापका गानीलाई ग्वानीमी। १७ गो गानीलाई ज्वाड्डुमिम ल्वा ओरामडा सो: रिखाम बेबेनी।

सीसिपामिमलाई सुम्दीसेरकु मेद्वक्सी

१८ “सुम्दीसेरडाम मुचुमिमका गानीलाई मेद्वानीवा माला डादो गोलाई मेद्वानीमी ज्वाक्पा गानी चन्जोलीनी। १९ गानी सुम्दीसेरकु मुचु दुम्नीवाम माला मेमिमका गानीलाई त्वाकु मुचु मिम्नीवामा रिखाम बेनीवा। लावो गानी ने सुम्दीसेरकु मुचु मेएँ। गानीलाई सुम्दीसेरलामका गो छोट्टिनी मेमिमका गानीलाई सुम्दीसेरडाम मुचुमिमका मेद्वानीमी। २० गो गानीलाई ज्वाड्डोम सिजेम मिम्नी, ‘दुल्चो नेमहपडाम डोक्पु मेदुम।’ मेमिमका आमा ने थोमतेमी माला ईनीमा वो थोमतेमी। मेमिमका आमा सीसि थोमी माला ईनीमा सीसि वो थोमी। २१ गानी आमा सीसिपा दुम्नीमका मेमिमका गानीलाई मेम बोनी, हेडालोने मेमिमका गोलाई थुपा पापलाई मेछेमी। २२ गो मेयोड्डुवा, मा मेमिमनुड मेज्वाड्डुवाम माला मेमिम उनी छुलकु मुमा बेन्लामेसोसिप्पीवा। लावो आथा ने मेमिमका छुल मेबेमीवाम लिसिक्पा ल्वा मेमिमनुड हाम वो मिबु। २३ उहेम मुचुका गोलाई मेद्वानी, मेराम मुचुका आमा पापलाई वो मेद्वानु। २४ मेमिमकु डादोडा वाडमिम सुका वा मेबेमीवाम खारीमिम गो मेबेउवाम माला मेमिम छुलकु मुमा बेन्लामेसोसिप्पीवा। लावो मेमिमका युमखारीमिम ल्वाड्डिम बु, मा वो गो नुड आमा पापलाई मेद्वानुमी। २५ लावो दुम्लाडा आरेसाका ज्वाक्पा ल्वा होड्डा रोम्थिमु लागि आरेप्पाम दुस्ताम बाईडा: ‘मेमिमका गोलाई मेडेडा

मेद्वाडमीवा ।* †२६ “जेप्साक्पा योमी, उहेमलाई पापलामका गो गानीडा थुरु। पापलामका योक्पा आच्छाडाम पेल गुमी, गुमीका आमा दुथाम सोमी। २७ डादो आथामडा गानी गोनुड बुनीमिमका गानी वो आमा दुथाम सोपा दुम्नी।

१६ “गानी ताडताहेरथो मेलनी ज्वाक्साका ओराम ल्वा गो गानीलाई ज्वाडडोम। २ मेर्मिमका गानीलाई घोम्दीनेमिमलामका पाखा कोल्निमी। लावो आरेप्पाम थारी रोकतोडा लेडु, कोडनिम उहेमका गानीलाई सेनी मेर्मिमका माम्चुनीकु लाले-पाडके बेतोडा लेट्पु ज्वाक्पा मिम्मी। ३ मेर्मिमका आरेप्पाम खारी बोमी, हेडालोने मेर्मिमका पापलाई वो छेटिमडीम मिबु, मा गोलाई वो छेटिडडीमिम मिबु। ४ थारी रो, मा गो गानीलाई चडचडया बाबेटनीनिम ल्वा ईनीमा नडा रो ज्वाक्साका ओराम ल्वा गो गानीलाई ज्वाडडोम बु। गो गानीनुड बाडडोमका गानीनुड डादो गो ओराम ल्वा मेज्वाडुवा।

जेप्साक्पा माम्चुनी-पेलकु खारी

‡ “गोलाई थुर्पाकाडा ओम्लो गो लक्तोडा बेउ। मा वो ‘गानी बान्ते लनीमिम?’ ज्वाक्साका गानी सुका वो गोलाई हिला मेबोडिनी। ६ ओर्मिम ल्वा गो गानीलाई सोउतोमका ईनी न-गो ख्रापा बु। ७ लावो गो गानीलाई आच्छाडा ज्वाडु, गो लमुडा ईनीमा लागि जोपा दुम। गो मेलक्थुमसम्म जेप्साक्पा ईनीमाडा मेयोमी। गो लड्डो माला गुमीलाई ईनीमाडा थुरूमी। ८ गुमी योमीमा सुम्दीसेरलाई उमा छुलकु दुथाम, माम्चुनीकु न-गो होप्पामकु दुथाम मा रोकपा नियाकु दुथाम मुमा बेन्मी। ९ गोडला थोर

बोमु मेद्वाकुमिमडा सुम्दीसेरकु छुल। १० गो आमा पापकाला लडुमिमलामका माम्चुनीनुड जोपा दुम्डुमिम ज्वाक्पा गुमीका सुम्दीसेरलाई रम्बेन्मी। मेम्मा ल्वाला मेसोडिसडु। ११ मेम्मा निया दुम्पाकु दुथाम सुम्दीसेरका र्लोड्डुम बु, हेडालोने ओराम सुम्दीसेरकु साखामचोलाई देन्दे ग्वाक्पा मुलु दुस्ल्याड्डाम बु। १२ “गो गानीलाई ज्वामु बासिक्पा ल्वा ने आथावो बु, लावो मेराम ओम्लो गानी ईनीमा नडा लुन्बेन्मु मेचाम्नी। १३ गुमी आच्छाडाम पेल योमीमा गुमीका गानीलाई आच्छाडाकाम खोत्ले ल्वाथो क्रिनीमी। गुमीका उनी त्वाकु नका मेजेमी। गुमीका हाम थोमी मेराम कोड्डा जेमी, मा दिफु दुम्पा ल्वाकु दुथाम गानीनुड सोमी। १४ गुमीका आमा युम भवामी, हेडालोने गो हाम ज्वाडु, गुमीका रमीमा मेराम गानीनुड सोमी। १५ पापनुड बाट्पा खोत्ले आमाडा। मेम्मिमका गो ग्वाक्पु, मेराम पेलका रमीमा गानीनुड सोमी ज्वाड्डोम। १६ “घरिकोड गानी गोलाई मेल्वाडिनी। मेकोतिमा घरिकोडका गोलाई ल्वाडिनी।”

न-गो ख्रापा सीसिपामिम गेर्सिमी

१७ येशूकु कोडनिम सीसिपामिमका उनी त्वाप-त्वापडा आरे ज्वाबेम्डी, “गुमीका ओराम हाम ज्वाम्डिम, ‘घरिकोड गोलाई मेल्वाडिनी, मा घरिकोडका गोलाई ल्वाडिनी’ मा ‘हेडालोने गो पापकाडा लक्तोडा बेउ?’ १८ मेर्मिमका कुदुमार हिलाबेबेम्डिम बाम्डी, ‘गुमीका घरिकोड ज्वाम्डिम हाम ज्वाम्डिम?’ गुमीका ज्वाम्डिम गुई थिसिमेथेडी।” १९ मेर्मिमका ओरामकु दुथाम गुमीनुड हिलाबेपा न बेतोडा लेन्मी ज्वाक्पा येशूका चम्डी। मेम्मा मेर्मिमनुड ज्वाम्डी, “घरिकोड गोलाई

† १५:२५ *भ-सं. ३५:१६; ६६:४।

मेल्लाडिनी, मा घरिकोडका गोलाई
 ल्वाडिनी ज्वाक्मा हाम ज्वाक्साका गानी
 हिलाहिसी बेबोनीम बुनी? ^{२०} आच्छाडा
 गो गानीलाई ज्वाडु, गानी खाम्नीमा
 येनी-दुनी, लावो सुम्दीसेर ने गेर्सीद्वा।
 ईनीमा न-गो खाम लावो खापा मे ईनीमा
 न-गो गेर्सी। ^{२१} चोचो गमु थारीका मेसेम
 छोम नो, हेडालोने उमा चो गमु थारी
 रोकफाड्डाम दुम। लावो चोचो गमा
 गुलाई नोडाम ल्वा मेसेमका प्लासु।
 हेडालोने सुम्दीसेरडा कोले चोचो गस्ता
 ज्वाक्साका गु गेर्सीद्वा। ^{२२} मेम्साकाडा
 ओम्लो ईनीमा न-गो खाम, लावो
 आथावो गो गानीलाई रेम्नीनी, मा ईनीमा
 न-गो भ्रसी। मेराम ईनी न-गो भ्रसी सुका
 वो गानीलाम मेरोनीमी। ^{२३} मेनेम गानी
 गोलाई हाम वो हिला मेबोनी। आच्छाडा
 गो गानीलाई ज्वाडु, गानी आमा नडडा
 हाम बिनी, मेराम आमा पापका गानीलाई
 ग्वानिमी। ^{२४} ओम्लोसम्म गानी बिन्निम
 मिबु। बिनी, मा गानी ल्वानी, मा गानी
 छोम भ्रन्सिनी। ^{२५} “ओर्मिम ल्वा गो
 गानीलाई सीसि-सोम्दीलामका ज्वाडडोम
 बु। थारी रोकतोडा लेडु, ओराम
 सीसि-सोम्दीडा गो गानीलाई मेज्वाडु,
 लावो आमा पापक दुथाम गो गानीलाई
 जोहोमका सोड। ^{२६} मेनेम गानी आमा
 नडडा बिनी। गो ईनीमा लागि पापनुड
 बिन्सानीनी ज्वाक्साका गो गानीलाई
 मेज्वाडु। ^{२७} पाप उनी त्वाकाडा गानीलाई
 रिखाम बोनी, हेडालोने गानी गोलाई
 रिखाम बेड्डिनिम बु। गो माम्चुनीलाम
 योडडोम ज्वाक्साका गानी थोर लुन्निम
 बु। ^{२८} पापकामलामका सुम्दीसेरडा गो
 योडडो, मा ओम्लो सुम्दीसेर डिडुजोलुमा
 पापकालाडा र्लोडिसडु।” ^{२९} मेकोतिमा
 उनी सीसिपामिमका ज्वाम्डी, “ओम्लो
 गानी सीसि-सोम्दीलामका मेएँ जोहोमका
 जेनिम बुनी। ^{३०} गानी खोत्ले चनी,
 मा सुका वो गानीनुड हिलाबोमु
 मेबासी। गानी माम्चुनीलामका योक्निम

ज्वाक्साका ओरामलामका गुकु थोर
 बोकु।” ^{३१} येशूका मेर्मिमलाई ज्वाम्डी,
 “हाम आच्छाडा गानी गोडला थोर
 लुनी? ^{३२} लावो अरेप्पाम थारी रोकतोडा
 लेडु, मा रोम्फामु दुम्स्तुम बु, गानी
 फोन्सिनीमा ईनीमा त्वाकु नेमडा लनी।
 गोलाई त्वापडा पार्जोल्डिनी। मा वो
 गो त्वापडा मेदुम्डु, हेडालोने आमा
 पाप गोनुड बुमी। ^{३३} आमाडा गानी
 दुम्साका ईनीमा न-गो भ्रसीनु ज्वाक्साका
 गो गानीलाई ओराम ल्वा ज्वाडडोम।
 ओराम सुम्दीसेरडा गानीलाई दुखा दुम,
 लावो रुखो फिन्नी, सुम्दीसेरडला गो
 छल्वाडडोम बु।”

उनी त्वाकाम लागि येशूकु सोम्दी

१७ येशूका आरे ज्वामु दुम्मीडीमा
 पाहोथो रेप्साका सोम्दी
 बेम्डी: “पाआ, थारी रोकफाड्डाम
 बु। ईनीमा तारापाचोकु युम भवाक्नी,
 मा तारापाचोका ईनीमा युम भवाक्नु।
^२ हेडालोने गानी गुलाई ग्वाक्निम खोत्ले
 मुचुलाई मेसिपा त्वारोम ग्वाक्नुमी
 ज्वाक्साका खोत्ले मुचुडला गुलाई
 साखाम ग्वाक्निम बु। ^३ मेसिपा त्वारोम
 ल्वापा लाम्दी ओराम सो: गानी कोलेडा
 आच्छाडाकाम माम्चुनीलाई मेर्मिमका
 छेमु, मा गानी थुर्निम येशू ख्रीष्टलाई
 वो छेमु। ^४ गानी गोलाई बेबेटिडरीनिम
 खारी बेसोकसाका सुबुडा ईनीमा
 युम भवाबेत्तोम बु। ^५ पाआ, सुम्दीमो
 डादो गानीनुड बाडडोलोम आमा
 युम-भवाक्सीका ईनीमा डादोडा युम
 भवाबेत्नी।

सीसिपामिमकाम लागि येशूकु सोम्दी

^६ “सुम्दीसेरलामका गानी गोलाई
 ग्वाडिडिनिम मुचुमिमकाडा गो गानीलाई
 छेबेटिन्नीम बु। मेर्मिम मुचु ईनीमाडा
 बाम्डी, मा मेर्मिम गोलाई ग्वाडिडिनी।
 मेर्मिमका ईनीमा सिजेम होम्साका

दोमिडिम बु। ७ गानी गोलाई ग्वाडिडनिम खोत्ले ल्वा गानीलामका रोक्ताम ज्वाक्साका मेर्मिमका चमीमिम बु। ८ हेडालोने गानी ग्वाडिडनिम सिजेम मेर्मिमलाई गो ग्वाक्तोमिम बु, मा मेर्मिमका मेराम रमिडिम बु। गानीलाम योडडोम ज्वाक्पा आच्छाडा मेर्मिमका चम्डी, मा गानी गोलाई थुडिडीनिम ज्वाक्साका मेर्मिमका थोर बेमिडिम बु। ९ गो मेर्मिमकाम लागि सोम्दी बेड। सुम्दीसेरकाम लागि गो सोम्दी मेबेड। लावो उहेम गोलाई ग्वाडिडनिम, मेर्मिमकाम लागि सोम्दी बेड, हेडालोने मेर्मिम ईनीमाडा सो। १० गोनुड बाट्पा खोत्ले ईनीमाडा, मा गानीनुड बाट्पा खोत्ले आमा। मेर्मिमलाम आमा युम भवास्ताम बु। ११ “गो सुम्दीसेरडा मेबुडु, लावो मेर्मिम सुम्दीसेरडा बुमी, मा गो ने ईनीमाडा गेत्तोडा बेड। सेपा पाआ, गानी गोलाई ग्वाडिडनिम ईनीमा नडकु युमका मेर्मिमलाई बोनी-थानीमी, मा गानी नुड गो कोडसो बुईमिम होड्डा मेर्मिम कोडसो दुम्मीनु। १२ गो आसिन्डा बाडडोम थारीका गानी ग्वाडिडनिम नडकु युमका मेर्मिमलाई बोत्तोमी-थातोमी, मा ईनीमा सिजेम होड्डा मेर्मिमगोडाम कोले कोड्डा पुयुलुस्ता। १३ “ओम्लो गो ईनीमाडा गेत्तोडा लेट्पु। लावो गो सुम्दीसेरडा आथावो बुडुलो ओर्मिम ल्वा ज्वाडु, मेम्साका छाम आमा न-गो भसी मेर्मिमकु गोगोडा दुम्नु। १४ गो मेर्मिमलाई ईनीमा सिजेम ग्वाक्तोमी, मा सुम्दीसेरडाम मुचुमिमका मेर्मिमलाई मेद्वाक्कीवा, हेडालोने गो सुम्दीसेरकाम मेएँ, मेप्माडा मेर्मिम वो सुम्दीसेरकाम मेएँ। १५ मेर्मिमलाई सुम्दीसेरलामका लक्नी ज्वाक्साका मेएँ, लावो मेर्मिमलाई शैतानडाम बोनी-थानी ज्वाक्साका गो गानीनुड सोम्दी बेड। १६ गो सुम्दीसेरकाम मेएँ, मेप्माडा मेर्मिम वो सुम्दीसेरकाम मेएँ। १७ मेर्मिमलाई

आच्छाडाम ल्वाडा सेपा दुम्बेटनी, ईनीमा सिजेम आच्छाडाम बु। १८ गानी गोलाई सुम्दीसेरडा थुडिडीनिम होड्डा मेर्मिमलाई सुम्दीसेरडा थुर्तोमिम बु। १९ मेर्मिमका उनी त्वाप आच्छाडा गानीलाई ग्वानीमीनु ज्वाक्साका गो आ त्वाप गानीलाई ग्वानीनी।

थोरलुपामिम खोत्लेकाम लागि येशूकु सोम्दी

२० “गो ओर्मिमकाम लागि कोड्डा सोम्दी मेबेड। ओर्मिमकु सिजेमका सुका गोडला थोरलुमी, मेर्मिमकाम लागि वो सोम्दी बेड। २१ मेम्साका मेर्मिम खोत्ले कोडसो दुम्मीनु, पाआ, हेसाका गानी गो गोडा बुनी, मा गो गानीडा बुडु। मेर्मिम ईकीमाडा दुम्मीनु, मेम्साका गानी गोलाई थुडिडीनिम ज्वाक्पा सुम्दीसेरका थोर बुनु। २२ गानी गोलाई ग्वाडिडीनीम युम-भवाक्सी मेर्मिमलाई ग्वाक्तोमिम बु। मेम्साका गानी नुड गो कोडसो बुईमिम होड्डा मेर्मिम कोडसो दुम्मीनु। २३ मेर्मिम खोत्ले कोले दुम्मीनु ज्वाक्साका गानी गो गोडा दुम्मीमा गो मेर्मिमडा दुम्नु। मेम्मा गानी गोलाई रिखाम बेडिडनीम होड्डा मेर्मिमलाई रिखाम बेनीमी ज्वाक्पा नुड गानी गोलाई थुडिडीनिम ज्वाक्पा सुम्दीसेरका च। २४ “पाआ, गानी गोलाई ग्वाडिडनिम मुचुमिम बान्ते गो बुडु, मेसिन्डा गोनुड दुम्मीनु ज्वाक्पा आमा न बु। सुम्दीमो डादाडा गानी गोलाई रिखाम बेडिडनिमका ग्वाडिडनिम युम-भवाक्सी मेर्मिमका रेम्मीनु ज्वाक्पा वो न बेड। २५ “जोपा खारी बेपा पाप, सुम्दीसेरडाम मुचुमिमका गानीलाई मेछेनी, लावो गो गानीलाई छेनीनी। मेम्मा गानी गोलाई थुडिडीनिम ज्वाक्पा मेर्मिमका चमी। २६ गोलाई बेडिडनिम ईनीमा रिखाम मेर्मिमकाडा दुम्नु, मा गो आ त्वाप मेर्मिमकाडा दुम्नुनु ज्वाक्साका गो

गानीलाई थोरलुपामिमकाडा छेबेट्निनिम बु मा छेबेनीनीम बुडु।”

येशू चुम्मीडिम

१८ सोम्दी बोम् दुमिडीमा येशू उनीमा सीसिपामिमनुड किद्रोन खोल्सा होम्बु लम्डी। मेसिन्डा होनोलाम जैतन धक्सामिमकू बगैँचा बाईडा। येशू नुड उनी सीसिपामिम मेगोडा हुम्डी। २ गुमीलाई भ्रेट्पा यहदाका वो मेराम बाय छेड्डुम बाईडा। हेडालोने येशू उनीमा सीसिपामिमनुड मेसिन्डा घ्रोम्थाल्मिडी। ३ मेकोतिमा रोमी सिपाहीमिम, डाउ डुम्लाचोमिम नुड फरिसीमिमका थुमिडिम सोरनेम लपा सिपाहीमिम रेसाका यहदा मे बगैँचागोडा रोक्ता। मेर्मिमका धिप्पी, डोमार नुड हतियारमिम रेसाका रोम्डिम बाईडा। ४ उनी त्वापडला दुम्मु खाण्डुमिम ल्वा चक्सका येशू रोम्डी, मा मेर्मिमनुड हिलाबेम्डी, “गानी सु माल्नीमिम?” ५ मेर्मिमका ज्वाम्डी, “नासरतडाम येशू।” येशूका मेर्मिमलाई ज्वाम्डी, “गुडा गो।” गुमीलाई भ्रेट्पा यहदा वो मेर्मिमनुडडा येम्तासिट्पा बाईडा। ६ येशूका मेर्मिमनुड “गुडा गो” ज्वाम्डीमा मेर्मिम चडथो स्वाम्डीमा क्वायु भार्मिडी। ७ आथावो गुमीका मेर्मिमनुड हिलाबेम्डी, “गानी सु माल्नीमिम?” मेर्मिमका ज्वाम्डी, “नासरतडाम येशू।” ८ येशूका ज्वाम्डी, “गोडा ज्वाक्सका गानीलाई ज्वाड्डोम बु। गानी गोलाई माल्तोडा लेन्डीनिम बु माला ओर्मिम मुचुलाई लमु ग्वाक्नी। ९ “गानी गोलाई ग्वाड्डिमिमगोडाम कोलेलाई वो गो मेदाम्पुमीवा” ज्वाक्सका येशूका ज्वाम्डिम ल्वा रोम्थिमु लागि आरे दुस्ताम। १० मेकोतिमा सिमोन पत्रुसका उमा कातुरका डोक्पु डाउ डुम्लाचोक्

डुल्चोकाम जोपलाममिम नोफला फल्साड्डु। मेराम डुल्चोक् नड माल्खस बाईडा। ११ येशूका पत्रुसलाई ज्वाम्डी, “कातुर ऊ दापडा जुला। पापका गोलाई ग्वाड्डिमिम दुखाकु कान्चुरे हाम गो मेडुमु?”

हन्नासकाडा येशू लम्डिम

१२ मेकोतिमा सिपाहीमिम, मेर्मिमकू कमान्डर नुड यहदी डाउमिमका थुर्मिडिम सोरनेम लपा सिपाहीमिमका येशूलाई चुम्साका बट्मिडी। १३ मेम्मा गुमीलाई डादो हन्नासकाडा लम्डी, गु मथचेम डोक्पु डाउ डुम्लाचो कैयाफाकु नाईमेकु पाप बाईडा। १४ “खोत्ले सामा छोरोप दुम्मुडाम ने कोले मुचु सिमु मुचुमिमकाम लागि जोपा दुम” ज्वाक्सका यहदीमिमनुड ज्वाक्पा ओराम कैयाफाडा बाईडा।

पत्रुसका येशूलाई मेछेपु ज्वाक्ताम

१५ सिमोन पत्रुस नुड येशूकु कोडमी सीसिपा येशूकु चडचड लक्ची। मे कोडमी सीसिपा डोक्पु डाउ डुम्लाचोका छेड्डुम बाईडा, मा गु येशूनुडडा डोक्पु डाउ डुम्लाचोक् देल्फुडा लस्ता। १६ लावो पत्रुस ने लाम्चोकोक् पाखालाम येम्तासिड्डाम बाईडा। मे डोक्पु डाउ डुम्लाचोका छेड्डुम कोडमी सीसिपा पाखानो लुक्तामा लाम्चोकोडा लपा मेसेमलाई ज्वाक्सका पत्रुसलाई देल्फुडा फिड्डु। १७ लाम्चोको लपा मे मेसेमका पत्रुसनुड हिलाबुडु, “हाम गाना मेराम मुचुक् सीसिपामिमगोडाम कोले?” पत्रुसका ज्वाक्ता, “गो ने मेरेँ।” १८ जुलुपा थारी बाईडामका डुल्चोमिम नुड सोरनेम लपामिमका मु भुत्तोडा बेम्डी। पत्रुस वो मेर्मिमनुड येम्तासिसाका मु भुत्तोडा लेड्डु।

डोक्पु डाउ डुम्लाचो हन्नासका येशूनुड हिलाबुडुम

१६ डोक्पु डाउ डुम्लाचोका येशूलाई उनी सीसिपा नुड सीसिकु दुथाम हिलाहिसी बुडु। २० येशूका ज्वाम्डी, “सुम्दीसेरडा खोत्लेकु डादोडा गो जेडडोम बु। यहूदीमिम खोम्सिमिमि घ्रोम्दीनेममिम नुड सोरनेमबाडे गो हेल्लो लोवो सीत्तोमी। थसिक्साका गो हाम वो ज्वाडडोम मिबु। २१ हेडा गानी गोलाई हिलाबोडिनी? गो जेडडोम थोपामिमलाई हिलाबेनी। गो हाम ज्वाडडो, मेर्मिमका चमी।” २२ येशूका आरे ज्वाम्डीलो उनीमा फार्डाडा येम्तासिक्पा सोरनेम लपा कोले सिपाहीका आरे ज्वाक्तो येशूलाई फोसुडा याल्लु, “डोक्पु डाउ डुम्लाचोलाई हाम आरेडा ज्वाम् बासिक्पा?” २३ येशूका ज्वाम्डी, “गो मेजोपा ल्वा जेडडोम बु माला, हाम जेडडो मेराम सोया। लावो गो जेडडोम ल्वा आच्छाडा माला हेडा गोलाई याल्डीमिम?” २४ मेकोतिमा हन्नासका गुलाई बन्थाट्माडा डोक्पु डाउ डुम्लाचो कैयाफाकाडा थुस्तु।

पत्रुसका आथावो येशू मेछेपु ज्वाक्ताम

२५ सिमोन पत्रुसका येम्तासिड्डामा म् जुडडुम बाईडा। मेर्मिमका गुनुड हिलाबेम्डी, “गाना वो मेरामकु सीसिपामिमगोडाम कोले मेडे?” पत्रुसका मेछेपु ज्वाक्साका ज्वाक्ता, “गो ने मेएँ।” २६ डोक्पु डाउ डुम्लाचो कु डुल्चो, मेरामकु मुचुकाम पत्रुसका नोफला फल्साडुडुम बाईडा, मेरामका पत्रुसनुड हिलाबुडु, “हाम गानालाई मेरामनुड जैतूनकु धक्सामिम बाट्पा बगैँचागोडा ल्वांनिम मेएँ मा?” २७ पत्रुसका आथावो मेएँ ज्वाक्ता। मेकोतिलोडा स्वारेपो ओक्ल्याडडा।

पिलातसकु डादोडा येशू

२८ मेकोतिमा यहूदीमिमका येशूलाई कैयाफाकु नेमलामका रोमी साखामचो कु ओगानेमथो लम्डी। मेराम थारी नेमसोसोका बाईडा, मा डुम्ला होम्साका मेसेपा दुम्मुडाम वाड बुमु ओगानेमगोनो यहूदीमिम मेहुमीवा। ख्वामल्यामु चाडकाम गुला पेपा मेर्मिमकु न बाईडा। २९ मेर्मिमका पिलातसका पाखानो लुक्तामा मेर्मिमनुड हिलाबुडु, “ओराम मुचुकु बुईडला गानी उट्निम मेजोपा ल्वा हाम बु?” ३० मेर्मिमका ज्वाम्डी, “ओराम मुचु ख्लाम्याचो मेएँ माला ने ईनीमा ल्वाडा ग्वाण्डाड मेरेट्कुवा।” ३१ पिलातसका ज्वाक्ता, “ओरामलाई गानीडा लक्नी, मा ईनीमा डुम्ला होम्साका निया बेनी।” मेर्मिमका ज्वाम्डी, “लावो सुलाई वो सेन्मु आकीमा डुम्लाका मेग्वाकी।” ३२ गुमी हेसाका सिमुबासी ज्वाक्साका येशूका ज्वाम्डिम ल्वा रोम्थिमु लागि आरे दुस्ताम बाईडा। ३३ मेम्मा पिलातस ओगानेमगोनो लस्ता, मा येशूलाई येडुडुमा हिलाबुडु, “हाम गाना यहूदीमिमकु हप?” ३४ येशूका ज्वाम्डी, “गानी ईनी त्वाकाडा आरे ज्वानीमिम डे आमा दुथाम कोडनिमका गानीनुड सोम्डी?” ३५ पिलातसका ज्वाक्ता, “हाम गो यहूदी? ईमा त्वाकु सामा नुड डाउ डुम्लाचोमिमका आमा ल्वाडा गानालाई ग्वाडिडिमि बु। गाना हाम बेन्ना?” ३६ येशूका ज्वाम्डी, “आमा किब्दी ओराम सुम्दीसेरडाम मेएँ। आमा किब्दी सुम्दीसेरडाम माला ने आमा डुल्चोमिमका आमा लागि क्वाल्बा बेमीवा, मा यहूदीमिमकु ल्वाडा गो मेचुम्सिडुवा। लावो आमा किब्दी ओराम सुम्दीसेरडाम मेएँ।” ३७ पिलातसका ज्वाक्ता, “मेएँ माला हाम गाना हपडा?” येशूका ज्वाम्डी, “गो हप ज्वाक्साका गानी जोपाडा ज्वानीम बुनी। ओरामकाम

लागिडा गो गड्डोम, मा आच्छाडाम
 ल्वा सोमु लागि गो सुम्दीसरडा
 योड्डोम। आच्छाडाकाम ल्वाथो सु-सु
 बुमी, मेर्मिमका आमा ल्वा थोमी।
 ३८ पिलातसका गुमीलाई हिलाबुडुमी,
 “आच्छाडाकाम ल्वा ज्वाक्का हाम?”
 आकोति ज्वाक्तामा गु लुक्तामा
 यहूदीमिमकामथो लस्ता, मा ज्वाक्ता,
 “ओरामलाई मुमा बेन्मु ल्वा हाम वो
 मेडारुवा। ३९ सेल्सिमु नेमकु चाडकाम
 थारीका चसिक्पा कोले मुचुलाई ईनीमा
 लागि गो डिथालु। मेम्मिमका गो
 ‘यहूदीमिमकु हपलाई’ डिडुपुनु ज्वाक्पा
 ईनीमा न बु?” ४० मेर्मिमका आथावो
 आरे ज्वाक्तो येम्डी, “मेरामलाई मेएँ,
 बारब्बालाई डिडनी।” बारब्बा ने
 कोर्थोलाम बक्साका क्वाल्पा बेपा मुचु
 बाईडा।

१६ मेकोतिमा पिलातसका
 येशूलाई कोक्तेकु याल्खोपका
 याल्बेडुडुमी। २ सिपाहीमिमका चुकु
 मुकुट बेनेबेम्डीमा गुमीलाई खुबोटैमडी।
 मेम्मा बैजनी रङ्गकाम ये फबोटैमडी,
 ३ मा उनी फार्डा कुदुमार रोम्डीमा
 “यहूदीमिमकु हपकाम सोर दुम्नू, रोर
 दुम्नू!” ज्वाक्तो गुमीलाई उनीमा फोसुडा
 याल्मिडी। ४ पिलातस आथावो पाखानो
 लुक्तामा ज्वाक्ता, “रेप्नी, येशूलाई
 गो ईनीमाडा फित्तोडा लेटपु। गुका
 र्लोड्डुडुम ल्वा गो हाम वो मेडारुवा,
 मेराम गानी चक्नी ज्वाक्पा आमा न बु।”
 ५ येशूका चुकाम मुकुट खुतासिसाका
 नुड बैजनी रङ्गकाम ब्लाडमा-ये
 फतासिसाका पाखानो लुम्डी। मेम्मा
 पिलातसका ज्वाक्ता, “रेप्नी, ओराम
 मुचु।” ६ डाउ डुम्लाचोमिम नुड सोरनेम
 लपा सिपाहीमिमका येशूलाई ल्वाम्डी
 मेरे येम्डी, “मेरामलाई क्रूसडा चेटनी,
 मेरामलाई क्रूसडा चेटनी।” लावो
 पिलातसका मेर्मिमलाई ज्वाक्ता,
 “गानीडा ओरामलाई लक्नीमा क्रूसडा

चेटनी। हेडालोने ओराम मुचुका
 र्लोड्डुडुम गो हाम वो मेडारुवा।”
 ७ यहूदीमिमका ज्वाम्डी, “आकीमा
 कोले डुम्ला बु, मेराम होम्साका
 ओराम मुचु सिमुडा बासी, हेडालोने
 गु माम्चुनीकु तारापाचो ज्वाक्साका ऊ
 त्वाकाडा ज्वाक्तामा बु।” ८ ओराम ल्वा
 थोस्तुमा पिलातस डादोमडाम वो छोम
 डिड्डा। ९ मेम्मा आथावो ओगानेमगोनो
 हुड्डा, मा येशूलाई हिलाबुडु, “गाना
 बान्थोम?” लावो येशूका गुलाई हाम
 वो मेतुकमीवा। १० पिलातसका गुमीलाई
 ज्वाक्ता, “गाना गोनुड ल्वा बोमु
 मेद्वानामिम? गानालाई डिन्सोमु लोवो
 गानालाई क्रूसडा चेन्मु लोवो साखाम
 गोनुड बु ज्वाक्पा गाना मेचना?”
 ११ येशूका ज्वाम्डी, “माम्चुनीका
 गानीलाई ग्वाक्निमका कोड्डा गोडला
 ईनीमा साखाम बुमिम। मेम्मिमका
 ईनीमा ल्वाडा गोलार्ड ग्वाक्पाका छोम
 डोक्पु छुल बुडुम बु। १२ मेकोतिमा
 पिलातसका येशूलाई डिन्सोमु न बुडु।
 लावो यहूदीमिम आरे ज्वाक्तो येम्डी,
 “मेराम मुचुलाई डिन्सोट्टी माला
 गानी कैसरकु डोप्सो मेएँ। सुका गो
 हप ज्वाक्साका जे, मेराम कैसरकु
 कोर्थोलाम ब।” १३ पिलातसका ओराम
 ल्वा थोस्तुमा येशूलाई पाखानो फिड्डु।
 मेम्मा गु ‘लुडकु पाटी’ (हिब्रू ल्वाडा
 मेरामलाई गब्बथा ज्वामी) ज्वाक्का
 बायडा नियाचो गन्पा गनखोपडा
 गन्डा। १४ सेल्सिमुनेमकु चाडकाम लागि
 भोम्जोल्सिट्पा नेम्फु बिली बाईडा।
 पिलातसका यहूदीमिमलाई ज्वाक्ता,
 “रेप्नी, ईनीमा हप।” १५ लावो मेर्मिमका
 डोक्पु लोलामका येत्तो ज्वाम्डी,
 “ओरामलाई लक्नी, ओरामलाई क्रूसडा
 चेटनी।” पिलातसका हिलाबुडु, “हाम
 गो ईनीमा हपलाई क्रूसडा चेन्मु?”
 डाउ डुम्लाचोमिमका ज्वाम्डी, “कैसर
 कोड्डा आकीमा हप।” १६ मेकोतिमा

पिलातसका येशूलाई क्रूसडा चेन्मुलागि सिपाहीमिमकु ल्वाडा ग्वाक्तुमी। मेम्मा सिपाहीमिमका येशूलाई उनी ल्वाडा रम्डी।

क्रूसडा येशू चेट्टिमडिम

१७ गुमीका उनी त्वाकु क्रूस त्वाकाडा कुर्साका बुईसेर ज्वाक्मा बायथो लम्डी, मेरामलाई हिब्रू ल्वाडा गल्गथा ज्वामी। १८ मेसिन्डा मेर्मिमका गुमीलाई क्रूसडा चेट्टिमडी। वाडमिम नले मुचुचिपेलाई वो गुमीनुडडा क्रूसडा चेट्टिमडीची। येशूलाई थेतेडा बेसाका कोले उनीमा होनोलाम कोडमी उनीमा आथोलाम। १९ पिलातसका कोड छेखोप येशूकु बुईकुडला केप्डुम बाईडा। मेसिन्डा: “नासरतडाम येशू यहूदीमिमकु हप” ज्वाक्मा बाईडा। २० यहूदीमिम हापाका ओराम छेखोप डाडिमडी, हेडालोने येशूलाई क्रूसडा चेट्टिमडिम खोम शहरकु फार्डाडा बाईडा। मेराम छेखोप हिब्रू, ल्याटिन नुड ग्रीक ल्वाडा ज्वाक्मा बाईडा। २१ यहूदीमिमका डाउ डुम्लाचोमिमका पिलातसलाई ज्वाम्डी, “यहूदीमिमकु हप ज्वाक्साका मेएँ, ओरामका गो यहूदीमिमकु हप” ज्वाक्साका ज्वाक्नी।” २२ पिलातसका ज्वाक्ता, “गो हाम ज्वाक्तो, ज्वाक्तो।” २३ सिपाहीमिमका येशूलाई क्रूसडा चेट्टिमडीमा येशूकु ये-सेम रम्डीमा खोत्लेलाई लिट्पा बेसाका ब्ललेका दोम्डी। मेर्मिमका येशूकु ब्लाडमा-ये वो रम्डी, लावो मेराम ब्लाडमा-ये ने हालाम हायु कोलेडा बाईडा। २४ मेर्मिमका उनी त्वाप-त्वापडा आरे ज्वाबेम्डी, “ओराम मेआक्सी, ओराम सुका ल्वापा ज्वाक्साका चिट्टा ओप्डी।” माम्चुनीकु सिजेमडाम ओराम ल्वा रोथीनु ज्वाक्साका आरे दुस्ताम: “मेर्मिमका आमा ये-सेम दोम्डी, उनी त्वाप-त्वापडा

दोम्डी, मा आमा ये-सेमकाम लागि चिट्टा ओम्मिडी।”* सिपाहीमिमका आरे बेम्डी। †२५ येशूकु क्रूस फार्डा येशूकु माम, उनीमा चेम, क्लोपासकु नाईमे मरियम नुड मरियम मगदलिनी येम्तासिट्पा बाम्डी। २६ येशूका उनीमा माम नुड गुमीका द्वाम्डिम उनीमा सीसिपालाई उनी फार्डा येम्तासिट्पा ल्वाम्डीमा उनीमा मामलाई ज्वाम्डी, “वा छापा, मेराम ईनीमा तारापाचो।” २७ मेम्मा मे सीसिपालाई वो ज्वाम्डी, “गुमीलाई ईमा माम।” मेम्लो आथाम मे सीसिपाका येशूकु मामलाई ऊ त्वाकु नेमडाडा लडु।

येशूकु साम लस्ताम

२८ खोत्ले खारी बोम्सोमु दुस्ता ज्वाक्पा येशूका चम्डीमा माम्चुनीकु सिजेम होड्डा रोथीनु ज्वाक्साका गुमीका ज्वाम्डी, “कोरा लुडा।” २९ मेसिन्डा जुर्पा अङ्गरकु कुनुडमा कोले सोजाम बाईडा। मेम्मा मेर्मिमका मेसिन्डा खावा प्लुम्साका हिसप ज्वाक्मा धक्साकु ग्रेमडा मेराम सम्डीमा कोक्साका येशूकु सिड्डा ग्वामी। ३० येशूका मेराम दोप्पीडीमा ज्वाम्डी, “हुक्ता।” मेम्मा कुम्सिम्डीमा उनीमा साम लस्ता। ३१ मेनेम भोम्जोल्सिट्पानेम बाईडा, ऊ दिकाम डोकपु डेम्सिमुनेम बाईडा। डेम्सिमुनेम सिपा मिरोमिमिम क्रूसडला मेदुमीनु ज्वाक्पा यहूदीमिमकु न बाईडा। मेर्मिमका मेर्मिमकु खेल चमुमा उनीमा मिरोम थान्मु ज्वाक्साका पिलातसनुड ज्वाम्डिम-ज्वाम्डिमडा बेम्डी। ३२ मेम्मा सिपाहीमिम रोम्डीमा येशूनुड क्रूसडा चेन्सिक्पाचिपकाम खेल चम्साम्डीची। ३३ लावो मेर्मिम येशूकाडा रोम्डीलो गुमी बासिडा सिम्डिम डार्मीडी। मेम्मा मेर्मिमका येशूकु खेल मेचम्साम्वा। ३४ मेम मेबेसाका कोले सिपाहीका

येशूकु फेट्फेटडा जातेका सुक्तु, मा
मेलामका सिसि नुड कु हास्ल्याड्डा।
३५ गानी वो थोरबोमु चाप्नी ज्वाक्साका
ओराम ल्वापा मुचुका सोयुडुम सो।
गुका सोयुडुम ल्वा आच्छाडा, मा गुका
सोयुडुम ल्वा आच्छाडा ज्वाक्साका
गुका च। ३६ “कोले वो उनीमा सेर
मैभ” ज्वाक्पा माम्चुनीकु सिजेम होड्डा
रोम्थिमु आरे दुस्ताम। ३७ आथावो
माम्चुनीकु सिजेमका ज्वा, “उहेमलाई
जातेका सुम्डी, मेरामलाई मेर्मिमका
रेम्मी।”,

येशू क्लुम्मीडिम

३८ मेकोतिमा चड्डा, अरिमाथिया
देलडाम योसेफका पिलातसकाडा
येशूकु सिपा मिरोम बियुडु। यहूदीकु
डिमका योसेफ मेचहोमका येशूकु कोले
सीसिपा बाईडा। पिलातसका लमु
ग्वाक्तुमा गु रोकतामा उनीमा सिपा
मिरोम लडु। ३९ डादो येशूलाई सिन्था
क्रोम्डा रोकपा निकोदेमस वो योसेफनुड
बाईडा। गुका ३३ किलो कोकोवा
मूरं नुड एलवा ज्वाक्मा मसला रेड्डुम
बाईडा। ४० आरेसाका यहूदीमिमका
मुचु क्लुम्मीलो बोमीमिम होड्डा
मैचिपका येशूकु सिपा मिरोम मसला
नुड सुतीकु साडखीमका दिल्ली। ४१ येशू
क्रुसडा चोटिमडिम बायडा कोले बगैचा
बाईडा। मेसिन्डा सुवो मेक्लुम्थेडा
बाटपा कोले लाले सुलुम बाईडा।
४२ मेनेम यहूदीमिमकाम भोम्सिक्पानेम
बाईडामका, मा फार्डाडा सुलुम
बाईडामका मैचिपका मेराम सुलुमडाडा
येशू जुल्ची।

येशू सिमुलाम बम्मेडिम

२० नेप्सुडलेमनेम नेमसोसोकाडा
मरियम मग्दलिनी सुलुमथो
लस्ता। मेम्मा सुलुमगोनो हुखोपडाम
लुड मेसिन्डा मेबायावाम गुका ल्वास्तु।

२ गु पत्रुस नुड येशूका छोम रिखाम
बेम्डिम कोडमी सीसिपाकाडा ओन्तो
रोक्तामा ज्वाक्ता, “मेर्मिमका डाचोलाई
सुलुमलाम लम्डी रेछा, मा गुमीलाई
बान्ते जुल्मिडी, मेराम गुई मैच।”
३ मेम्मा पत्रुस नुड कोडमी सीसिपा
सुलुमथो लाम्दीचची। ४ मैचिप कोयो-
कोयोडा ओन्तोलेट्ची लावो मे कोडमी
सीसिपा पत्रुसडाम लाम बक्तुमा
सुलुमनो डादो रोक्थिड्डा। ५ गुका
सुलुमगोनो कुम्स्तामा रेण्डुलो प्लुट्मा
सुतीकाम येशूकु साडखीम कोड्डा
बुतासिक्पा ल्वास्तु, लावो गु मेगोनो
मैहुडावा। ६ सिमोन पत्रुस मेरामकु
चडचड रोकता मा सुलुमगोनो हुड्डा।
गुका वो प्लुट्मा सुतीकु साडखीम
कोड्डा बुतासिक्पा ल्वास्तु। ७ येशूकु
बुईभाल बट्टमा ये ने मे सुतीकु येडाम
वाडडा प्लेम्थाट्टमा बाईडा। ८ मेम्मा
सुलुमडा डादो रोकफाट्टा सीसिपा
वो चड्डा मेगोनो हुड्डा। गुका मे
ल्वास्तुमा थोरबुडु। ९ हेडालोने येशू
सिमुलामका बम्मेमुडा बासी ज्वाक्पा
माम्चुनीकु सिजेम मेर्मिमका आथावो
थेसिथेट्टिमडीम मेबायावा।

मरियम मग्दलिनीकाडा येशू रेम्बेम्सिडिम

१० मेकोतिमा मे सीसिपाचिप उचीमा
नेम ख्लोसिट्ची। ११ लावो मरियम
सुलुमकु पाखानो येम्तासिड्डामा
खाप्तोडा लेड्डु। खाप्तो गुका कुम्स्तामा
सुलुमगोनो रेण्डु, १२ मा येशूकु मिरोम
बाईडामडा बुबुयाम नले पाहीचोचिप
ल्वास्तु। कोले येशूकु बुई बाट्टाथो मा
कोडमी ने खेल बाट्टाथो गन्तासिट्टा
बाचची। १३ मैचिपका ज्वाक्ची, “ए वा
छापा, हेडा ख्राम्नामिम?” गुका ज्वाक्ता,
“मेर्मिमका आमा डाचोलाई लम्डी
रेछा, मा गुमीलाई बान्थो जुल्मीडिम बु
मेराम गो मैचक्पु।” १४ मेराम थारीका गु

चडथो र्ल्लोस्ता मा येशू येम्तासिट्मडीम
 ल्वास्तु, लावो गुमी येशू ज्वाक्साका
 मेछेदुवा। १५ येशूका गुलाई ज्वाम्डी,
 “ए वा छापा, गाना हेडा ख्राप्तोडा
 लेना? मा सुलाई माल्तोडा लेनामिम?”
 गुका गुमीलाई बगैचा रेपा मुचु ज्वाक्पा
 मिम्डुमा ज्वाक्ता, “वाआ, गानो गुमीलाई
 ओलामका लकिनम माला बान्ते जुलिनम
 बु सोनीका मा गो गुमीलाई लक्पुमी।”
 १६ येशूका ज्वाम्डी, “मरियम” मरियम
 गुमीथो र्ल्लोस्तामा हिबू ल्वाडा ज्वाक्ता
 “रब्बोनी” मेराम ज्वाक्ता “सीपा।”
 १७ येशूका गुलाई ज्वाम्डी, “गोलाई
 मेजेटडी, हेडालोने गो पापकाडा
 र्ल्लोडसिड्डोम मिबु। लावो आमा
 ल्वाकमिमकाडा लक्सामा ज्वाका, ‘गो
 आमा पाप नुड ईनीमा पापकाडा मा
 आमा माम्चुनी नुड ईनीमा माम्चुनीकाडा
 लक्तोडा लैट्पु।” १८ मरियम मग्दलिनी
 सीसिपामिमकाडा लस्तामा ओराम सेला
 ज्वाक्ता, “गो ने डाचोलाई लाउतोमी।”
 मेम्मा गुमीका गुलाई ज्वाम्डिम ल्वा
 मेर्मिमनुड सोयुडु।

सीसिपामिमकाडा येशू रेम्बेम्सिडीम

१९ नेप्सुडलेमनेम नेम्थाका यहूदी
 डाउमिमडाम डिमुका सीसिपामिमका
 लाम्चोको र्ल्लुटिमडीमा कोदेप बाम्डी।
 येशू रोम्डीमा मेर्मिमकु थेतेटा येम्सिडी,
 मा ज्वाम्डी, “न-गो भ्रसी ल्वानीन।”
 २० अकोति ज्वाम्डीमा गुमीका मेर्मिमलाई
 उनी ल्वा नुड फेटफेट रेम्बेटिमडी।
 डाचोलाई ल्वाम्डीमा सीसिपामिम
 छोम गेर्सिद्वाम्डी। २१ येशूका आथावो
 ज्वाम्डी, “न-गो भ्रसी ल्वानीन। पापका
 गोलाई थुर्डिडीमीम होम्साकाडा गो
 गानीलाई वो थुर्निनी।” २२ आकोति
 ज्वाम्डीमा गुमीका मेर्मिमडला सामका
 होटिमडीमा ज्वाम्डी, “माम्चुनी-पेल रनी।

२३ कोडनिमकु छुल गानी हेम्सानी माला
 मेर्मिमकु छुल हेम्सी, मेर्मिमकु छुल गानी
 मेहेम्सानी माला मेर्मिमकु छुल मेहेम्सी।”

थोमाकाडा येशू रेम्बेम्सिडीम

२४ येशू रोम्डीलो को-न(१२)
 सीसिपामिम गोडाम कोले दिदुमस
 ज्वाक्ता थोमा ने मेर्मिमनुड मेबायावा।
 २५ मेम्मिमका वाडमिम सीसिपामिमका
 गुनुड ज्वाम्डी, “गुकु डाचोलाई
 ल्वात्तोको।” लावो गुका ज्वाक्ता, “गो
 उनीमा ल्वाडा काँटीकु पार मेल्वाथुम
 नुड काँटीका होटमाडा आमा ब्रेप्चो
 मेफिक्थुमसम्म गो थोर मेलुडु।”
 २६ लेत्लेम चडडा सीसिपामिम आथावो
 नेमगोनो बाम्डी, मा थोमा वो मेर्मिमनुड
 बाईडा। लाम्चोको र्ल्लुट्मा बाईडा
 लोवो येशू रोम्डीमा मेर्मिमकु थेतेटा
 येम्सिक्साका ज्वाम्डी, “न-गो भ्रसी
 ल्वानीन।” २७ मेम्मा गुमीका थोमालाई
 ज्वाम्डी, “ईमा ब्रेप्चो आसिन्डा फिका,
 मा आमा ल्वा रेण्डा। ईमा ल्वा फिडामा
 आमा फेटफेटगोनो फिका। ईमा
 नडा मेमुर्सा, थोरलुया।” २८ थोमाका
 गुमीलाई ज्वाक्ता, “आमा डाचो, आमा
 माम्चुनी।” २९ येशूका मेरामलाई ज्वाम्डी,
 “गाना गोलाई ल्वाडिडमका गोडला
 थोरलुन्नाम। उहेमका गोलाई मेल्वासाका
 थोरलुमी मेर्मिम आलाकाम सो।”

हेडा ओराम जोपा-सेला ज्यास्ताम

३० येशूका वाडमिम वो हापा
 युमखारीमिम उनी सीसिपामिमकु
 डादोडा रेम्बेम्डी, मेर्मिम ओराम
 किताबडा ज्वाक्ता मिबु। ३१ येशूडा
 माम्चुनीकु तारापाचो ख्रीष्ट, मा थोर
 बेसाका उनीमा नडडा गानी त्वारोम
 ल्वामु चाम्नीनू ज्वाक्साका ओर्मिम ल्वा
 ज्यास्ताम।

येशू नुड युमखारीनुडमा डो चुम्मी

२१ मेकोतिमा तिबेरियस दिरिदिनकु फार्डा उनीमा सीसिपामिमकाडा येशू आथावो रेम्बेसिम्डी। गुमी आरिसाका रेम्बेसिम्डी: २सिमोन पत्रुस, दिदुमस ज्वाक्मा थोमा, गालीलडाम काना देलडा बाट्पा नथानेल, जब्दियाकु नले तारापाचोचिप, मा नले सीसिपाचिप कोदेप बाम्डी। ३सिमोन पत्रुसका मेर्मिमनुड ज्वाक्ता, “गो ने डो सेड्डा लक्तोडा बेउ।” मेर्मिमका ज्वाम्डी, “गुकु वो गानानुडडा लकु।” मेर्मिम लम्डीमा कुवी-बोकसाडला हुम्डी, लावो मेराम सिन्था मेर्मिमका कोले वो डो मेचुम्मीवा। ४नेमसोसोका येशू दिरिदिनकु सोपडा येम्सिम्डी। लावो सीसिपामिमका गुमी येशू ज्वाक्साका मेछेट्मीवा। ५येशूका मेर्मिमलाई ज्वाम्डी, “डोप्सोनी, गानीनुड कोले वो डो मिबु?” मेर्मिमका ज्वाम्डी, “मिबु।” ६गुमीका मेर्मिमलाई ज्वाम्डी, “पालुड कुवी-बोकसाकु जोपलाम ओप्नी, मा किचोकोलोड डो डार्नी।” मेम्मा मेर्मिमका पालुड ओप्मिडी, मा पालुडका डो हापा हुप्डुमका मेर्मिमका पालुड थुन्मु मेचाप्मीवा। ७मेम्मा येशूका छोम रिखाम बेम्डिम सीसिपाका पत्रुसलाई ज्वाक्ता, “गुमी ने डाचो रे रेछा।” “गुमी ने डाचो रे रेछा।” ज्वाक्पा सिमोन पत्रुसका थोस्तुमा गुका उमा ब्लाडमा-ये कम्मरडा बड्डु, हेडालोने गुका उमा ब्लाडमा-ये प्लुस्तुम बाईडा। मेम्मा दिरिदिनगोयु भ्रुस्ता। ८वाडमिम सीसिपामिम ने कुवी-बोकसाडलाडा गन्मिडीमा डोका लिपा पालुड पाखानो थुत्तोडा लेटिमडी। मेर्मिम दिरिदिनकु सोपडाम हापा होनोवा मेबामीवा, कोसडा(१००) मीटर कोको होनो बाम्डी। ९दिरिदिनकु सोपडा मेर्मिम लुम्डीमा मेर्मिमका ग्राग्राया वाक्पा गेलुडडला डो नुड सोबेम ल्वाक्मा

ल्वाम्डी। १० येशूका मेर्मिमलाई ज्वाम्डी, “गानी मालो चुम्नीम कोले-नले डो फिट्नी।” ११ मेम्मा सिमोन पत्रुस कुवी-बोकसाडला हुड्डामा पालुड दिरिदिनकु सोपथो थुस्तु। मेगोडा कोसड-डोसुले(१५३) डोकपुतो डो बाम्डी। मेकाम हापा डो बाम्डी लोवो मे पालुड मेआक्सावा। १२ येशूका मेर्मिमलाई ज्वाम्डी, “रोक्नीमा पैनी।” सीसिपामिम सुकावो “गानी सु” ज्वाक्साका गुमीलाई हिलाबोमु मेचाप्मीवा। हेडालोने मेर्मिमका गुमी डाचो ज्वाक्साका छेटिमडीम बाईडा। १३ येशू बिम्डीमा सोबेम रम्डी, मा मेर्मिमलाई ग्वाम्डी। मेम्साकाडा डो वो मेर्मिमलाई ग्वाम्डी। १४ सिमुलाम बम्पोम्डिम चड्डा येशू उनी सीसिपामिमनुड रेम्बेसिम्डीम ओराम सुकखेपमिम थारी बाईडा।

येशूका पत्रुसलाई डादोम
खुन्चुम खुबेटिमडीम

१५ मेर्मिमका पोमु डुम्मीडीमा येशूका सिमोन पत्रुसलाई ज्वाम्डी, “यूहन्नाकु तारापाचो सिमोन, हाम ओर्मिमडाम हापा रिखाम गाना बोडी?” गुका ज्वाक्ता, “मेमडा, डाचो, गो गानीलाई रिखाम बोनीनी ज्वाक्पा गानी चनी।” गुमीका गुलाई ज्वाम्डी, “आमा भेन्दाकु चोमिमलाई पोमुडुमु ग्वाकामी।” १६ येशूका आथावो ज्वाम्डी, “यूहन्नाकु तारापाचो सिमोन, हाम गाना आच्छाडा रिखाम बोडी?” गुका ज्वाक्ता, “मेमडा, डाचो, गो गानीलाई रिखाम बोनीनी ज्वाक्पा गानी चनी।” गुमीका ज्वाम्डी, “आमा भेन्दामिमलाई र्पडामी।” १७ गुमीका सुकखेपडा ज्वाम्डी, “यूहन्नाकु तारापाचो सिमोन, हाम गाना गोलाई रिखाम बोडी?” पत्रुसकाम छोम उमा गो नोडा, हेडालोने गुमीका सुकखेप “हाम गाना गोलाई रिखाम बोडी?” ज्वाक्साका हिलाबेम्डी। गुका गुमीलाई

ज्वाक्ता, “डाचो, गानी खोत्ले चनी, गो गानीलाई रिखाम बोनीनी ज्वाक्पा चनी।” येशूका ज्वाम्डी, “आमा भेन्दामिमलाई पोमु-डुमु ग्वाकामी।^{१८} आच्छाडा गो गानालाई ज्वाडु, गाना स्वाला बान्नालो ई त्वाकाडा त्वाकु ये फन्थालिसटना, मा बान्थो ई लल द्वाक्ता, मेसिन्डा लक्ना। लावो गाना डावा दुम्नामा ई ल्वा हम्नामा बुना, मा कोडनिमका ये फबेनामीमा बान्थो ई लल मेद्वा मेसिन्डा मेलनामी।”^{१९} हेसाका सिसाका पत्रुसका माम्चुनीकु युम भ्वाकु मेराम रेम्बोमु लागि येशूका आरे ज्वाम्डिम बाईडा। मेम्मा गुमीका पत्रुसलाई ज्वाम्डी, “आमा चडचड लाम्दीया।”

येशू नुड गुमीका छोम रिखाम बेम्डिम सीसिपा

^{२०} पत्रुसका चडथो र्लोसिड्डामा रेण्डुलो येशूका छोम रिखाम बेम्डिम सीसिपा चडचड बिक्तोडा बेपा ल्वास्तु। नेम्थाम गुला पेम्डीलो येशूकु चडलाम थेर्तासिड्डामा “डाचो, गानीलाई भ्रेट्पा मुचु सु?” ज्वाक्साका हिलाबेपा सीसिपा

ओरामडा बाईडा।^{२१} पत्रुसका गुलाई ल्वास्तुमा येशूनुड हिलाबुडु, “डाचो, ओराम हे दुम?”^{२२} येशूका पत्रुसलाई ज्वाम्डी, “गो मेर्लोसिक्थुमसम्म गु सामनुडमा बुनुम बुनू ज्वाक्पा आमा न बु, गानालाई हाम दुस्ता? आमा चडचड लाम्दीया।”^{२३} मेम्मिका मेराम सीसिपा मेसि ज्वाक्पा ल्वा सीसिपामिमगोडा फोन्सिड्डा। लावो गु मेसि ज्वाक्साका येशूका ज्वाम्डिम मैबायावा। गुमीका ने आरे ज्वाम्डिम बाईडा, “गो मेर्लोसिक्थुमसम्म गु सामनुडमा बुनुम बुनू ज्वाक्पा आमा न बु गानालाई हाम दुस्ता?”^{२४} मेराम सीसिपाडा सो ओर्मिम ल्वाकु दुथाम सोपा मा ज्याक्पा। गुका ज्वामिम ल्वा आच्छाडा ज्वाक्पा गुई च।^{२५} येशूका वाडमिम वो हापा खारीमिम बेम्डी। मेर्मिम खोत्ले ज्याक्पाका माला मे ज्याक्मा किताबमिम हिसिक्पा खोम खोत्ले सुम्दीसेरडा वो मेदुप्सावा ज्वाक्पा गो लुडु।